

15367

Հայոց պատմութեան

Քաջ և կրթական  
սիցառութեան

321

Հ - 91

1917

944.

321  
Հ - 91

26 SEP 2006

№ 69

«Յան զ»-ի գրադարան

№ 69

115 JAN 2010  
100

Ա. ՆՈՎՈՅՈՐԴՈՒԿԻ



Ի՞ն է

# ԻՐԱԻԱԿԱՆ ՊԵՏՈՒԹԻՒՆԸ

12236+

ԵՐԿՐՈՐԴ ՏՄԱԳՐՈՒԹԻՒՆ

Թուրքմ. Ա. Աբեղեան

Թ Ի Ֆ Լ Ի Ս

Տպարան «Մամուլ» թերթ. Լորիս-Մելիքեան փող. № 22.

1917

12829

## 1. Ի՞նՉ է ՊԵՏՈՒԹԻՒՆԸ

Պետութիւնը — դա նստակեաց ժողովուրդն է, որ ապրում է մի միակ բարձրագոյն իշխանութեան տակ:

Ուրեմն՝ այնտեղ, ուր չկայ ժողովուրդ, չըկայ և պետութիւն. կամ՝ ուր կայ ժողովուրդ, որ սակայն թափառական է, այսինքն չունի մի որոշ և հաստատուն բնակավայր, այնտեղ չէ կարող լինել և պետութիւն. օրինակ՝ թափառաշրջիկ ժողովուրդը պետութիւն չէ կազմում: Վերջապէս, նստակեաց ժողովուրդը միայն այն դէպքումն է պետութիւն կազմում, եթե նա ապրում է մի բարձրագոյն իշխանութեան եեթակայ, այսինքն, եթե այդ նստակեաց ժողովուրդն ունի մի բարձրագոյն իշխանութիւն, որին հպատակւում են բոլորը:

Ուրիշ խօսքով, այն բոլոր դէպքերում, եթե կան հետևեալ երեք պայմանները, այն է. 1) ժողովուրդ, 2) նրա նստակեացութիւնը և 3) բարձրագոյն իշխանութիւնն՝ այնտեղ կայ և պե-

12236

տութիւն. իսկ ուր չկայ այս երեք պայմաններից մէկն ու մէկը՝ այնտեղ չկայ և պետութիւն։

Պետական իշխանութիւնը բաղկացած է երեք տեսակի իշխանութիւններից—օրէնսդրական, գործադիր կամ կատարողական և դատաստանական։

Օրէնքներ հրատարակելու իրաւունքը կոչւմ է օրէնսդրական իշխանութիւն։

Այդ օրէնքները իրագործող իրաւունքը կոչւմ է կատարողական կամ կառավարչական իշխանութիւն։

Դատող կամ արդարադատութիւն կատարող իրաւունքը կոչւմ է դատական իշխանութիւն։

Երբ պետութեան մէջ բարձրագոյն իշխանութիւնը պատկանում է մէկ անձի միայն, այսինքն թագաւորի, իշխանի, կայսրի, այն ժամանակ մենք այդ իշխանութիւնը անւանում ենք բացարձակ միապետութիւն կամ ինքնակալութիւն։

Պետութեան բարձրագոյն իշխանութիւնը կարող է պատկանել ողջ ժողովրդին կամ նրա ընտրած ներկայացուցիչներին։ Պետական այդպիսի կազմը անւանում է հասարակապետութիւն կամ հանրապետութիւն։

Վերջապէս կայ և մի այլ տեսակ պետական կազմ, ուր պետական իշխանութիւնը պատ-

կանում է մասամբ ժողովրդին և մասամբ թագաւորին. այդպիսի պետական կազմը կոչւում է սահմանափակ կամ սահմանադրական միապետութիւն։

Այդպիսի պետութեան մէջ թագաւորի ինքնակալական իշխանութիւնը սահմանափակւած է ժողովրդին վերապահած իրաւունքներով և ազատութիւններով, որոնք դուրս են թագաւորի իշխանութիւնից։

Այդ իրաւունքները, արտօնութիւնները և ազատութիւնները մի առ մի յիշւած են լինում երկրի հիմնական օրէնքի մէջ։

Այդ օրէնքը որոշում է պետական կազմակերպութեան հիմունքները—դրա համար էլ նա կոչւում է հիմնական օրէնք։

Հիմնական օրէնքը ուրիշ անունով առւում է սահմանադրութիւն կամ կոնստիտուցիա, այսինքն հիմունքներ, որոնցով որոշուում են որպէս ժողովրդի իրաւունքներն ու պարտականութիւնները, նոյնպէս և թագաւորի իրաւունքներն ու պարտականութիւնները։ Նա է, որ որոշում է, թէ վերև յիշւած երեք իշխանութիւններից ո՞րո՞նք են պատկանում ժողովրդին և որո՞նք՝ թագաւորին։

Սովորաբար ժողովրդի ձեռքին գտնուում է օրէնսդրական և դատական իշխանութիւնը, իսկ թագաւորին մնում է կատարողական

(գործադիր) կամ կառավարչական իշխանութիւնը։ Անգլիայում, օրինակ, իշխանութեան բոլոր երեք տեսակները պատկանում են ժողովրդին, գտնուում են նրա ներկայացուցիչների ձեռքում։ Դրա համար էլ անգլիական թագաւորի մասին ասում են, որ նա միայն «թագաւորում է, սակայն չէ կառավարում պետութիւնը»։

Մուսաստանում Յեղափոխութիւնից առաջ բոլոր երեք իշխանութիւններն ել՝ օրէնսդրական, գատական և գործադիր, պատկանում էին կայսրին, որի իշխանութիւնը ոչինչ և ոչ ոք չէր սահմանափակում։ Հետհապէս Մուսաստանում բարձրագոյն ողջ իշխանութիւնը թագաւորի ձեռքումն էր, ուրիշ խօսքով՝ Մուսաստանը բացարձակ միապետութիւն էր։

## 2. Ի՞նչ է իրԱԻՍԿԱՆ ՊԵՏՈՒԹԻՒՆԸ ԵՒ Ի՞նչ է ՈՍՏԻԿԱՆԱԿԱՆ ՊԵՏՈՒԹԻՒՆԸ

Պետական այն կազմակերպութիւնը, որ մենք տեսնում ենք Եւրոպայի, Ամերիկայի և Աւստրալիայի բոլոր յառաջադէմ ժողովուրդների մէջ, կոչւում է իրաւական։

Իրաւական է կոչւում այդ ժողովուրդների պետութիւնը նրա համար, որ այդ ժողովուրդների հիմնական օրէնքները ընդունում են ժողո-

վրդի բարձրագոյն իրատմնքները պետութեան այս կամ այն իշխանութեան վերաբերմամբ և օրէնքի իշխանութիւնը՝ ողջ պետական կեանքում։

Այսպիսի պետութիւնը իրաւական է կոչւում նաև այն պատճառով, որ իւրաքանչյւր քաղաքացի, նոյն օրէնքների համաձայն, օգտուում է նաև այլ իրաւունքներից, օրինակ՝ խղճի, հաւատի, համոզմունքների ազատութիւն, ունի խօսքի, մամուլի, ժողովումների, ժողովրդական հանդէմների ազատութիւն, նաև անձի, բնակարանի անձեռնմխելիութիւն, և այլն։

Այս բոլոր իրաւունքների մասին մենք կը խօսենք առանձին, այժմ պէտք է միայն նկատենք, որ եւրոպական բոլոր ազգերը, նախ քան իրաւական պետութիւն ունենալը, ունեցել են ոստիկանական պետական կազմ—օրինակ՝ ինչպէս որ էր մի ժամանակ Ֆրանսիայում, Գերմանիայում, Իտալիայում և այլ պետութիւնների մէջ։

Այժմ տեսնենք, թէ ինչ բան է ոստիկանական պետութիւնը, ինչ առանձնայատկութիւններ ունի նա և ինչու ոստիկանական անունն է ստացել։ Ոստիկանական պետութեան մէջ պետական բարձրագոյն իշխանութիւնը պատկանում է թագաւորին։ Նա ինքն է հաստատում օրէնքներ, սահմանում հարկեր և տուրքեր։ Նա է նշանակում մինիստրներ և դատաւորներ։

Թագաւորի ձեռքում են գտնուում յիշած

բոլոր երեք իշխանութիւնները՝ օրէնսդրական, կատարողական և դատական։ Թագաւորի կամքը ամենաքարօքը օրէնքն է։ Երկրի բոլոր ընակիչները հնագանդւում են նրան։

Ոստիկանական պետութեան մէջ թագաւորի ամենամեծ հոգալ իր իշխանութիւնը պահպանել և հաստատելն է։

Կետութեան մէջ ապրողները զուրկ են էական իրաւունքներից—նրանք միայն հաւատարիմ հպատակներ են՝ պարտաւոր են առանց այլեայլութեան հպատակւել թագաւորի կամքին։

Հպատակի իւրաքանչիւր քայլը պէտք է լինի իշխանաւորների թոյլատութեամբ։ Այն բանը, որ թագաւորական օրէնքներով թոյլատրւած է, —նա արգելւած է։

Թագաւորները ձգտում էին միշտ խառնել ժողովրդի կեանքի բոլոր գործերի մէջ։ Եւ որովհետեւ մի մարդու համար անհնար է ամեն ինչ տեսնել, ամեն բանի համար, ուստի թագաւորները չափազանց շատացնում էին թէ չինովակների (պաշտօնեաների), թէ գաղանի և թէ յայանի ոստիկանների թիւը։

Թագաւորները խառնւում էին ընակիչների տնտեսական կեանքի մէջ և նոյն իսկ նրանց անձնական, ընտանեկան գործերի մէջ։ Թագաւորները աշխատում էին առաջնորդել ժողովրդի արդիւնաբերական, առևտրական և գիւղատնաե-

սական կեանքը և գործերը։ Իսկ այս բոլորի համար պէտք էր չինովակների ահագին բանակ։ Մի խօսքով, ոստիկանական պետութեան մէջ ժողովրդի կեանքը ամբողջովին կաշկանդում էին, որպէս շղթաներ, թագաւորի սահմանած օրէնքները։

Սրգելումների մի ահագին ցանց կաշկանդում էր հպատակների շարժումը։ Ամենուրեք կար ոի իշխանութիւն, որ հաւանութիւն էր տալիս, թոյլատրում, արգելում և հսկում։ Պաշտօնեանների ու ոստիկանների այս ահագին բանակի կերակրելը մեծ գումարներ էր պահանջում, ի հարկէ ժողովրդի գրպանից։ Իսկ ամենից վատը այն է, որ թագաւորական օրէնքների առաջ բոլորն էլ միահաւասար չեն։

Որչափ հարուստ, զիրքով բարձր և ծագումով նշանաւոր է մի մարդ, այնչափ համարձակ ուսնատակ է տալիս նոր օրէնքները, առանց վախենալու որեէ պատասխանաւութիւնից։

Հարուստը խախտում է օրէնքը, որովհետև հաւատացած է, որ կաշառակեր պաշտօնեային տւած իր կաշառքով նա կազատւի ամեն տեսակ պատասխանաւութիւնից։ Իսկ դա առաջանում է նրանից, որ թագաւորական կառավարութիւնը այն սիսալ համոզմունքն ունի, թէ իշխանութեան արժանիքը և ժողովրդի յարգանքը գէպի իշխանութիւնը պահելու համար ան-

հրաժեշտ է պաշտօնեաների չարագործութիւնները ծածկել:

Եւ ահա պետական ծառայութեան մէջ գտնւող անձերի զեղծումների և յանցանքների այս անպատճիժ մնալը ունենում է այն հետևանքը, որ պաշտօնեաների և ոստիկանական ծառայուների մէջ զարգանում է կամայականութիւնը: Իսկ այդ կամայականութեան դէմ անհնար է գտնել դատաստան և արդարութիւն այն պարզ պատճառով, որ իրենք բարձր պաշտօնեաները միայն թղթի վրայ է, որ պատասխանատու են համարւում թագաւորի առաջ, իսկ իրօք չեն որ նրանք նշանակւած են հենց իր թագաւորի կողմից:

Եթէ մի մինիստր վատ է դուքս գալիս - գրանում մեղաւոր է, ի հարկէ, ինքը թագաւորը, որ ինքն է նրան այդ պաշտօնը տեղ:

Ոստիկանական պետութեան մէջ թագաւորին շրջապատում են միշտ հարուստ և ազնւատոհմ մարդիկ, որոնք հոգս են տանում, թէ ինչպէս անեն, որ լաւ տեղաւորւեն, հաստատւեն նրա շուրջը:

Հասարակ մահկանացուներ թոյլ չեն տըրւում թագաւորի մօտ, այնպէս որ թագաւորը լաւ ընտրութեան միջոցներից զուրկ է:

Թագաւորի անձին մօտ գտնւող իւրաքանչիւր ոք աշխատում է իր ձեռքը գցել որչափ

կարելի է շատ իրաւունքներ, որով շուտով ողջ թագաւորութիւնը լցւում է հարիւրաւոր և հազարաւոր մեծ ու փոքր ինքնակալներով:

Մկանում է «խնամիութիւն անելը»: Պնակալէզները առաջ են քաշում իրենց բարեկամներին, մօտ ծանօթներին և պետական ողջ կառավարութիւնը անցնում է պալատական մարդկանց մի խմբակի ձեռքը:

Արժանաւոր անձին դժւար է ոստիկանական պետութեան մէջ իր խելքի և ընդունակութիւնների համալարապատճան տեղ և պարապմունք գըտնել: Ամեն տեղ նստած են անընդունակ, բայց լաւ կապեր և հարստութիւն ունեցող աղնւատոհմ մարդիկ:

Ոստիկանական պետութեան մէջ թագաւորը իր իշխանութեան բարիքները բաժանում է ազնւականների և կալածատէրերի հետ, թագաւորը իրեն անւանում է «առաջին ազնւական», որով պարզ ցոյց է տալիս, թէ ով է ինքը, և ում շահերն են նրա սրտին աւելի մօտիկ:

Ոստիկանական պետութեան մէջ բոլոր պաշտօնեաները մեծ մասամբ ազնւականներից են լինում կամ թէ ազնւականութիւն են ձեռք բերում որոշ աստիճաններից յետոյ:

Թագաւորը հաստատում է այն օրէնքները, որ խմբագրում են աստիճանաւորները, իսկ որը բանք շատ անդամ աշխափ չեն տեսել այն ժողո-

վրդին, որի համար սահմանւած են այդ օրէնքները:

Հպատակների կողմից առաջացած ամեն մի դժգոհութիւն ոստիկանական պետութեան կողմից ճնշում է ոստիկանական և զինւորական ոյժով: Ինչ էլ որ անի թագաւորը, բոլորը պարտաւոր են գոհ լինել. Ժողովրդին հասած բոլոր թշւառութիւնների ժամանակ՝ օրինակ երաշտի, վարակիչ հիւանդութիւնների և այլն, ինքը թագաւորն է կարգադրում, թէ ինչ միջոցներ պէտք է ձեռք առնել:

Ամեն բանում իշխանաւորներ, պաշտօնեաներ, ոստիկաններ են, որ կան. ամեն բանի դէմ ոստիկանական միջոցներ, որ ասում են՝ «այս թոյլ է տրւում, միւսը՝ արգելում է»:

Ահա այն պետութեան առանձնայատկութիւնները, որին տրւած է ամենածիշտ անունը՝ ոստիկանական պետութիւն:

Քաղաքացիների իրաւագրկութիւնը, Ժողովրդի տգիտութիւնը, պետութեան անվերջ խնամակալութիւնը սպանում են մարդկանց մէջ ձեռներէցութեան ոգին, որի շնորհի ֆսաւում են առևտուրը, արդիւնագործութիւնը և զիւղական տնտեսութիւնը:

Բացի այդ, ոստիկանական պետութեան մէջ հարկերը և տուրքերը այնպէս են բաշխւած, որինչքան աղքատ է մարդ, այնքան համեմատա-

բար նա աւելի է վճարում պետական գանձարանին, և ընդհակառակը՝ որքան նա հարուստ է, այնքան քիչ պէտք է վճարէ:

Եւ դա զարժանալի էլ չէ, եթէ յիշենք, թէ ում հետ է բաժանում թագաւորը իր իշխանութեան արաօնութիւնները և ում վրայ է յենուում նա պետութիւնը կառավարելիս:

Մենք գիտենք, որ նրա անունով իշխում են հարուստները, ազնւականները, ածածամբ նաև վաճառականները, իսկ Ժողովութիւնը ոստիկանական պետութեան մէջ միշտ հեծում է հարկերի և տուրքերի ծանրութեան տակ, խարխափում է տգիտութեան մէջ, զուրկ իրաւունքներից, ենթակայ բազմաթիւ իշխանաւորների կամայականութիւններին:

Այս բոլորի հետևանքը եղաւայն, որ բոլոր երկիրներում ոստիկանական պետութիւնը մէկը միւսի յետելից տապալեց՝ նոյնը նաև մուսաստանում:

Ոյժմ ամփոփենք համառօտակի՝ ոստիկանական պետութեան առանձնայատկութիւնները:

1. Այդպիսի պետութեան գլուխը տէր է անսահման իշխանութեան:

2. Օրէնքի և դատարանի առաջ ամենքը հաւասար չեն ճանաչւած:

3. Կառավարութեան մէջ թագաւորում է կամայականութիւնը, շատ է ամեն տեսակ իշխանաւորների թիւը:

4. Դատարանը դանդաղաշարժ է, անարդար և անողորմ։ Դատում են կառավարութեան կողմից նշանակւած չինովսիկները։

5. Հպատակները չունեն և ոչ մի իրաւունք. նրանց միակ բաժինը պարտականութիւններն են։

6. Քանի աւելի աղքատ է մարդ, այնքան աւելի է նա հարկեր և տուրքեր վճարում, համեմատած իր կարողութեան հետ։

7. Ժողովուրդը լուսաւորւած չէ, որովհետև կառավարութիւնը ամեն կերպ արգելքներ է յարուցանում՝ դպրոցներ, գրադարաններ և այլն բանալու դէմ։

8. Ժողովուրդը չգիտէ, թէ ինչ բանի վրայ են ծախսւում իրանից պետական գանձարան հաւաքած փողերը։

9. Զօրքի, նաւատորմղի վրայ արւող ծախսերը, չինովսիկներին և պոլիցիականներին արւող ոռճիկները չափազանց մեծ են։ Ժողովրդի կենսական պահանջներին գոհացում տալու համար մնում են խղճուկ գրոշներ։

10. Ժողովրդա-տնտեսական կեանքի գարգացումը ճնշում է ոստիկանական միջոցներով։

11. Որովհետև չկան ոչ մի տեսակ օրինական միջոցներ, որոնցով ազգաբնակութիւնը կարողանար իր դժոխութիւնը յայտնել կառավարութեանը, այդ պատճառով էլ ոստիկանական

պետութեան մէջ անպակաս են անկարգութիւններ, յուզումներ, բռնութիւններ, ապստամբութիւններ,—որոնց կառավարութիւնը ճնշում է զինուրական և ոստիկանական միջոցներով։

Եւրոպայի լուսաւորւած ժողովուրդների մէջ էլ ոստիկանական պետութիւն գոյութիւն ունէր մի քանի դարեր։ Վերջին հարիւր տարում նա աստիճանաբար ընկաւ, շնորհիւ ժողովրդական խոռվութիւնների և ապստամբութիւնների։ Ազգերը երկար կռւում էին թագաւորական իշխանութեան դէմ՝ քաղաքացիների իրաւունքների և արտօնութիւնների համար, բոլորի հաւասարութեան համար օրէնքների առաջ, մինչև որ նըրանց աջողւեց կամ զիսովին վերջացնել թագաւորների իշխանութիւնը, կամ սահմանափակել այդ։

Անցած ողջ դարը նշանաւոր է այդ կռւով, կոիւ՝ արդար օրէնքների համար, կոիւ իրաւունքների համար։ Կարելի է ասել, որ լուսաւորւած ազգերը իրաւունքների տէր դարձան տնդադար կոիւներ մղելով։ Նրանք այդ կոիւներով ոչնչացրին ոստիկանական պետութիւնը և նրա աւերակների վրայ դրին իրաւական պետութեան հիմքը, պետական այն կազմի, ուր տիրում է արդար օրէնքը և ճանաչւած է քաղաքացիների անխախտելի, անձեռնմխելի կամ անկապտելի իրաւունքները, որոնց ոչ մի կառավարութիւն

ժողովրդից խլել իրաւունք չունի։ Մինչև 1917 թ. մետրւարեան Յեղափոխութիւնը Ռուսաստանը ոստիկանական տիպիկ պետութիւն էր։ Շնորհիւ Ռուսական Մեծ Յեղափոխութեան՝ տապալւեց ոստիկանական կառավարութիւնը և հաստատւեց իրաւակարգ։

Հետեւալում պիտի խօսենք իրաւական պետութեան առանձնայատկութիւնների մասին։

### 3. ԻՐԱՒԱԿԱՆ ՊԵՏՈՒԹԵԱՆ ՀԻՄՆԱԿԱՆ ՍԿԶԲՈՒԽՆՔՆԵՐԸ

Իրաւական պետութեան հիմնական սկզբունքներն են։ 1-ին՝ ժողովրդի վեհապետութիւն (ժողովրդապետութիւն) և 2-րդ՝ իրաւունքի տիրապետութիւն, իրաւունքի տիրապետութիւն նշանակում է՝ բոլոր քաղաքացիների հաւասարութիւնը օրէնքի և դատարանի առաջ, իրաքանչիւր մարդու սրբազնութեան, անձեռմիելի իրաւունքների ճանաչումը։ Այժմ ծանօթանանք մօտիկից, թէ ինչ է իրաւական պետութեան առաջին հիմքը—ժողովրդական վեհապետութիւնը։

4. ԺՈՂՈՎՐԴԻ ԻՐԱՎՈՒԽՆՔՆԵՐԸ

Ժամանակակից իրաւական պետութեան մէջ բարձրագոյն խմանութիւնը, որին պարտական են բոլոր նազանդւել, պատկանում է ամբողջ ժողովրդին։

Ժողովուրդն է պետութիւնը կառավարողը, նա է վարում պետական բոլոր գործերը։

Ժողովուրդն է օրէնքներ հրատարակում, նա ինքն է հսկում գրանց կատարման վրայ, ինքն է արդարադատութիւն անում։ Ժողովրդի ձեռքումն է նաև օրէնքը պահպան գործադիր և դատաստանական իշխանութիւնը։ Ժողովուրդն է, որ օրէնքը իր վրայ հարկեր և տուրքեր է նշանակում, — որպէսզի դանձ ժողովի, պետական և ժողովուրդական բոլոր կարիքներին շահագործութիւն տայ, նա և, որ ժողովրդական փողերին տայիս է այս կամ այն գործադրութիւնը։ Եւ այսպէս՝ իրաւական պետութեան մէջ ժողովուրդը պետութեան զուրին է, նրա տէրը։

Կերև ասածներից պարզ է, որ ժողովրդի գերիշխանութիւնը կայանում է նրանում, որ պետութեան մէջ բարձրադրութիւնը իշխանութիւնը պատկանում է միմիայն իրեն՝ ժողովրդին։ Նրա ձեռքին է կառավարութեան ղեկը, նա է իր տան տէրը։

Այժմ տեսնենք, թէ ինչպէս է կառավա-



բում այս ժողովուրդ-վեհապետը, ինչպէս է գործադրում իր գերազոյն իշխանութիւնը:

### 5. ԻՆՉ ՄԻՋՈՑՆԵՐՈՎ Է ԱՐՏԱՅԱՅՏԾՈՒՄ ԺՈՂՈԽԻՐԴԸ ԻՐ ՎԵՀԱՊԵՏՈՒԹԻՒՆԸ

Առաջին հայեացքից թւում է, թէ ամենից հասարակն այն է, որ քաղաքացիք ժողովւեն միատեղ՝ քննելու պետական գործերը և ապա ձայների սեծամասնութեամբ կայացնեն որոշումներ:

Բայց այս եղանակը կարելի է գործարել պիւղական ժողովներում, ուր ժողովուրդ քիչ կայ: Երեսուն, քառասուն տասնտէրերի համար ոչ մի դժւարութիւն չէ ներկայացնում ի մի ժողովւել, որովհետեւ բոլորը ապրում են միմեանց մօտիկ, — հարևաններ են: Ի՞նչ վերաբերում է ժամանակակից պետութիւններին, — նրանք այնքան մեծ են իրանց բոնած տարածութիւնով և այնքան շատ՝ ընակինների թւով, որ բոլոր քաղաքցիների ի մի ժողովումը անհնարին է: Դրա համար էլ փոխանակ ողջ ժողովրդի անմիջական ժողովումի, տեղի է ունենում ընտրած ներկայացնութիւնների համաժողով:

Ժողովուրդը ընտրում է հաւատաբմատարներ և յանձնում է նրանց պետութեան գերա-

գոյն իշխանութիւնը, օրէնքներ սահմանելու և հարկեր որոշելու իրաւունքը: Ողջ ժողովրդի կողմից ընտրեալների այս համաժողովը անւանուում է պատգամատրական կամ ներկայացուցչական ժողով, իսկ պետութեան կառավարութեան այս եղանակը անւանուում է կառավարութեան ներկայացուցչական եղանակ:

Ուրեմն ժողովուրդը կառավարում է ինքը, սակայն ոչ անմիջապէս, ոյլ իր ներկայացուցիչների միջոցով: Եթէ ժողովուրդը տեսնում է, որ իր ընտրած ներկայացուցիչները կառավարում են ոչ այնպէս, ինչպէս ինքը ժողովուրդն է ուղղութ, այն ժամանակ նա սպասում է յաջորդ ընտրութիւնների և ընտրում է ուրիշ մարդկանց, յանձնելով նրան անել այս կամ այն:

Այսպիսով ժողովրդական ներկայացուցիչները միշտ էլ գտնուում են իրանց պատգամատրական ժողովը ուղարկող ընտրողների հսկողութեան տակ:

Եւ այսպէս, իրաւական պետութեան մէջ ժողովրդական իշխանութիւնը գտնուում է, մէկ ընտրութիւնից մինչև յաջորդ ընտրութիւնը, ժողովրդի ներկայացուցիչների ձեռքում: Այդ ներկայացուցիչները կառավարում են ընտրողների հսկողութեան տակ, իսկ սրանց այդ բանում օգնում է ազատ մամուլը: Լրագիրները հաղորդում են ժողովրդական ներկայացուցիչների կարծիք-

ները և որոշումները ամեն օր, ուստի և ընտրողները կարող են միշտ էլ իմանալ, թէ ինչ են անում իրենց ներկայացուցիչները։ Թէ ինչպէս է ժողովուրդը ընտրում իր ներկայացուցիչներին, ինչ է առաջանում գրանց ընտրողական զանազան ձևերից, ինչու գոյութիւն ունեն ներկայացուցիչներ ընտրելու զանազան եղանակներ — ահա այն հարցերը, որոնց պէտք է այժմ և եթ պատասխաներ։

#### 6. ՆԵՐԿԱՅԱՑՈՒԹԻՉՆԵՐ ԸՆՏՐԵԼՈՒ ԵՂԱՆԱԿՆԵՐ

Ժողովրդի ներկայացուցիչներ ընտրելու եղանակները զանազան են լինում։

Իսկ ինչու գոյութիւն ունեն ընտրութեան տարբեր եղանակներ։ Հարցը նրանումն է, որ եթէ բոլոր մարդիկ միմեանց նման լինեն, եթէ բոլորի կարիքներն ու շահերը միօրինակ լինեն, այն ժամանակ, ի հարկէ, գրանց շահերը պաշտպանելու համար ներկայացուցիչներ ընտրելու ձևն էլ ենչտ կրկնէր։ Իւրաքանչիւր քաղաքացի կաշխատէր միայն ընտրել ամենաընդունակին։ Սակայն իրօք, ժամանակակից պետութիւններից իւրաքանչիւրի մէջ, բոլոր ընակիչները բաժանւած են դասակարգերի, համաձայն այն դիրքի,

որ նրանք բոնած ունեն պետութեան տնտեսական կեանքի մէջ։ Այսպէս, կան դասակարգեր՝ գիւղացի-հողագործների, բանւորների, գործարնատէրերի, կալւածատէր-հողատէրերի, պաշտոնեաների, գործակատարների, առևտրականների, պարապմունք ունեցողների (փաստաբաններ, բժիշկներ, ուսուցիչներ) և այն և այլն; իւրաքանչիւր գասակարդ ունի իր եկամուտի յատուկ աղբիւրը, այսինքն ապրելու միջոցները։ Օրինակ՝ բանւորը — աշխատավարձ, գործարանատէրը և վաճառականը — վաստակ, կալւածատէրը — հողի կապալագին, աղոտ պարապմունքներ ունեցողները՝ ոռնիկ կամ ծառայութեան վարձ, և այն և այլն։

Այս դասակարգերի շահերը ոչ միայն կանազան են, այլ շատ անզամ և իրար հակառակ։ Դրա համար էլ ժամանակակից պիտութիւնների մէջ չէ կարելի հեշտութեամբ ընտրութիւններ կատարել։ Օրինակ՝ բանւորը չէ կարող ընտրել գործարանատիրոջը, գիւղացին՝ կալւածատիրոջը, որովհետեւ կալւածատէրը և գործարանատէրը, որպէս ներկայացուցիչներ, կը պաշտպանն ոչ թէ ժողովրդական կարիքները, այլ իրենց գասակարգի շահերը։

Ժողովրդի համար կարենը է իմանալ ոչ միայն այն, թէ ում պէտք է ընտրել, այլ և կարենը է իմանալ՝ ինչպէս ընտրել, որովհետեւ այն, ինչ կալւածատիրոջը, գործարանատիրոջը, պաշտօ-

նեային ձեռնտու է ընտրութիւնների այս եղանակը, գիւղացի երկրագործին, բանւորին և կրթւած մարդկանց՝ ընդհակառակը ձեռնտու է ընտրութեան այլ եղանակ։ Դրա համար էլ, նայելով այն բանին, թէ որչափ ժողովրդի աշխատաւոր դասը կարողացել է լաւ ըմբռնել և իր կարիքները պաշտպանել, ըստ այնմ էլ ոստիկանական պետութիւնը խորտակող յեղափոխութեան ժամանակ ընտրութիւնների ձևերը մի երկրում դառնում են յօգուտ ժողովրդի, իսկ միւսում՝ յօգուտ այն դասակարգերի, որոնք գործարանների, զաւողների և կալւածների տէր են։

Մենք նախ ծանօթանանք ընտրութեան եղանակների հետ այն երկիրներում, ուր ընտրութեան եղանակները կազմւել են յօգուտ աշխատաւոր դասի։ Այդ երկիրներում ժողովուրդը ձեռք է զցել ընդհանուր, ուղղակի, հաւասար և դադանի ընտրողական իրաւունք։

#### 7. ԸՆԴՀԱՆՈՒՐ, ԱԽՂՋԱԿԻ, ՀԱԽԱԾՈՐ ԵԽ ԳԱՂՏ- ՆԻ ԸՆՏՐՈՂԱԿԱՆ ԻՐՍԻՌԻՆՔ

Երկու տեսակ ընտրողական իրաւունք գոյութիւն ունի. — ակտիւ ներկայացուցիչ ընտրելու իրաւունք, երբ մարդ ինքն է ընտրում, և պասմիւ ներկայացուցիչ ընտրւելու իրաւունք, երբ նրան ընտրում են ուրիշները։

Պետութիւնների մէջ, մեծ մասամբ, չափանաս դարձած իւրաքանչիւր քաղաքացի օգտառում է թէ ակտիւ և թէ պասմիւ ընտրողական իրաւունքից, այսինքն՝ թէ նա ինքը կարող ընտրել և թէ նրան կարող են ընտրել։ Հենց այս է նըշանակում ընդհանուր ընտրողական իրաւունք։ Պատճառն ինչ է, որ ազգերը կոիւ են մզել ընդհուր ընտրողական իրաւունքի համար։

Բանն այն է, որ իւրաքանչիւր պետութեան մէջ ընակիչների մեծամասնութիւնը սոսկ աշխատաւորներ են—բանւորներ և գիւղացիներ։ Եթէ ընտրողական իրաւունքը լինի ընդհանուր, այսինքն՝ իւրաքանչիւր չափանաս մարդ ունենայ այդ իրաւունքը, այդ դէպքում ժողովրդական ներկայացուցիչների մեծամասնութիւնը կրներկայացնի և կըպաշտպանի հողագործների և բանւորների շահերը։ Իսկ եթէ հասարակութեան որևէ դասակարգ զրկվի ընտրողական իրաւունքից, այդ դէպքում ազգային ժողովում նա չի ունենայ ներկայացուցիչներ, որոնք սկսէին պաշտպանել նրա պահանջները։ Իսկ ինչ կերպ կարող է հասարակութեան մի որևէ է դասակարգ զրկւել ընտրողական իրաւունքից։

Հասարակութեան որևէ է դասակարգ կը զըրկվի ընտրողական իրաւունքից այսպէս կոչւած ցենզի սահմանումով. այդ ցենզն էլ կարող է լինել կարողութեան ցենզ կամ կըթական ցենզ։

Կարողութեան ցենզը սահմանում է, թէ ընտրողական իրաւունքը ունի միայն նա, որ տէր է կամ օքնքով սահմանուած արժէքը ունեցող մի անշարժ կալւածքի, կամ՝ ունի որոշ եկամուտ, և կամ, վերջապէս, վճարում է սահմանուած չափով ուղղակի հարկեր։ Կրթական ցենզը ընտրողական իրաւունքը վերապահում է միայն նրանց, ովքեր ստացել են որոշ կրթութիւն։

Հասկանալի է, որ կարողութեան և կրթական ցենզ պահանջւող գէպքերում ընտրողական իրաւունքից զրկւում են ազգաբնակութեան էն ամենաղքատ տարրերը, այսինքն՝ զիւղացիների և բանւորների մեծամասնութիւնը, որովհետեւ նրանք համարեա ոչ մի կարողութիւն չունեն, նրանց աշխատավարձը մեծ մասամբ առած՝ ցածր է ցենզի սահմանած եկամուտից և, չքաւորութեան պատճառով, նրանց մեծ մասը չէ ստացել և ոչ մի կրթութիւն։

Ցիշած գէպքում զիւղացիները և բանւորները ազգային ժողովում չեն ունենայ և ոչ մի ներկայացուցիչ։ Զինովիկները, գործարանատէրերը և կալւածատէրերը իրենց քէֆի համաձայն ել կըսնօրինեն պետութեան գործերը։ Այլ է, երբ առենքը օգտառւմ են ընտրողական իրաւունքից, երբ նա ընդհանուր է։ Այս դէպքում աշխատաւորները ստանում են հարաւորութիւն՝ ներկայացուցիչների մեծամասնութիւն կազմելու

պատգամաւորական ժողովում և պետական իշխանութիւնը ժողովրդի համար ծառայեցնելու։ Ահա թէ ինչն է պատճառը, որ բոլոր երկիրների ժողովուրդները ձգտել են ձեռք բերել ընդհանուր ընտրողական իրաւունք։

Սակայն ժամանակակից բոլոր պետութիւնների մէջ էլ ընդհանուր ընտրողական իրաւունքը այս կամ այն չափով սահմանափակած է։ Այսպէս՝ ընտրելու և ընտրելու իրաւունք չունեն 1) փոքրահասակները և անչափահամները, — հասկանալի պատճառով. 2) օքնքով ցույց տրւած յանցանքների համար գատարանի միջոցով ընտրողական իրաւունքից զրկւածները. 3) զինուրական ծառայութեան մէջ գտնւողները, այսինքն՝ զինուրները և սպաները խիստ զինուրական գեցիալինայի շնորհիւ նրանք կարող են ընտրել ոչ խղճով՝ ում որ հենց իրանք ուղում են, այլ նրան, ում կը հրամայէ իշխանութիւնը. 4) ամբողջ ոստիկանութիւնն ևս նոյն պատճառով զրկւած է այդ իրաւունքից. 5) պետական ծառայութեան մէջ գտնւող շինովիկները սրվարաբար զրկւում են միայն ընտրելու իրաւունքից, որովհետեւ նրանց համար էլ դժւար է խղճով ընտրութիւն անելը, սակայն քաղաքացիները իրաւունք ունեն շինովիկներ էլ ընտրելու իրենց ներկայացուցիչ, այսպէս որ, եթէ շինովիկների մէջ լինեն լաւ մարդիկ, արժանի ներկայա-

ցուցիչ լինելու, այդ դէպքում արդէն նրան ընտրել կարող են:

Ամենայառաջագէմ երկիրներում ընտրողական իրաւունքից օգտում են հաւասարապէս թէ տղամարդիկ և թէ նաև կանայք, և դրանից ոչ թէ վաս, այլ օգուտ ունի հասարակութիւնը: Զէ որ մեծ անարդարութիւն է՝ զրկել ընտրական իրաւունքից օրինակ տղամարդուց աւելի խելօք մի կնոջ հէնց նրա համար, որ նա տղամարդ չէ, այլ կին: Աւստրալիայի և Ամերիկայի մի քանի ժողովուրդներ հասկացել են այս բանը և արդէն ընտրողական իրաւունք են ունել անխոր թէ մէկ, և թէ միւս սեռին: Նոյնն է այժմ նաև Ռուսաստանում: Նմանապէս անմիտ և անարդար բան է մարդկանց զրկել ընտրողական իրաւունքից նրանց հաւատի կամ ազգութեան համար: Ժամանակակից պետութիւնները շատ ընդունակ են. Նրանք՝ ծաւալել են գլխաւորապէս նւաճումների միջոցով: Ու շատ հասկանալի է, որ այդ պետութիւնների մէջ կողք-կողքի ապրում են տարբեր հաւատ և տարբեր լեզուներ ունեցող մարդիկ: Իւրաքանչիւր պետութեան մէջ պատահում է, որ մի որոշ հաւատի հետևող և մի որոշ լեզու խօսող մարդկանց թիւը մեծ է լինում ուրիշներից. և սակայն այդ բանը ընաւ հիմք լինել չէ կարող, որ այլակրօններին և այլազգիներին զրկեն ընտրողական իրա-

ւունքից, քանի որ նրանք էլ հաւասարապէս պատկանում են պետութեանը և միւս քաղաքացիների հետ հաւասարապէս տալիս են հարկեր և տուրքեր: Զրկել նրանց ընտրողական իրաւունքից այն պատճառով, որ ուրիշ հաւատի և ուրիշ ազգութեան են պատկանում, դա կը լինէր անարդար բան: Այդ պատճառով էլ բոլոր լուսաւորւած երկիրներում ընտրողական իրաւունքից օգտում են բոլոր չափահաս քաղաքացիները, առանց հաւատի, ազգութեան և լեզուի խարութեան, իսկ Աւստրալիայում և Ամերիկայում, ինչպէս ասացինք, նաև առանց սեռի խըտրութեան: Այժմ մենք արդէն գիտենք, թէ ինչու ժողովուրդները ձեռք բերին ընդհանուր ընտրողական իրաւունք՝ առանց սեռի, հաւատի, ազգութեան, լեզուի խտրութեան, վերացնելով կարողութեան և կրթական ցենզը:

Ընտրողական իրաւունքի մի ուրիշ առանձնայատկութիւնը լուսաւորւած երկիրներում այն է, որ ընտրութիւնները լինում են ուղղակի, կամ ուրիշ խօսքով ասած, ընտրողները անմիջապէս, կամ ուղղակի են ընտրում իրենց ցանկացած մարդկանց:

Այդպիսի ժողովրդական ներկայացուցիչների անմիջական կամ ուղղակի ընտրութիւնները կոչւում են միաստիճան, տարբերելու համար երկաստիճան կամ եռաստիճան կամ նոյնիսկ

կան ժողովը, որին մասնակցում են լիազօրները՝ (выборщики) ընտրւած անմիջապէս ժողովրդից կամ առաջին ընտրողական ժողովից՝ նրանք ընտրեն ոչ այն մարդկանց, որոնց ժողովուրդը կուզէր տեսնել իր ներկայացուցիչների շարքում։

Ենթագրենք, թէ իմ ընտրած լիազօրը խոստանում է աղջային ժողովի ներկայացուցիչ ընտրելիս իր ձայնը տալ իմ ասած մարդուն։ Իսկ ովհ կարող է երաշխաւորել, որ նու կը կատարէ իր խօսքը. չկայ այդ երաշխաւորութիւնը։

Ապա՝ ընտրութիւնների ժամանակ պատահում է, որ հարուստ ընտրողները կամ կառավարութիւնը իր ոստիկանութեան միջոցով կաշառում կամ ան է տալիս ընտրողներին։ Իսկ որոնց է աւելի հեշտ կաշառել. հարիւր հաղարաւոր ժողովրդին, որ մասնակցում է առաջին ընտրողական ժողովին, թէ երկրորդ, ժողովին մասնակցող հաղարաւոր կամ երրորդին մասնակցող հարիւրաւոր լիազօրներին։

Հասկանալի բան է, որ, քանի աւելի քիչ են ընտրողները, այնքան էլ աւելի դիւրիս է նրանց կաշառել կամ վախեցնել. այդ պատճառով էլ բոլոր իրաւական պետութիւնների մէջ մտցրւած են ուղղակի, այսինքն՝ անմիջական կոմ միատինա ընտրութիւններ։

Ըստրելու իրաւունքից օգտւադ բոլոր քաղաքացիները կազմում են մի ընտրողական շրջան

քառասուինան ընտրութիւններից, իբրև օրինակ ուղղակի ընտրութիւնների կարելի է վերցնել մեր կեանքից՝ զիւղական ժողովը (восточной сходь), իսկ անուղղակի ընտրութիւնների համար՝ զիւղախմբային զիւղապետի (восточной старшина) համար կատարւող ընտրութիւնները։ Իւրաքանչիւր զիւղական հասարակութիւն անմիջապէս է ընտրւում իր ներկայացուցչին, իսկ բոլոր ընտրւածները միասին կազմում են զիւղախմբային ժողովը։ Գիւղախմբի զիւղապետը չէ ընտրւում անմիջապէս շրջանի բոլոր զիւղացիների կողմից, այլ անուղղակի կերպով զիւղախմբային ժողովում։ Այդ նշանակում է՝ յիշած զիւղապետի ընտրութիւնները վիճում են երկաստինան։ Նահանգական զեմսկի ժողովների ձայնաւորներն ևս ընտրւում են երկաստինան կարգով, որովհետև նրանք ընտրւում են գաւառական գէմսկի ժողովի ձայնաւորների կողմից, որոնք իրենց կարգին հանդիսանում են գաւառի ներկայացուցիչներ, անմիջապէս կամ ուղղակի ընտրւած այդ գաւառի ազգաբնակութեան կողմից։ Ուղղակի ընտրութիւնները ուելի օգտաւետ են ժողովրդի համար, քան անուղղակիները, որովհետեւ ամեն մէկը իր ձայնը տալիս է նրան, ուժ նա ինքը ուզում է ընտրել իր ներկայացուցիչ։ Իսկ անուղղակի ընտրութիւններին միշտ էլ կարող է պատահել, որ երկրորդ ընտրողա-

և ձայն են տալիս անմիջապէս նրան, ում որ նրանք ուգում են իրենց ներկայացուցիչ ունենալ: Թողոր երկիրների գիւղացիները և բանւորները հասկացել են, որ միմիայն ուղղակի ընտրութիւնները կարող են նպատակի հասցնել, այն է՝ որ ազգային ժողովի ներկայացուցիչների մեծամասնութիւնը նրանց ընտրածը լինի:

Աակայն գիւղացիները և բանւորները ձբդում են ոչ միայն ընդհանուր և ուղղակի, այլ նաև հաւասար ընտրողական իրաւունքի: Ի՞նչ է նշանակում հասասար ընտրողական իրաւունք: Այդ նշանակում է, թէ իւրաքանչիւր ընտրող, ով էլ նա լինի, հասարակութեան որ դասակարգին էլ նա պատկանելիս լինի, ինչ զործով էլ զբաղւելիս լինի, — միայն մէկ ձայնի իրաւունք ունի: Եթբ ընտրութիւններին ամենքը մէկ-մէկ ձայն ունենան, այդ դէպքում ամեն մէկին էլ վերապահւած կըլինի հաւասար միջոց՝ ազդելու պետական գործերի վրայ, իսկ եթէ օր. կալւածատէրերը, գործարանատէրերը, շինովիկները կամ հոգեորականները ունենան երկ-երկու կամ երեք-երեք ձայն, այդ դէպքում էլ հասկանալի է, ազգային ժողովը նրանց ձեռքում կըդտնի, որովհետեւ նրանց կըյաջողւի ընտրել ներկայացուցիչների մեծամասնութեան: Այս պատճառով այն երկրներում, օր. թելգիայում, ուր որոշ ընտրողներ ունեն շատ ձայներ, իսկ ուրիշները

մէկ-մէկ, այնտեղ էլ գոյութիւն ունի այլանդակ ժողովրդական ներկայացուցչութիւն, և վերջինս չէ արտայայտում ընտրողների մեծամասնութեան կամքը, այլ արտօնութիւններ ունեցող ընտրողների կամքը: Բելգիայում մինչև օրս էլ գիւղացիները և բանւորները կուռմ են հաւասար ընտրողական իրաւունքի համար. մէկ մարդ—մէկ ձայն—ահա իսկական ժողովրդական պահանջը:

Վերջապէս, ընտրողական իրաւունքը պիտի լինի գաղտնի: Ըստրութիւնների գաղտնի լինելը կայանում է նրանում, որ ոչ ոք, բացի ձայն տւողից իրենից, չպէտք է իմանայ, թէ նա ում տւեց իր ձայնը: Գաղտնի լինելը անհրաժեշտ է նրա համար, որ, ինչպէս ցոյց է տալիս բոլոր պետութիւնների փորձը, կառավարութիւնը, գործարանատէրերը, վաճառականները և կալւածատէրերը, բոլորն էլ ամեն ժամանակ պահանջել են հասարակ աշխատաւոր ժողովրդից, որ նա իր ձայնը տայ շինովակիներին, խազէիններին կամ կալւածատէրերին: Անհնաղանզներին երկիւղ է տւել կառավարութիւնը ոստիկանութեան միջոցով, իսկ գործարանատէրերը և կալւածատէրերը արձակել են իրենց բանւորներին կամ զրկել են գիւղացիներին կապալից, — եթբ իմացել են, որ բանւորները և գիւղացիները իրենց մարդկանց են ձայն տւել: Ակներկ է, որ յայտ-

Նի կամ բաց ընտրութիւններին, երբ ամեն ոք կարող է իմանալ, թէ այս կամ այն ընտրողը ում ձայն տւեց, կառավարութեան համար շատ հեշտ բան է հայածանքի ենթարկել իրեն անհաճոյ ընտրողներին։ Պործարանատիրոջ կամ վաճառականի համար դժւար բան չէ արձակել իր այն բանորին կամ գործակատարին, որ ձայն չի տայ նրան. կարածատէրը լաւ զիտէ, թէ որ մշակի հաշիւր պիտի տեսնի կամ որ գիւղացուն կապալուց զրկի այն բանի համար, որ սրանք ձայն չեն տւել նրան, այլ իրենց մարդուն. իսկ եթէ ընտրութիւնները գաղտնի լինեն, այդ դէպ. քում իւրաքանչիւր մարդ. կարող է ձայն տալ իր խղճի ձայնին լսելով, առանց վախենալու, թէ իրեն կը հալածեն կամ կարձակեն, թէ իրեն կը զրկեն աշխատավարձից. չէ որ ընտրութիւնները գաղտնի են և ոչ ոք չէ կարող իմանալ, թէ նո ուժ ձայն տւեց։

Այսպէս ուրեմն, իրաւական պետութեան քաղաքացիները կուի ճանապարհով ձեռք են բերել ընդհանուր, ուղղափի, հաւատար եւ գաղտնի ընտրողական իրաւունք։ Այժմ հարկաւոր է իմանալ, թէ նրանք ինչպէս են օգտուում այդ իրաւունքից և թէ ինչպէս են տեղի ունենում ընտրութիւնները։


### 8. ԸՆԾՐԵԼՈՒ ԵՂԱՆԱԿՆԵՐԸ

Ժողովրդական ներկայացուցիչների ընտրութիւնները կատարելու համար երկիրը բաժանուում է՝ ազգաբնակութեանթւի համաձայն, ընտրողական շրջանների։ Իւրաքանչիւր շրջան ընտրում է մէկ ներկայացուցիչ։ Մէկ ընտրական շրջան կազմող բնակիչների թիւը տարբեր է զանազան պետութիւններում. օրինակ՝ հարիւր կամ երկու հարիւր հազար բնակիչներ ուղարկում են ազգային ժողովը մէկ-մէկ ներկայացուցիչ։ Սակայն իւրաքանչիւր պետութեան սահմաններում բոլոր ընտրողական շրջաններում էլ բնակիչների թիւը համահաւասար է։ Որովհետեւ այդ շրջանների բնակիչների թիւը որոշ ժամանակ անցնելուց յետոյ փոխուում է՝ արտագաղթից կամ ներգաղթից, ծննդեան և մահւան դէպ. երից, այդ պատճառով էլ իւրաքանչիւր պետութեան մէջ անհրաժեշտ է մի այնպիսի օրէնքի գոյութիւնը, որով սահմանւի երկրի վերստին բաժանուածը ընտրողական շրջանների, — որոշ ժամանակամիջոց, ասենք հինգ տարի, անցնելուց յետոյ։ Այդ ընտրողական շրջանները կարող են յարմարեցւել արդէն սահմանւած երկրամասներին՝ զինակներին, նահանգներին և գաւառներին. բայց տեղի լու է, որ երկիրը բաժանւի ընտրողական շրջանների՝ անկախ եղած բաժանուածներից։ Կա-

ըերը է սակայն, որ իւրաքանչիւր ընտրողական շրջանի ընտրողների թիւը միւսներին հաւասար լինի: Եթէ մի երկրում, համաձայն օրէնքի, իւրաքանչիւր շրջան պէտք է ունենայ երկու հազար իւրաքանչիւր շրջան պէտք է ունենայ երկու հազար բնակիչ, իսկ իւրաքէս մի շրջան ունի 200, մի ուրիշը 240, և մի երրորդը 160 հազար բնակիչ, այդ գէպը ում երկրորդ շրջանի ներկայացուցիչը կհանդիսանայ 240 հազար բնակիչ կամքի, իսկ երրորդի ներկայացուցիչը՝ միայն 160 հազար քաղաքացիների կամքի արտայայտիչ: Բնակիչների այբակիսի անհաւասար բաժանումը ունենում է այն հետևանքը, որ շատերը զրկուում են իրենց կամքը արտայատելու հնարաւորութիւնից: Օրինակ՝ վերև յիշած երկրորդ շրջանի 40 հազար բնակիչներ մնում են իսկապէս առանց ներկայացուցչի: Անհաւասար թւով բնակիչներ ունեցող շրջանների մի ուրիշ անյարմարութիւնը այն է, որ նա անդրադառնում է ժողովրդական ներկայացուցիչների կազմի վրայ: Օրինակի համար վերցնենք մի գէպք գերմանական կեանքից:

Բերլին քաղաքը բաժանւում է վեց ընտրողական շրջանների, այնպէս, որ քաղաքի կենարոնը կազմում է մէկ ընտրողական շրջան, իսկ արտարձանները բաժանվում են հինգ շրջանների:

Արտարձաններում ապրում են գլխաւորապէս բանտորներ. արտարձանների ազգաբնակու-



թիւնը աճում է արագօրէն: Քաղաքի կենարոնի ազգաբնակութիւնը հետզհետէ պակասում է, որովհետեւ բնակարանների վարչութիւնը այնտեղ աւելի և աւելի թանգանում է: Այդ կենարոնում ապրում ենմ իւայն սակաւաթիւ և շատ հարուստ մարդիկ:

Ի՞նչ է կատարում ընտրութիւնների օրը: Հինգ արւարձանների շրջաններում բանտորների ահազին բաղմութիւն, ընտրում են բանտորական կուսակցութեան ներկայացուցիչներ: Իսկ քաղաքի կենարոնում ընտրում է միշտ ուրիշ կուսակցութեան մարդ: Այլ կերպ կը լինէր, եթէ Բերլինը բաժանւած լինէր թւով նոյն չափ՝ վեց ընտրողական շրջանների, որոնց բնակիչների թիւը իրար համահաւասար լինէին: Այդ գէպում ձայների ահազին մեծամասնութիւնը կը տրւէր յօդուտ Բերլինի բանտորների և սրանք կը լինարէին, ոչ թէ հինգ, այլ ըուրը վեց ներկայացուցիչներին: Ի՞նչ հետևանք կունենար քաղաքի այդպիսի բաժանումը:



Հարկաւոր է, նշանակում է քաղաքները բաժանել շրջանների, սկսելով կենարոնից մի որևէ է կէտից, որոնք նմանէին սեպերի: Բոլոր երկիրներում քաղաքաբնակութիւնը աճում է, իսկ դիւզա-

կան ազգաբնակութիւնը նւազում: Եթէ որոշ ժամանակ անցնելուց յետոյ նոր ընտրողական շրջաններ չսահմանւեն, այդ դէպքում, կարճ ժամանակ անցնելուց յետոյ, քաղաքային շրջանների ներկայացուցիչ կըսկսեն ընտրւել հարիւր հազարաւոր բնակիչների կողմից, իսկ գիւղական շրջանների ներկայացուցիչները միայն տասնեակ հազարաւոր ներկայացուցիչների կողմից: Եւ որովհետև քաղաքների նշանակութիւնը հետզհետէ մեծանում է հասարակական կեանքում, իսկ գիւղերի նշանակութիւնը ընկնում, ուստի ժողովրդական ներկայացուցիչների կազմը կարող է մնալ անփոփոխ և տարեցապարի աւելի պակաս չափով արդարացնել ժողովրդի մեծամանութեան կամքը: Այժմ արդէն պարզ է, թէ ինչու իրաւական պետութիւնների ժողովուրդները աշխատում են, որ երկիրը բաժանւի ընտրողական շրջանների՝ համաձայն բնակիչների համահաւասար թւի:

Ընտրութիւնների համար սովորաբար նշանակում է տօն օր (կիրակի) այն պատճառով, որպէսզի հնարաւորութիւն տրւի բանուոր և ընդհանրապէս շաբաթւայ մէջ զբաղւած ազգաբնակութեանը՝ կատարելու իր քաղաքային պարտքը, այսինքն՝ տալու իր ձայնը:

Բուն ընտրութիւնները կատարւում են այս կերպ: Իւրաքանչիւր ընտրական շրջանում որո-

շում են ըստ կարելոյն շատ ընտրելավայրեր, որտեղ գրւում են ընտրական արկղներ: Դրանց մօտ նստած են լինում երկրում գոյութիւն ունեցող կուսակցութիւնների լիազօրները: Վերջիններս հետեւում են, որ չինի թէ որ և է մարդ երկիւղ տայ կամ կաշառի ընտրողներին, հետեւում են, որ սրանք մէկ-մէկ ձայն տան, որ միայն ձայնի իրաւունք ունեցողները մասնակցեն ընտրութեանը: Մի խօսքով՝ քաղաքական կուսակցութիւնների լիազօրները հետեւում են, որ ընտրութիւնները լինեն կանոնաւոր: Ընտրելավայրի մոտ կանզնած են լինում քաղաքական կուսակցութիւնների ուրիշ ներկայացուցիչների ձեռքն են տալիս իրենց թիկնածուների անունները՝ վրան տպած թերթեր: Ընտրութեան թեկնածու կարող է կոչւել ամեն ոք, որ կամենում է իր թեկնածութիւնը գնել ժողովրդական ներկայացութեան համար: Այդ թեկնածուները սովորաբար պատկանում են երկրում գործող քաղաքական կուսակցութիւններից մէկին կամ միւսին՝ գիւղացիական, կալւածատիրական, բանւորական, կառավարական և այլն: Քաղաքական կուսակցութիւնների մասին մենք կարճօրէն կը խօսենք ստորև, իսկ առայժմ պէտք է նկատենք, որ իւրաքանչիւր ընտրող սովորաբար տալիս է իր ձայնը իր կուսակցութեան, այսինքն՝ բան-

ւորը բանւորական կուսակցութեանը, գիւղային՝  
գիւղացիական, կալւածատէրը՝ կալւածատիրա-  
կան կուսակցութեանը, և այն։ Ընտրողները  
ընտրութեան սենեակը գալով՝ մտնում են ա-  
ռանձնացրած անկիւն, վերցնում են սպիտակ  
ծրար, մէջն են դնում իրենց ընտրելիների ա-  
նունները, վրան նշանակած թերթիկը այնպէս,  
որ ոչ ոք չնկատէ այդ, իսկ միւս թիկնածունե-  
րւ թերթիկները ծալում զրպանն են դնում։  
Դրանից յետոյ նրանք մօտենում են սեղանին,  
որի վրայ զրած է լինում ընտրական արկղը.  
սեղանի մօտ նստած լիազօրներին յայտնում են  
իրենց բնակութեան վայրը և անուն ազգանունը։  
Լիազօրները ստուգում են, թէ արդեօք այդ ա-  
նունը կայ ընտրողների ցանկում, որի մասին  
խրաքանչիւր ընտրող, որ կամենում է օգտւել  
իր ընտրողական իրաւունքից, պէտք է իր ժա-  
մանակին հոգ տանի։ Եթէ այդ անունը կայ  
ցանկում, այդ գէպքում ընտրողը արկղն է գր-  
ցում իր ծրարը, և բանը դրանով վերջանում է։  
Երեկոյեան որոշ ժամից սկսած, երբ վերջ է  
զրւում ձայնտւութեանը, լիազօրները սկսում են  
հաշւել խրաքանչիւր թեկնածուի համար դրւած  
թերթիկները և իբրև ժողովրդական ներկայա-  
ցուցիչ յայտարարում են նրան, ով ստացել է  
բոլոր ձայների կէսից աւելին, իսկ եթէ բոլոր  


ստացած լինեն, այդ դէպքում, սովորաբար, հե-  
տեեալ տօն օրւայ համար նշանակում է կըրկ-  
նաքւէարկութիւն։ Սակայն այս անգամ ընտրող-  
ները պէտք է իրենց ձայնը տան անպատճառ  
այն երկուսից մէկն ու մէկին, որոնք առաջին  
ձայնտւութեան ժամանակ ստացել էին միւսնե-  
րից աւելի ձայն։ Ենթադրենք, թէ առաջին ան-  
գամ ձայնտւութեան են ենթարկւել հետեեալ երեք  
հոգին։ Յովհաննիսեան՝ աշխատաւորական կու-  
սակցութեանանգամ, Պետրոսեան՝ ազատամիտ  
կուսակցութեան անդամ, և Սալտիկեան՝ կալւ-  
ծատէրերի կուսակցութեան անդամ։ Ասենք թէ  
այդ բոլորի համար արւել է ընդամենը 1,000  
ձայն, որից Յովհաննիսեան ստացել է 400, Պե-  
տրիկեանը 350, Պետրոսեանը 300 ձայն, — այն ինչ  
1000-ի կէսը անում է 500։ Այս դէպքում կըկնա-  
քւէարկութեան ժամանակ Պետրոսեանի համար  
ձայն տւող բոլոր ընտրողները պարտաւոր են  
ձայն տալ կամ աշխատաւորական կամ կալ-  
ւծատէրերի կուսակցութեան թեկնածուին։ Ե-  
թէ 250 բանւորների իրենց ձայն տանը Յովհաննի-  
սեանին, իսկ 50-ը մնան ձեռնպահ, այդ դէպ-  
քում ժողովրդական ներկայացուցիչ ընտրւած  
կհամարւի յիշած շրջանի աշխատաւորական կու-  
սակցութեան անդամը։

**Այսպէս են կատարելում ընտրութիւնները**

այն բոլոր երկիրներում, ուր գոյութիւն ունի կառավարութեան ներկայացուցչական եղանակ:

Սակայն բանն այն է, որ երկիրը հաւասար թւով ազգաբնակութիւն ունեցող շրջանների բաժանելը, քանի որ բնակիչները անդադար մի վայրից միւս վայրն են տեղափոխուում, շատ դժւար է. անյարմար բան է նաև ընտրողական շրջանների սահմանները շատ յաճախակի փոփոխել: Այս է պատճառը, որ այդ պակասութիւնը աշխատում են վերացնել այսպէս կոչւած „անւանացանկերով“ ընտրութեամբ: Մի քանի մանր շրջաններ՝ միանում և կազմում են մի մեծ ընտրական շրջան, և այդ դէպօւմ իւրաքանչիւր ընտրող տալիս է իր ձայնը ոչ թէ մէկ թեկնածուի միայն, այլ թեկնածուների մի ամբողջ ցանկի, որի համար և ընտրութեան այդ եղանակը կոչւում է „անւանացանկերով ընտրութիւն“: Այս եղանակն էլ ունի այն անյարմարութիւնը, որ ընտրողը ստիպւած է յաճախ ձայն տալ նաև իրեն անձամբ անհաճոյ թեկնածուների: „Զէ որ դրանով, եթէ ընտրողը հրաժարվի ձայնուութիւնից, կիսափանւի ամբողջ ցանկը, մինչ այդ ցանկից նրան անհաճոյ կարող է լինել թէկուզ մէկ մարդ միայն:

„Անւանացանկերով“ ձայնուութիւնը ունի և այն անյարմարութիւնը, որ ընտրողը յաճախ ձայն պիտի տայ իրեն անձանօթ մարդ-

կանց. իսկ այս հանգամանքը կարող է առաջացնել ոչ-ցանկալի անտարբերութիւն դէպի ընտրութիւնները:

Նկատած բան է, որ ընտրողները ամենից աւելի գիտակցաբար և եռանդով են վերաբերուում ընտրութիւններին այն ժամանակ, երբ նրանք սերտ կապերով են կապւած թեկնածուների հետ, երբ նրանք լաւ են ճանաչում այդ թեկնածուներին: Այս պատճառով՝ ցանկերով ընտրութիւն կատարելը չբուժող դեղ է շրջանային ընտրութիւնների պակասաւոր կողմերի դէմ, և համարեա ոչ մի տեղ կեանքի մէջ գործադրութիւն չէ գտել:

Կայ և մի ուրիշ անյարմարութիւն, որ աւելի կարեոր է յիշատակել. դա ըստ մեծամասնութեան կատարուղ ընտրութիւններն են: Մենք տեսանք վերեւը, որ ժողովրդական ներկայացուցիչ է դասնում նա, որը ստանում է ձայների մեծամասնութիւն: Ընտրութեան այս եղանակը, այսպիսով, ապահովում է ընտրողների մեծամասնութեան շահերը ազգային ժողովում, սակայն նա չէ տալիս ոչ մի ննարաւորութիւն՝ փոքրամասնութեանն էլ ընտրելու իր ներկայացուցչին: Զէ որ կարող է պատահել, որ լինի մի խոշոր փոքրամասնութիւն. իսկ զրկել նրան իր շահերը պաշտպանելու իրաւունքից, — այդ անարդար բան է:

Թնհնենք այդ բանը օրինակներով։ Ընդունենք, թէ մի պետութեան մէջ ընտրող—ընակիչների թիւը համնում է 10,000-ի, բաժանւած 10 հաւասար ընտրողական շրջանների, այնպէս, որ իւրաքանչիւր շրջանում կան 1000 ընտրողներ։ Ենթադրենք նաև, թէ այդ պետութեան մէջ գոյութիւն ունեն ընդամենը երկու քաղական կուսակցութիւններ—աշխատաւորական և ազատամիտ։ Ասենք թէ իւրաքանչիւր ընտրողական շրջանում աշխատաւորական կուսակցութեան թեկնածուն ստանում է 550 ձայն, իսկ ազատամիտ կուսակցութեան թեկնածուն՝ 450 ձայն։ Կնշանակէ՝ բոլոր 10 շրջաններում էլ կրյադթեն աշխատաւորական կուսակցութեան թեկնածուները, և այդպիսով էլ ազգային ժողովը բաղկացած կլինի 10 ներկայացուցիչներից, որոնք բոլորը միասին ստացած կլինին 5500 ձայն։ Իսկ ազատամիտ կուսակցութեան թեկնածուներից ոչ մէկն էլ չի դառնայ ժողովրդական ներկայացուցիչ, չնայելով այն բանին, որ նրանք բոլորը միասին ստացել են 4500 ձայն։

„Հստ մեծամասնութեան“ կատարւող ընտրութեան շնորհիւ կէսից մի քիչ պակաս ընտրողները մնացին բոլորովին առանց ներկայացուցիչների, որոնք պաշտպանել կարողանային նըրանց շահերը ազգային ժողովում։ Այս բանը թէ անարդար է և թէ ոչ-ցանկալի։ Օրէնքը նը-

րանց տալիս է ընտրելու իրաւունք, այն ինչ ընտրութիւնների եղանակն այնպէս է, որ չըքացնում է այդ իրաւունքը։ Աշխատաւորների համար էլ նոյնչափ կարեւոր է ազդել պետական գործերի վրայ, որչափ ազատամիտների համար, սակայն ընտրութիւնների եղանակը հնարաւորութիւն չէ տալիս նրանց իրենց թեկնածուներից թէկուս մէկին անցկացնել իրբե ժողովրդական ներկայացուցիչ։

Մենք պարզութեան համար միայն վերցրինք այնպիսի պետութիւն, ուր գոյութիւն ունենային միայն երկու կուսակցութիւններ, որպէսզի պարզ կերպով ցոյց տայինք ձայների մեծամասնութեան վրայ հիմնւող ընտրական եղանակի պակասաւոր կողմը։ Իրականութիւնը այն է, որ ամեն մի պետութեան մէջ կան շատ դասակարգեր և շատ էլ քաղաքական կուսակցութիւններ՝ նրանց շահերը պաշտպանող։ Իւրաքանչիւր պետութեան մէջ ապրում են հոգևորականներ, կալւածատէրեր, արդիւնաբերողներ, վաճառականներ, արհեստաւորներ, չինովնիկներ, ազատ զբաղմունքների տէր մարդիկ (փաստաբաններ, բժիշկներ, վարժապետներ), գործակատարներ, նմանապէս ամեն երկում էլ կան նըրանց կարիքները և շահերը պաշտպանող քաղաքական կուսակցութիւններ։

Եթէ, ուրեմն, կարելի է, պէտք է որոնել

այնպիսի ընտրական եղանակ, որն ապահովէր ազգային ժողովում ազգաբնակութեան թէ մեծամասնութեան և թէ փոքրամասնութեան շահերի ներկայացուցչութիւնը։ Այս բանը ցանկալի է նաև ուրիշ պատճառով։ Իրաւական պետութեան մէջ բարձրագոյն իշխանութիւնը, ինչպէս զիտենք, պէտք է պատկանի ամբողջ ժողովը պին. ազգային ժողովի մէջ, ինչպէս հայելում, պէտք է անդրադառնան ամբողջ ժողովդի ցանկութիւնները, մաքերը և զգացմունքները։ Ազգային ժողովը պիտի լինի արտայայտիչ ժողովրդական կամքի, իսկ այդ կամքը գոյանում է առանձին-առանձին անհատների ցանկութիւններից և փափազներից։ Իրաւական պետութեան մէջ չէ կարելի իրաւունքից զրկել և ոչ մէկն, որը օրէնքնվ ունի այդ իրաւունքը։ Այս պատճառով է, որ մարդկային միտքը երկար է խորհել այն հարցի մասին, թէ ինչպէս ապահովել նոյն կարիքները, նոյն հայեացքները և ցանկութիւնները ունեցող մարդկանց իրաքանչիւր, փոքրիշատէ աչքի ընկնող, խմբի մասնակցութիւնը պետութեան գործերը վարելում՝ համաձայն իրենց թւի։

Այս հարցի ուզիղ լուծումը տալիս են այսպէս կոչւած սլրոպրօքոնալ կամ համեմատական ընտրութիւնները։ Տեսնենք այժմ, թէ ընտրութիւնների այդ եղանակը ինչպէս է աւելի լաւ

ապահովում ամբողջ ժողովրդի շահերը, քան սոսկ մեծամասնութեան ներկայացուցչութիւնը։

### 9. ՀԱՄԵՄԱՏԱԿԱՆ ԿԱՄ ՊՐՈՊՈՐՅԻՈՆԱԼ ԸՆՏՐՈՒԹԻՒՆՆԵՐ

Այս ընտրութիւնների էութիւնը հետևեան է։ Իրաքանչիւր քաղաքական կուսակցութիւն յայտնում է, թէ նա հասարակութեան որ դաստկարդի շահերը և ինչ միջոցներով պիտի պաշտպանէ։ Ընտրութիւնների օրը ընտրողները իրենց ձայնն են տալիս այս կամ այն կուսակցութեանը, նայած թէ որին նրանք ամենից աւելի կուզենային յանձնարարել իրենց շահերի պաշտպանութիւնը ազգային ժողովում։ Ապա իրաքանչիւր կուսակցութիւն հաշտում է, թէ նա ամբողջ երկրում ընդամենը քանի ձայնն է ստացել և ըստ այնմէլ ազգային ժողով է ուղարկում համապատասխան թւով ներկայացուցիչներ։

Ընտրական այս եղանակի առաւելութիւնները մեզ համար աւելի պարզ գարճնելու համար վերադառնանք վերև իրրե օրինակ առաջ բերած պետութեանը, որտեղ կան 10,000 ընտրողներ և երկու քաղաքական կուսակցութիւններ՝ աշխատաւորական և ազատամիտ։ Այդ պետութեան մէջ կատարելով շրջանային ընտրու-

թիւններ „ըստ մեծամասնութեան“, 5,500 ընտրողներ ուղարկում են ազգային ժողով 10 ներկայացուցիչ, այն ինչ 4,500 բանտորները՝ չեն կարողանում ուղարկել և ոչ մէկին:

Ենթադրենք այժմ, թէ այդ պետութեան մէջ նոր ընտրութիւններ են կատարուում „ըստ կուսակցութիւնների“: Ի՞նչ կատացի այդ դէպքում: Հարկաւոր է ընտրել ընդամենը 10 ներկայացուցիչ, որովհետեւ գոյութիւն ունեն 10 շրջաններ. Նշանակում է իւրաքանչիւր 1000 ընտրող իրաւունք ունի ազգային ժողով ուղարկելու մէկ ներկայացուցիչ: Եթէ որևէ կուսակցութիւն 1000 ձայնից էլ պակաս ստանայ, այդ դէպքում նա իրաւունք չի ունենայ ներկայացուցիչ ուղարկելու: Ենթադրենք առաջւայ նման, թէ կան երկու կուսակցութիւններ—աշխատաւորական և ազատամիտ և թէ՝ աշխատաւորական կուսակցութիւնը ստացել է 5,500 ձայն, իսկ բանտորական կուսակցութիւնը՝ 4,500 ձայն: Այս դէպքում ազգային ժողով կերթան հինգ հոգի իրեն աշխատաւորական կուսակցութեան ներկայացուցիչներ, համաձայն նրա ստացած լիակատար հինգ հազար ձայնի, և չորս հոգի էլ իրեն ազատամիտ կուսակցութեան ներկայացուցիչներ՝ համաձայն նրա ստացած լիակատար չորս հազար ձայնի: Աշխատաւորական և ազատամիտ կուսակցութիւնների 500-ական ձայնները հաշվի

չեն առնելում, որովհետեւ միայն 1000 ձայնը իրաւունք ունի մի պատգամաւոր ուղարկելու: Մէկ հազար ձայնները այս օրինակում բաժանւել են հաւասարապէս երկու կուսակցութիւնների մէջ: Այդ պատճառով էլ ազգային ժողով են զնում միայն իննը հոգի. ասսերորդին կարելի չեղաւ ընտրել. բայց վրա փոխարէն ազգային ժողովը ճշգրիտ կերպով արտացոլում է, հայելու պէս, ընտրողների իրար հետ ունեցած թւական յարաբերութիւնը: Այժմ աշխատաւորներն ունեն իրենց ներկայացուցիչները, ազատամիտները՝ իրենց. այն էլ՝ իւրաքանչիւրը այնքան, որ ոչ մէկն էլ տուժած չի լինում: 5,000 ընտրող-աշխատաւորներ կան և ունեն 5 ներկայացուցիչ. 4,000 ընտրող-ազատամիտներ և 4 ներկայացուցիչ,—որոնք պէտք է պաշտպանեն իրենց ընտրողների շահերը ազգային ժողովում: Եւ որովհետև 10,000 ընտրողներ իրաւունք ունեն ազգային ժողով ուղարկելու 10 ներկայացուցիչներ, այն ինչ ընտրւած են ընդամենը 9 հոգի—շնորհիւ հազար ձայնի հաւասարապէս բաժանմանը կուսակցութիւնների մէջ,—այդ դէպքում կարելի է կամ բոլորովին չընտրել 10-րդ ներկայացուցիչ, և կամ նրան ուղարկելու իրաւունք է տրւում այն կուսակցութեանը, որի կողմն է մնացած ձայնների մեծամանութիւնը:

Ենթադրենք, թէ աշխատաւորականները ստա-

թել են 5,600 ձայն, իսկ աղատամիտները՝ 4,400 ձայն։ Բացի լիակատար 5,000 ձայնից առաջինները ստացել են էլի մացորդ 600 ձայն, իսկ աղատամիտները բացի լիակատար 4000 ձայնից՝ էլի մացորդ 400 ձայն։ Այդ դէպքում աշխատաւորականները կարող են իրենց կողմից ուղարկել դարձեալ մէկ, վեցերորդ ներկայացուցիչ։ և այդպիսով բոլոր ներկայացուցիչների թիւը կանի տասը։

Այժմ մի փոքր աւելի բարդացնենք մեր օրինակը։ Ենթադրենք, որ երկրում գոյութիւն ունեն չորս կուսակցութիւններ, — կղերական՝ որ պաշտպանում է հոգեորականութեան շահերը, կալւածատիրական, աշխատաւորական և աղատամիտ։ Ընդունենք, թէ կղերական կուսակցութիւնը ստացել է 2000, կալւածատիրականը՝ նմանապէս 2000, աշխատաւորութեանը՝ 3000 և աղատամիտ կ.-ը՝ 3000։ Այս դէպքում ժողովը գական ներկայացուցիչների թիւը մոտեն է 10 և նրանք կբաժանւեն այս կերպ. 2 հոգի կղերական կուսակցութիւնից, 2 հոգի՝ կալւածատիրական, 3-ը՝ աշխատաւորական և 3-ն էլ աղատամիտ կուսակցութիւնից։ Եւ կամ ենթադրենք այսպէս. 4000 ձայն ստացել է աշխատաւորն կուսակցութիւնը, 3000 ձայն՝ սոցիալ-դեմոկ., 2000 ձայն՝ արդիւնաբերողների և վտանուականների կուսակցութիւնը և 1000 էլ՝ կառավարու-

թեան կուսակցութիւնը։ Այս դէպքում էլ ազգային ժողովը բաղկացած կինի 10ներկայացուցիչներից, որոնցից չորսը կպաշտպանեն ընդհանուր աշխատաւորութեան շահերը, երեքը. պրոլետարիատի, երկուսը՝ արդիւնաբերողների և առևտրականների շահերը, իսկ մէկն էլ չինովակիների շահերը։

Թողոր արած ենթադրութիւններից մենք տեսնում ենք, որ ազգային ժողովը ճշգրիտ կերպով ներկայացնում է ընտրողների բաժանումը՝ երկրում գոյութիւն ունեցող որոշ դասակարգերի։ Միայն այն կուսակցութիւնները նարաւորութիւն չեն ունենայ ուղարկելու իրենց ներկայացուցչին, որոնք ընտրութիւնների ժամանակ հազարից պակաս ձայն կստանան։ Թէև սա մի չարիք է, բայց շատ փոքր է՝ համեմատած նրա հետ, երբ ընտրողների համարեա թէ կէս մասը զրկում է իր ներկայացուուիչներն ունենալու հարաւորութիւնից։ Իսկ յիշատակած օրինակում ըոլոր ընտրողների միայն  $\frac{1}{10}$ -ից պակասը չի կարողանում օգտւել ընտրողական իրաւունքի բարիք-ներով։ Ընտրութեան այս եղանակը — համաձայն իւրաքանչիւր քաղաքական կուսակցութեան տրւած ձայների համեմատական թւին — ունի և այն առաւելութիւնը, որ ամենևին կարիք չի դացում երկիրը ընտրողական քջանների բաժանում օգտւել ընտրողական իրաւունքի բարիք-ներով։ Իսկ մենք գիտենք արդէն, թէ դա ինչ պիտականը պատճառող բան է. ամբողջ եր-

կիրը բնակիչների համահաւասար թիւ կազմող շրջանների են բաժանում թէ չէ, տեսնում ես, որ էլի անհրաժեշտ է նոր բաժանումներ անել, որովհետեւ կան մարդիկ, որ մեռել են, շատերը նոր ծնւել, ուրիշները դուրս են գաղթել, շատերն էլ ներս գաղթել: Եւ երբ ձայնները հաւաքում են ըստ կուսակցութիւնների, այդ դէպքում ընտրութիւնների համար հարկաւոր է, որ օրը լինի տօն: մէկ էլ՝ որքան կարելի է շատ ընտրելավայրեր լինեն, ուզ դրւած լինեն և ընտրական արկդներ, մօտը նստած վատահելի մարդիկ<sup>\*)</sup>:

Համեմատական (պրոպրցիոնալ) ընտրութիւնների դէմ կարելի է առարկել նոյնը, ինչ որ ըստ «անւանացանկերով» ընտրութիւնների դէմ, այն է, որ ընտրողը չգիտէ, թէ ով պիտի լինի իր ներկայացուցիչը: Երբ նա ընտրում է իր շրջանում, այդ դէպքում նա ընտրում է մի որոշ անձն, որն իր թեկնածութիւնն է զբել: Ընտրողը ճանաչում է այդ մարդուն: Սակայն՝ ոչինչ չէ խանգարում ընտրողին պրոպրցիոնալ ընտրութիւնների ժամանակը էլ ճանաչել իր ընտրելիներին: Զէ որ ենթադրւում է, որ իւրա-

<sup>\*)</sup> Ներկա, ումս Ռուսաստանում արդէն գործադրում է համեմատական ընտրութեան այս եղանակը քաղաքայն ընտրութիւնների ժամանակ: Եռ նը ծրագրում է նաև Սահմանադիր Ժողովի համար:

քանչիւր կուսակցութիւն յայտաբարում է իր թեկնածուների անունները ժողովրդական ներկայացուցչութեան համար: Անարժան ընտրելիների դէմ բողոքել կարող է իւրաքանչիւր ոք: Իր կողմից էլ ընտրողը խորհուրդ կարող է տալ կուսակցութեանը լրացնել թեկնածուների ձայնը այս կամ այն մարդկանց անունով, որոնց նա անձամբ ճանաչում է և արժանի է համարում ժողովրդական ներկայացուցչութեան համար: Եւ եթէ նա, յիրաւի, կերևայ որ արժանաւոր է այդ դէպքում կուսակցութիւնը անտարակոյս կդնէ նաև նրա թեկնածութիւնը:

Այս բոլորից յետոյ կուսակցութիւնների թեկնածուները ամենուը եք, թէ մամուլի մէջ և թէ ժողովներում կաշխատեն արծարծել և պաշտպանել կուսակցութեան հայեացքները, կծանօթացնեն ընտրողներին կուսակցութեան նետ: Այդպէս էլ անում են բոլոր երկիրներում թեկնածուները, հանդէս գալով մերթ իրեն զրողներ և մերթ իրեն հռետորներ: Այդ սշանակում է՝ կուսակցութեան ամեն մի թեկնածուի կճանաչեն ընտրողները, որոնք կամ լսել են նրան ժողովներում, կամ կարդացել են նրա յօդւածները, և կամ լրագրական գեկուցումների միջոցով ծանօթացել են նրա ճառերի հետ՝ արտասանւած ժողովրդական ներկայացուցիչների ժողովում: Եւ քանի մի թեկնածու աւելի ճանապարհորդի

52

երկրում, խօսի քաղաքներում և գիւղերում ժողովրդի հետ, այնքան էլ աւելի լաւ կճանաչեն նրան ընտրողները։ Մի խօսքով՝ հիմնաւոր չէ այն առարկութիւնը, թէ ընտրողը չի ճանաչի իր ներկայացուցչին։

Այսպէս ուրեմն, համեմատական ընտրութիւններ ասելով՝ հասկանում ենք ընտրողների ձայն տալը այս կամ այն քաղաքական կուսակցութեան օգտին և իւրաքանչիւր կուսակցութեանը վերապահել՝ ուղարկել ժողովրդական ներկայացուցիչների ժողովը թեկնածուների այնքան թիւ, որ համապատասխանում է նրան տրւած ձայների թիւն։ Մի կուսակցութեան տրւած բոլոր ձայների թիւը բաժանում է օրէնքով ազգային ժողով մէկ պատգամաւոր ուղարկելու համար պահանջող ձայների ամենափոքր թիւ, և այդպիսով օրոշում է, թէ կուսակցութիւնն ընդամենը քանի ներկայացուցիչ ուղարկելու իրաւունք ունի։

Այժմ մենք արգէն գիտենք, թէ ինչպէս կարելի է իմանալ այն ներկայացուցիչների թիւը, որ իւրաքանչիւր կուսակցութիւն իրաւունք ունի ներկայացուցչական ժողովը ուղարկելու։ Բայց, չէ որ, այդ ներկայացուցիչները պէտք է ընտրւեն ընտրողների կողմից, և ոչ թէ նշանակւեն կուսակցութեան կողմից։ Ահա թէ ինչպէս են տեղի ունենում պըոպորցիոնալ ընտրութիւն-

ները։ Իւրաքանչիւր կուսակցութիւն պատրաստում է իր թեկնածուների ցանկը։ Ենթադրենք զարձեալ, թէ երկու կուսակցութիւն կա, — աշխատաւորական և ազատամիտ։ Առաջին կուսակցութիւնը գրում է ցանկում 8 անուն, երկրորդը՝ 6 անուն։ Ահա, ասենք, աշխատաւորական թեկնածուների անունները։ — Յովհաննիսեան, Սեդրակեան, Զամշեան, Օհանեան, Սերոբեան, Պահլաւունի, Մակարեան, Կարապետեան։

Մենք գիտենք, որ լիակատար 1000 ձայնը միայն իրաւունք ունի մէկ ներկայացուցիչ ուղարկելու ազգային ժողով։ Ընտրողները տալիս են իրենց ձայնը Յովհաննիսեանին, որ տռաջինն է ցանկի մէջ։ Հենց որ նրա համար տրւում է 1000 ձայն, նա յայտաբարւում է ընտրւած։ Յետոյ ընտրում է Սեդրակեան։ Ենթադրենք, թէ ընտրողները նրան լաւ չեն ճանաչում և կամ որևէ է պատճառով նա դուք չէ գալիս հենց ձանաչողներին։ Նա ստանում է 750 ձայն։ այդ նշանակում է, որ նա ընտրւած չէ։ Ապա մէկը միւսի յետեկից ընտրւում են՝ Զամշեան, Օհանեան, Սերոբեան, Պահլաւունի, Մակարեան։ Իւրաքանչիւրը ստանում է 1000 ձայն։

Մնում է միայն կարապետեանը, որը ստացել է 500 ձայն, բայց այդ ոչ այն պատճառով, որ ընտրողները նրան անարժան են համարել, այլ այն պատճառով, որ աշխատաւորական կու-

սակցութեանը ձայն տւող էլ չկայ: Ազատամիտ կուսակցութիւնն էլ դրել է ցանկում վեց թեկնածուներ—Տէրեան, Սարգսեան, Մարկոսեան, Ստեփանեան, Բարսեղեան և Աւագեան: Առաջին չորսը ընտրւում են մէկը միւսի յետեկից, ստանալով—Տէրեանը՝ 1100 ձայն, Սարգսեանը՝ 1050 ձայն, Մարկոսեանը՝ 1025 ձայն և Ստեփանեանը՝ 1000 ձայն: Բոլոր չորս հոգին ուրեմն ստացել են 4175 ձայն: Բարսեղեանը ստացել է 200, իսկ Աւագեանը 25 ձայն: այդ նշանակում է, որ այս երկուսը ընտրւած չեն: Իսկ ընդամենը ազատամիտ կուսակցութեան օգտին արւել է 4500 ձայն:

Այսպէս ուրեմն՝ համեմատական կամ պրապորցիոնալ ընտրութիւնների ժամանակ ընտրողները կարող են ձայն տալ թէ միանգամից մի կուսակցութեան թեկնածուների ամբողջ ցանկին և թէ իւրաքանչիւր մէկին՝ առանձին: Անւանացանկերով ձայնտութիւնը, այսինքն միանգամից բոլոր թեկնածուներին ձայն տալը, ունի մի քանի անյարմարութիւններ, որոնցից զիսաւորն է՝ ընտրողի կամքի ճնշումը: Բանն այն է, որը ընտրողը ցանկանում է՝ օրինակ իր ներկայացուցիչն ունենալ աշխատաւորական կուսակցութեան մի անդամի, այն ինչ ցանկում գրւած է մի ինչոր Սեղբակեանի անուն, որին նա որևէ պատճառով անարժան է համարում ներկայա-

ցուցիչ լինելու, թէպէս նա էլ է պատկանում իր կուսակցութեանը: Եթէ ընտրութիւնը տեղի է ունենում անւանացանկով, այդ գէպքում նա ձայն պիտի առյ նաև Սեղբակեանին: Իսկ եթէ ձայնը արւի ցանկում յիշւած իւրաքանչիւր թեկնածուի առանձին, այդ գէպքում ընտրողը իր ձայնը տալիս է նրան, ով իրան ամենից աւելի է ծանօթ, որին նա ամենից աւելի կցանկար տեսնել ընտրւած իրեն իր ներկայացուցիչ: Անւանացանկերով ընտրութիւնը կոչւում է քազմանանական, որովհետև ընտրողը իր ձայնը տալիս է միանգամից շատ անունների: առանձին-առանձին մարդկանց ընտրելու եղանակն էլ կոչւում է միանանական, որովհետև ընտրողը ձայն է տալիս մէկ անւան:

Համեմատական ընտրութիւններ գոյութիւն ունեն Դանիայում, Ֆելգիայում, Սերբիայում և մի քանի ուրիշ՝ պետութիւններում, օրինակ՝ Շվեյցարական հասարակապետութեան, մէջ այժմ նաև Ռուսաստանում: Այն հանգամանքը, որ ընտրութեան այս եղանակը քիչ է տարածւած, գա բացատրւում է նրանով, որ նա ձեռնտու է պետութեան մէջ դերիշխող դասակարգերին, այդ պատճառով էլ սրանք բոլոր ոյժով ընդդիմանում են ընտրութեան այս եղանակի ներմուծմանը:

## 10. ՆԵՐԿԱՅԱՑՈՒՑՉԱԿԱՆ ԱԶԳԱՅԻՆ ԺՈՂՈՎ

Իրաւական պետութեան մէջ ժողովրդական ներկայացուցիչների ընտրութիւնները կատարւելուց յետոյ այդ ներկայացուցիչները հաւաքւում են միատեղ՝ պետական գործերը քննելու և վճռելու նպատակով։ Ժողովրդական ներկայացուցիչների այս ժողովը կոչւում է ներկայացուցչական ազգային ժողով։ Ֆրանսիայում նա կոչւում է պատգամաւորների (գեալուտատների) պալատ, Գերմանիայում՝ ռայխստագ, մի խօսքով՝ իւրաքանչիւր պետութեան մէջ առանձին անունով։ Ներկայացուցչական ժողովը տեսական հաստատութիւն է պետական բոլոր ընթացիկ գործերը վճռելու համար։ Պետութիւնների մեծամասնութեան մէջ այդ ժողովը ունենում է տարեկան երկու նստաշրջան՝ չորս ամիս անընդհատ տևողութեամբ։ Կարեք եղած գէպքում ժողովը հրաւիրում է նաև ներկայացուցիչների հանգստութեան համար սահմանած արձակուրդների ժամանակ, եթէ այդ բանը պահանջում է պետական գործերի անյետածգելիութիւնը և կարեւորութիւնը։

Բացի տեսական ներկայացուցչական ազգային ժողովից՝ մի քանի երկիրներում եղել է նաև ժամանակաւոր ներկայացուցչական Սահմանադիր կամ Հիմնադիր ժողով։ Ինչպէս ինքը

«սահմանադիր» բառը ցոյց է տալիս՝ այդ ժողովը գումարւում է այն նպատակով, որ վերև յիշատակած ոստիկանական պետութեան փլատակների վրայ հիմնէ իրաւական պետութիւն։ Իր գործը կատարելուց յետոյ, այսինքն պետութեան մէջ նոր կարգեր, երկրի համար հիմնական օրէնքներ սահմանելուց յետոյ Սահմանադիր ժողովը արձակում է ինքն իրեն, և ժամանակաւորապէս իր ձեռքն եղած բարձրագոյն իշխանութիւնը տալիս է տեսական ներկայացուցչական ժողովին։

Ընդհանուր, ուղղակի, հաւասար, գաղանի ձայնաւութեամբ կոչւած Սահմանադիր ժողովները, չնայած իրենց կարճատև գոյութեան, ամենալաւ միջոցն են եղել ժողովրդական իրաւունքները և պատութիւնները հաստատելու համար։ Ոստիկանական պետութիւնը շատերին է ձեւնառու եղել, օրինակ չինովնիկներին և հարուստ մարգկանց։ Եւ Սահմանադիր ժողովներում կորիէ մղւել հասարակութեան ամեն տեսակ արտօնութիւններով օժտւած հին գասակարգերի ներկայացուցիչների և նորերի ներկայացուցիչների միջև։ Հոգեսրականութիւնը, չինովնիկները, ազնւական-կալւածատէրերը, վաճառականները և զործարանատէրերը ամեն ջանք թափել են իրենց ներկայացուցիչների միջոցով պաշտպանել իրենց օգտաւէտ և արտօնեալ դիրպաշտապանել իրենց օգտաւէտ և արտօնեալ դիր-

ՔԵ որ նրանք տէր ու տնօրէն էին ոստիկանական պետութեան մէջ: Ու յաճախ յաջողւել է նրանց այդ բանը շնորհիւ ժողովրդի խուար մտքի և տգիտութեան: Արհեստաւորների, բանւորների և գիւղացիների ներկայացուցիչներին հեշտ չէ եղել Սահմանադիր ժողովում կըսւել այն բանի համար, որ պետական նոր կազմը իրենց համար նպաստաւոր լինի. զանազան երկրներում էլ նրանք ունեցել են ոչ պակաս յաջողութիւն: Յաճախ էլ պատահել է, որ այն, ինչ պիտի կատարէր Սահմանադիր ժողովը, արել է հետզհետէ, տասնեակ տարիների ընթացքում, տեսական ներկայացուցչական ժողովը: Յամենայն դէպո՝ էլ խօսք լինել չէ կարող այն մասին, որ Սահմանադիր ժողովը անհրաժեշտ բան է ամեն մի երկրի համար, որ վճռել է հիմնել իրաւական պետութիւն: Վտանգաւոր բան է պետական վերակազմութեան գործը յանձնել նրանց, որոնք սովոր են կամայականութեան:

#### 11. Ի՞նչ են ԱՆՈՒՄ ԺՈՂՈՎՐԴԱԿԱՆ ՆԵՐԿԱՅԱՑՈՒՑԻՉՆԵՐԸ

Ժողովրդական ներկայացուցիչների ժողովը յաճախ կոչում են օրէնսդիր ժողով, որովհետև այդ ներկայացուցիչների գործունէութեան գրլիսաւոր առարկան օրէնքներ հրատարակելն է:

Սակայն օրէնքներ քննութեան առնելուց, փոփոխելուց և վերացնելուց զատ ժողովրդական ներկայացուցիչները սահմանում և փոփոխում են հարկերը և տուրքերը: Նրանք տնօրինում են պետական բոլոր եկամուտները և ծախքերը, այսինքն՝ սահմանում են եկամուտի բոլոր աղբեւները և որոշում են, թէ ժողովրդական փողերը լինչպէս պիտի գործադրւեն: Նրանք են որոշում, օրինակ, թէ որչափ է հարկաւոր ծախսել ժողովրդական լուսաւորութեան համար, դատարանի համար, աշխատազուրկներին և անքերքիութիւնից մնաւածներին օգնութեան հասնելու համար, թէ որքան է հարկաւոր ծախսել ներքին կառավարութեան վրայ, և այն: Նշանակում է՝ ներկայացուցչական ժողովի գործունէութեան գլխաւոր առարկան է՝ օրէնքներ քննել և հրատարակել, պետական տնտեսութիւնը վարել, պետական ելեմուտքի ցուցակը հաստատել: Վերջին գործառնութիւնը շատ կարևոր բան է, սրովհետեւ իրաւական պետութեան քաղաքացիները վճարում են միայն այն հարկերը, որոնք թոյլ են արւած կառավարութեանը ժողովի՝ համաձայն ժողովրդական ներկայացուցիչների կողմից հաստատած ցուցակի: Այսպիսով ամեն տարի հրատարակող այդ ցուցակը համարում է պարտադիր թէ քաղաքացիների և թէ կառավարութեան համար: Ոչ մի մինիստր

իրաւունք չունի քաղաքացիներից վերցնելու թէ-  
կուզ մի կոպէկ աւելի ելեմուտքի ցուցակի մէջ  
նշանակածից:

Այսպէս ուրեմն, օրէնսդրական իշխանու-  
թիւնը գտնւում է ներկայացուցչական ժողովի  
ձեռքին: Իսկ ում ձեռքին է գտնւում կատարո-  
ղական (գործադիր) կամ կառավարչական իշխա-  
նութիւնը: Սա գտնւում է մինիստրների խոր-  
հրդի կամ, ինչպէս ասում են, մինիստրների կա-  
բինետի ձեռքին:

Իւրաքանչիւր պետութեան մէջ կան հետե-  
ւեալ կարգի մինիստրներ.—զինւորական, ծո-  
վային, առևտրի և արդիւնագործութեան, ներ-  
քին և արտաքին գործերի, աշխատանքի, արդա-  
րադատութեան, երկրագործութեան, պետական  
կայքերի և եկամուտների (ֆինանսների) մի-  
նիստրներ:

Իւրաքանչիւրը սրանցից զլուխ է կանգնած  
իր վարչութեան, իսկ ամենքը միասին կտգմում  
են կարինետ, որ և զբաղւում է բոլոր ընթացիկ  
գործերով: Մինիստրների կարինետը կառավա-  
րում է երկիրը համաձայն ժողովրդական ներ-  
կայացուցիչների թոյլտութեան և նրանց ցու-  
ցումների, միաժամանակ՝ կառարեալ յարգան-  
քով գէպի երկրի հիմնական օրէնքները, այսինքն  
չխախտելով քաղաքացիների իրաւունքները և  
ազատութիւնները:

Այն երկիրներում, ուր գոյութիւն ունի  
կատարեալ ժողովրդապետութիւն, մինիստրների  
կաբինետը կազմւում է հենց ժողովրդական ներ-  
կայացուցիչների միջից:

Ահա թէ ինչպէս ներկայացուցիչներից մէկն-  
ումէկը դառնում է առաջին մինիստր: Ապա նա  
իրեն օգնական է կոչում ուրիշ ներկայացուցիչ-  
ների, և նրանցից իւրաքանչիւրը անցնում է մէկ  
կամ միւս մինիստրութեան վլուխ: Եթզ նրանք  
իրար մէջ են բաժանում պետութեան կառա-  
վարութիւնը,—այն ժամանակ ասում են՝ մի-  
նիստրների կարինետը կազմւեց: Կաբինետի  
գլխաւորն է առաջին մինիստրը: Այժմ ծանօ-  
գլխաւորն է առաջին մինիստրը: Այժմ ծանօ-  
գլխաւորն է առաջին մինիստրը: Այժմ մինիստրների կա-  
րինետը ինչպէս է կառավարում երկիրը:

## 12. ՄԻՆԻՍՏՐՆԵՐԻ ՊԱՏԱՌԽԱՆԱՑԻՈՒԹԻՒՆԸ

Մենք արդէն գիտենք, որ ժամանակակից  
իրաւական պետութեան մէջ գործադիր կամ  
կառավարական իշխանութիւնը գտնւում է մի-  
նիստրների ձեռքին: Ի՞նչպէս խուսափել այդ  
իշխանութիւնը ի չարը գործադրելուց. յայսնի  
է, որ ոստիկանական պետութեան մինիստրները  
իրենց իշխանութիւնը գործ են զրել միշտ ի  
պիսս ժողովրդի: Այս բանը առաջ էր գալիս նրա-

նից, որ նրանք ժողովրդի առաջ պատասխանատու չէին, իսկ թագաւորի առաջ նրանց ունեցած պատասխանատութիւնը հաւասարւել է զէրօյի, որովհետև նա ինքն է եղել նրանց նշանակողը: Իրաւական պետութեան մէջ թէ մինիստրների կաբինետը և թէ իւրաքանչիւր մինիստր առանձին՝ պատասխանատու են ժողովրդական ներկայացուցիչների առաջ:

Այդ պատասխանատութիւնը երկու տեսակ է: պարզամենտական՝ այսինքն հենց իրենց, ժողովրդական՝ ներկայացուցիչների առաջ, և քրէական՝ դատարանի առաջ: Պարզամենտական պատասխանատութեան էութիւնը հետևեալն է: Մինիստրների կաբինետը կառավարում է երկրը, իսկ նրա գործունէութիւնը միևնույն ժամանակ ենթարկում է դատավիետման կամ խրախուսանքի՝ լրագիրներում և ներկայացուցչուկան ժողովում: Եթէ մի մինիստր տեսնում է, որ յարձակում է գործւած վրան, նրա գործունէութիւնը որևէ է կերպ դատավիետելով, այդ դէպքում նա ներկայացուցչական ժողովի առջե է դնում իր վստահութեան հարցը, որն և ենթարկում է ձայնտութեան. Եթէ ներկայացուցիչների մեծամասնութիւնը վստահութիւն արտայայտէ այդ մինիստրին, նա կմնայ իր պաշտօնի մէջ, իսկ եթէ մեծամասնութիւնը անվստահու-

թիւն արտայայտէ, այդ դէպքում արդէն նա հրաժարական պիտի տայ:

Բոլորովին նոյն կերպ է վարւում նաև առաջին մինիստրը, երբ որևէ պատճառով կասկած է արտայայտում բոլոր մինիստրների գործունէութեան վերաբերմամբ: Եթէ ներկայացուցիչների մեծամասնութիւնը անվստահութիւն արտայայտէ ամբողջ կաբինետին, այդ դէպքում էլ բոլոր մինիստրները պիտի հրաժարական տան, և մի ուրիշը յանձն կառնէ նոր կաբինետ կազմելը՝ վերև յիշատակած ճանապարհով:

Բացի զբանից՝ ժողովրդական ներկայացուցիչները մշտապէս հարցապնդութներ են անում մինիստրներին նրանց գործունէութեան վերաբերմամբ, հետեւում են նրանց գործողութիւններին: Սակայն մինիստրների պարզամենտական պատասխանատութիւնը տեղի է ունենում միայն այն ժամանակ, երբ մինիստրները սոսկ թեթև վերաբերմունքից կամ անհոգութիւնից են զանցառութիւն կատարել, և կամ ազգային ժողովի կազմի մէջ կատարւած այնպիսի փոփոխութեան դէպքում, որի հետ տեղի է ունենում նաև պէտութեան կառավարութեան գործերի վերաբերմամբ եղած հայացքների կատարեալ յեղաշըջում: Իսկ եթէ մինիստրներից մէկը կամ շատերը որևէ է յանցանք գործեն, օրինակ եթէ նրանք կաշառք վերցնեն, կամ որևէ կերպ քա-

ղաքացիների իրաւունքին գիպչեն, այդ դէպքում ներկայացուցիչների ժողովը ձայների բազմութեամբ որոշում է կայացնում՝ նրանց դատի ենթարկելու. այդ դէպքում արդէն դատարանն է վճռում նրանց յանցաւորութեան հարցը. Ուրեմն՝ բացի պարամենտական պատասխանատութիւնից, այսինքն հրաժանական տալու պարտականութիւնից, մինիստրները ենթարկելում են նաև քրէական պատասխանատութեան և պիտի կրեն այն պատիժը, որ նրանց վրայ կդնէ դատարանը:

### 13. ԴԱՏԱՐԱՆԸ ԻՐԱՒԱԿԱՆ ՊԵՏՈՒԹԵԱՆ ՄԷջ

Մենք զիտենք, որ իրաւական պետութեան մէջ բոլոր քաղաքացիները իրար հաւասար են ոչ միայն օրէնքի առաջ, այլ նաև դատարանի առաջ: Ի՞նչպէս տէտք է սահմանել այդ դատարանը, ում ձեռքին է գտնւում դատական իշխանութիւնը: Սա ևս գտնւում է ժողովրդի ձեռքին, քանի որ իբրև դատարանական հիմունք ծառայում է երկու սկզբունք, — դատաւորների ընտրած ու անփոխսելի լինելը: Իրաւական պետութեան մէջ բոլոր դատաւորները ընտրւում են ժողովրդից և չեն կարող պաշտօնից հեռացւել կառավարութեան կողմից:

Օրէնքների և ուրիշ քաղաքացիների դէմ գործւած աննշան զանցառութիւնները քննում են ընտրւած հաշտարար դատաւորները Դա անհատական դատարանն է: Օրէնքների և քաղաքացիների դէմ գործւած բոլոր կառեոր զանցառութիւնները — յանցանքները դատւում են երդւեալ դատաւորի կողմից: Երդւեալ դատաւոր պարտաւոր են լինել բոլոր 25 տարեկան դարձածները. սա ոչ միայն իրաւունք է, այլ նաև պարտականութիւն:

Իսկ դատաւորների անփոփոխութիւնը այն է նշանակում, թէ կառավարութիւնը իրաւունք չունի փոխել իրեն չուղած դատաւորին: Դատաւորը պաշտօնազուրկ լինել կարող է միայն դատարանի միջոցով, եթք սա ապացուցանէ նրա յանցանքը: Այս անփոփոխելիութեան օրէնքը շատ կարևոր է արդարադատութեան համար, որովհետեւ դատաւորը այն ժամանակ կդատէ իւրաքանչիւրին խղճով, ինչ բարձր պաշտօն էլ նրանք պետութեան մէջ վարելիս լինեն, եթք նա չվախենայ, թէ կառավարութիւնը կզբկէ նրան պաշտօնից, որևէ բարձրաստիճան պաշտօնեայի դատապարտութեան ժամնելու պատճառով: Չէ որ իրաւական պետութեան մէջ միասակալ դատաստան կայ բոլորի համար, սկսած առաջին մինիստրից:

Բոլոր դատի ենթարկւածները իրաւունք ունեն ունենալու իրենց պաշտպանը ոչ միայն

գատաստանի առաջ, այլ նաև նախնական քննութեան միջոցին։ Սա էլ մեղադրողի համար կարևոր իրաւունք է, որովհետեւ մեղադրողները կամ դատախազները յաճախ տարւում են մարդկանց դատապարտելու ցանկութեամբ՝ ինչ գնով էլ որ լինի. բաւական է, որ մէկին կասկածի ենթարկեն, իսկոյն նրա դէմ աշառութեամբ փաստեր կժողովին։ Այս փաստերը դատավարութեան ժամանակ յաճախ անհիմ են երեսմ, և ինքը դատախազը ստիպւած է լինում հրաժարւել մեղադրելուց, եւ ահա, որպէսզի ամենեին չսկսվի անօդուու մեղադրանք և անմեղ մարզու ի զուր տեղը ձերբակալելով չտանջեն, ամեն մէկը, որ որևէ է յանցոնք արած լինելում կասկածի է ենթարկելում, իրաւունք ունի պահանջելու, որ նրա պաշտպանը ներկայ գտնւի նախնական քննութեան ամբողջ ժամանակը, որ նա ծանօթանայ առաջ բերւած փաստերի նետ և մեղադրողին ցոյց տայ նրանց թերութիւնները և անրաւարարութիւնը։

#### 14. ՌԵՖԵՐԵՆՆՈՒՄ (ՀԱՐՑՈՒՄ ԲՈՂՈՐ ՔԱՂԱՔԱՅԻՆՆԵՐԻՆ)

Վերև յիշատակեցինք, որ ժամանակակից պետութիւնները իրենց բնակիչների թւով և

բոնած տարածութեամբ այնչափ մեծ են, որ բոլոր պետական գործերի անմիջական լուծումը բոլոր քաղաքացիների ձայնութեան միջոցով՝ աներեւակայելի բան է։ Այդ պատճառով էլ ոչ մի տեղ գոյութիւն չունի բոլոր քաղաքացիների տեսական և անմիջական ժողով, ուր վճռւեին բոլոր գործերը, այլ ամեն տեղ մտցրել է պետութիւնը ընտրւած ներկայացուցիչների միջոցով կառավարելու եղանակ։

Սակայն մի քանի պետական գործեր կան, այնքան կարեոր, որ նրանց վերաբերմամբ ցանկալի է հարցնել անմիջապէս բոլոր քաղաքացիներին։ Այսպէս օրինակ՝ պատերազմ յայտարարելու կամ խաղաղութեան դաշը կուելու հարցերը, ընդհանուր զինւորագրութիւն մտցնելու կամ վերացնելու հարցը, պետութեան կառավարութեան եղանակը փոխելը, — այս բոլոր հարցերը այնչափ սերտ կերպով շօշափում են բոլոր քաղաքացիների շահերը, որ ցանկալի է նրանց լուծումը՝ յենւելով ոչ թէ ներկայացուցիչների կարծիքի վրայ, այլ իրենց՝ ընտրողների անմիջակայն ձայների վրայ։

Շւէյցարական հասարակապետութեան մէջ յաճախ արւել է այդ փորձը՝ բոլոր քաղաքացիների համար կարեոր համարւող գործերի մասին ընտրող-քաղաքացիներին անմիջապէս հարցում անելով։ Այդ հարցումը յաջողութիւն է գտել և

ստացել է ուժիքենդում անունը, այդ պատճառով էլ Շւէյշարիան յաճախ կոչում են ուժիքենդար հասարակապետութիւն, ժողովրդին հարցնող պետութիւն։

Բուն հարցումը այսպէս է կատարւում։ Կառավարութիւնը առաջարկում է բոլոր քաղաքացիներին այս հարցը. «Կամենում էք», օրինակ, «շարունակել պատերազմը, թէ կամենում էք հաշտութեան դաշն կոել» և բոլոր ցանկացողները պարաւոր են պատասխան տալ մի որոշ ժամանակ։ Ապա հաշւում են յօդուտ կուի կամ հաշտութեան տրւած ձայները և կառավարութիւնը վարւում է մեծամասնութեան կամքի համաձայն։

Եթէ մի պետութեան բոլոր քաղաքացիները լուսաւորւած են, այդ գէպքում կարելի է համաժողովրդական ձայնաւութեան ենթարկել և օրէնքների ամբողջ նախագծեր, Յիշատակած փորձը պատահական չէ, որ կատարել է Շւէյշարիայում. բանը այն է, որ Շւէյշարիան շատ փոքրիկ պետութիւն է, և այնտեղի ժողովուրդն էլ շատ լուսաւորւած է։ Ու այս երկու պատճառոներն են նպաստել ուժիքենդումի կամ ընդհանուր հարցման բարեյաջող լուծմանը։

15. ՕՐԷՆՄԴՐԱԿԱՆ ՆԱԽԱԶԵՌՆՈՒԹԵԱՆ ԻՐԱՀԱՌԻՆՑԻ ԸՆԴԱՑՆՈՒՄ (ԻՆԻՑԻԱՏԻՎ)

Ինիցիատիվի (նախաձեռնութեան) իրաւունք ասելով հասկանում ենք այն իրաւունքը, որի համաձայն ներկայացուցչական ժողովի քննութեան առարկայ կարելի է դարձնել օրինագծեր։ Սովորաբար այդ իրաւունքը ունեն ժողովրդական բոլոր ներկայացուցիչները, սակայն նրանցով օգտուում են համարեա բացառապէս մինիստրները, կարինետի անդամները, որովհետեւ օրինագիծ կազմելու համար հարկաւոր է փորձառութիւն, որ չունի ամեն մի ժողովրդական ներկայացուցիչ։ Ժողովրդական ներկայացուցիչները սովորաբար անում են առաջարկութիւններ կառավարութեանը, այսինքն մինիստրներին, ասում են, թէ անհրաժեշտ է այս կամ այն օրէնքը հրատարակել։

Սակայն շնորհիւ այն բանի՝ որ մի քանի պետութիւններում գոյութիւն չունի անաղարտ ժողովրդական ներկայացուցչութիւն, այդ պատճառով հենց իրենք ներկայացուցիչներն էլ յաճախ խուլ են մնում կեանքի պահանջների հանդէպ։ Ժողովուրդը մեծ կարիք կարող է զգալ որևէ օրէնք հրատարակելու, սակայն ոչ կառավարութիւնը, և ոչ էլ ներկայացուցչական ժողովը կհրատարակեն այդպիսի օրէնք։ Ի՞նչ անել

այս գէպքում: Զարիքի առաջն առնել կարելի է նրանով, որ ներկայացուցչական ժողովից դուրս մի որոշ թիւ կազմող քաղաքացիներ իրաւունք ունենան օրինագծեր կազմելու և պահանջելու, որ նրանց քննութեան ենթարկեն օրէնսդրական ժողովում: Այս նպատակով էլ հրատարակում է այսպիսի օրէնք,—ինիցիատիվի (նախաձեռնութեան) իրաւունք ունի տմեն մի քաղաքացի:

Ենթագրենք, թէ մի քաղաքացի առաջարկում է որև է օրինագիծ, եթէ յօդու տնրա առաջարկութեան ձայն կտան որոշ թիւ, սահենք 100 հազար ընարողներ, այդ գէպքում ժողովրդական ներկայացուցիչները պարտաւորում են քննել նրա օրինագիծը և հրատարակել համապատասխան օրէնք:

Ենորհիւ այն բանի, որ օրէնսդրական նախաձեռնութեան իրաւունք ունեցող անձերի շրջանը ընդլայնում է, օրէնսդրութիւնն էլ կեանքից յետ չի մայ: Եթեմն մի ժողովրդի կեանքում ծագում են այսպիսի հարցեր և յարաբերութիւններ, որ շօշափում են ընդամենը 100 հազար մարդկանց շահերը, և որոնք իրաւունքով պահանջում են վճիռ և օրինական ճանաչում: Ժամանակից պետութիւններից կրկին Շահյարիան է, որ առաջին անգամ ընդլայնեց օրէնսդրական նախաձեռնութեան իրաւունքը վերոյի-

շեալ մտքով, տարածելով այն՝ բոլոր ընտրողների վրայ:

#### 16. ՊԵՏՈՒԹԵԱՆ ՊԱՏԻԱԽՈՐ ԳԼՈՒԽԸ

Վերև ասեց, որ իրաւական պետութեան մէջ բարձրագոյն իշխանութիւնը ամբողջապէս գտնուում է ժողովրդի ձեռքին: Ժողովուրդ—վեհապետը այստեղ հանդիսանում է իրը կլուխ պետութեան:

Սակայն բացի ժողովրդից, իրաւական պետութեան այսպէս անած իսկական զլիից, բոլոր պետութիւններում գոյութիւն ունի և պատւառոր զլուխ:

Ֆրանսիայում, Հիւսիսային Ամերիկայի Միացեալ-Նահանգներում նա ընտրովի է, իսկ Անգլիայում՝ յման է և ժառանգական: Պետութեան այս պատւառոր զլիի գոյութիւնը նրանով է պարզում, որ սատիկանական պետութեան գոյութեան երկար դարերի ընթացքում ազգաբնակութիւնը սպորել է տեսնել պետութեան զլուխն անցած թագաւորներ:

Իսկ երբ արքայական իշխանութիւնը ոչնչացաւ, ժակովուրդը, սովորած լինելով տեսնել պետութեան շօշափելի զլիաւոր, սկսեց ընտրել պետութեան պրեզիդենտ կամ նախագահ:

Անզլիայում իբրև այդպիսի նախագահներ հանդիսանում են նախկին ինքնիշխան թագաւորների յետնորդները։ Իսկ ինչ են անում նախագահները։ Սովորաբար նրանք համարւում են պետութեան ներկայացուցիչներ՝ ժողովրդական կեանքի բոլոր հանդիսաւոր դէպքերում և նրանց միջոցով է մի ժողովուրդ միւսի նետ բանակցում։ Ամերիկայի նախագահը, որ ընտրւում է ամբողջ ժողովրդից, հանդիսանում է գործադիր իշխանութեան բարձրագոյն ներկայացուցիչ, որին և ստորագրւում են մինիստրները։ Անգլիայում նախագահի պաշտօնը վարում է թագաւորը, որը, ինչպէս ասեց սկզբում, «թագաւորում է, բայց չէ կառավարում»։

Անգլիայում թագաւորն ունի միայն պատւոր իրաւունքներ։ Այսպէս՝ նրա անունով է կատարւում դատավարութիւն, նա է յանձնարարում համայնքների պալատի առանձին ներկայացուցիչներին կազմել մինիստրների կարիքնետ, երբ այդ հարկաւոր է լինում։ Նրա անունով են գրւում շատ պետական թղթեր և օրէնքներ, նա է հաստատում իր ստորագրութեամբ ժողովրդական ներկայացուցիչների որոշումները։ Առանց մինիստրների համաձայնութեան, որոնք պատասխանատու են ժողովրդական ներկայացուցիչների առաջ, թագաւորը մի քայլ չէ կարող անել նրա անունով բաց թողնւող ամեն մի թուղթ

պէտք է անպատճառ ստորագրուի համապատասխան մինիստրի կողմից նրա համար, որ ժողովրդական ներկայացուցիչները պատասխանութեան կոչեն մինիստրին, եթէ թագաւորը մի ապօրինի կարգադրութիւն արած լինի։ Մինիստրները գիտեն, որ իրենք են պատասխան տալու թագաւորի արած ամեն մի ապօրինի հրամանի համար, այդ պատճառով էլ նրանք ստորագրում են միայն նրա այն թղթերը, որոնց բովանդակութիւնը համաձայն է երկրի հիմնական օրէնքներին։ Այսպիսով՝ անգլիական թագաւորը չէ կարող բնաւ խախտել օրէնքները կամ քաղաքացիների իրաւունքները։ Բարձրագոյն իշխանութիւնը նրա ձեռքին չէ, այլ անգլիական ժողովրդի։

Ուրիշ բան է, երբ աչք ենք դարձնում դէպի Գերմանիա, որտեղ բարձրագոյն իշխանութիւնը բաժանւած է կայսրի և ժողովրդի մէջ այնպէս, որ կայսրը գործազիր իշխանութեան և գորքի գլուխ է համարւում, իսկ ժողովուրդը՝ օրէնսդրական և դատաստանական իշխանութեան գլուխ, — այն էլ ոչ կատարեալ չափով։ Գերմանացիները գեռ շատ մնացորդներ ունեն ոստիկանական պետութիւնից։

Գերմանական կայսրը (պրուսական թագաւորը) կարող է, առանց հարցնելու ժողովրդական ներկայացուցիչներին՝ ուրիշ պետութիւն։

ների հետ՝ պայմաններ և դաշնագրութիւններ կոնք, կուի և հաշտութեան հարցերը վճռել, բոլորի համար պարտագիր հրովարտակներ հրատարակել, մինիստրներ նշանակել և արձակել: Մինիստրները պատասխանատու են նրա առաջ, և ոչ ժողովրդական ներկայացուցիչների առաջ, որոնք կարող են մինիստրներին հասցըրած բանաւոր կշտանբանքներով միայն իրենց սիրաը միփթարել, իսկ արձակել տալ՝ այդ նրանց իրաւունքը չեն: Իրերի զրութիւնը նոյնն է և Աստրիայում՝ նշանակում է՝ այս երկու պետութիւններում գոյութիւն չունի ոչ կատարեալ ժողովրդապետութիւն և ոչ էլ թագաւորի ինքնակալութիւն:

Բարձրագոյն իշխանութիւնը այդ երկրներում գտնում է աւելի շուտ կայսրի ձեռքին, թէպէտ և կրօնաւած սահմանափակ չափով:

Պետութեան կառավարութեամն այս եղանակը, ինչպէս արդէն գիտենք, կոչւնամ է սահմանադրական միապետութիւն և հանդիտանում է իրեն մի անցողական աստիճան սատիկանական պետութիւնից դէպի իրաւական պետութիւն:

Գերմանական ժողովաւրդը զեռ մինչև օրս ոյժ չէ ունեցել իր ձեռքն առնելու ամբողջ բարձրագոյն իշխանութիւնը: Գերմանական կայուրը դեռ զօրեղ է, և գերմանացիները մինչև օրս կուում են նրա դէմ:

Որովհետև զօրքը Գերմանիայում երդում է տալիս թագաւորին և ոչ ժողովրդին, այդ պատճառով էլ գերմանական կայսրի համար այդ զօրքը հանդիսանում է իրեն մի ոյժ, որի վրայ էլ նա յենուում է ժողովրդի դէմ ունեցած կուռաւմ:

Իսկ իրաւական պետութեան մէջ զօրքը երդում է տալիս ոչ թէ նախագահին, այլ ժողովրդին, և խոստանում է պահպանել երկրի հիմնական օրէնքները և քաղաքացիների իրաւունքները:

#### 17. ՊԵՏԱԿԱՆ ՏՆՏԵՍՈՒԹԻՒՆԸ ԻՐԱԿԱԿԱՆ ՊԵՏՈՒԹԵԱՆ ՄԵՋ

Երբ մարդիկ միասին են ապրում, այդ դէպքում նրանց մէջ երեան են գալիս այսպիսի կարիքներ, որոնք չեն լինի, եթէ մարդկանց մէջ չլինէր և ոչ մի յարաբերութիւն, իւրաքանչիւրն ապրէր առանձին:

Մարդկանց համայնակեցութիւնը պետութեան մէջ պահանջում է նաև ընդհանուր ծախրեր՝ հասարակական կարիքները հոգալու համար: Այսպէս՝ փող է հարկաւոր հասարակական հիմնարկութիւնների համար, դատաւորներ պահելու, երկաթուղիներ շինելու համար, պոստի նեռագրատան համար, ժողովրդական լուսաւորու-

թեան համար, և այլն: Ծախսեր անելու անհրաժեշտութիւնը ստիպում է կառավարութեանը եկամուտի աղքիւներ որոնել:

Մենք գիտենք, որ ստիկանական պետութեան կառավարութիւնը հարկերով ծանրաբեռնում է գլխաւորապէս գիւղացիներին: Դրանք են՝ ողղակի հարկեր: Սակայն բացի դրանից գանձարանը հարկեր է նշանակում շաքարի, ծըխախոտի, օղու, նաւթի, լուցկու, թէյի և ուրիշ մթերքների վրայ. դրանք են անուղղակի հարկեր: Գանձարանին վճարում է գործարանատէրը կամ վաճառականը, եթէ, օրինակ, արտասահմանից բերւած ապրանքի համար, ասենք թէյ, մաքս պիտի վճարել: Իսկ երբ գործարանատէրը կամ վաճառականը ապրանք են վաճառում, այդ գէպում նրանք հարկը աւելացնում են ապրանքի գնի վրայ, և այդպէս վերջ ի վերջոյ հարկը վճարում է նա, ով գնում է ապրանքը: Եւ որովհետեւ գնողը վճարում է այդ հարկը ոչ թէ անմիջապէս գանձարանին, այլ կողմանակի կերպով վաճառականի միջոցով, այդ պատճառով էլ այդ հարկը կոչւում է անուղղակի հարկ:

Հասկանալի է, որ չքաւոր մարդու համար աւելի դժւար է վճարել գանձարանին այդ հարկը, քան հարուստի համար, որովհետեւ այդ հարկերը կազմում են նրա խղճուկ աշխատավարձի մեծ մասը: Ամեն մի պետութեան բոլոր

բնակիչների մեծագոյն մասը գիւղացիներ են կամ բանւորներ, ուրեմն և անուղղակի հարկերը հաւաքւում են գլխաւորապէս նրանցից: Ուստի կանական պետութեան եկամուտների գլխաւոր աղբիւրն էլ կազմում է աղքատի լղար քսակը: Հասկանալի է, որ այդ բանը նրանից է առաջ գալիս, որ ստիկանական պետութեան մէջ հարուստները մօտ են կանգնած իշխանութեանը և բաւականաչափ զօրեղ են՝ հարկերի ամբողջ ծանրութիւնը խեղճ աշխատաւորների վրայ գլուխուուր համար:

Այս բանը գոյութիւն չունի իրաւական պետութեան մէջ: Այստեղ եկամուտի գլխաւոր աղբիւր են ոչ թէ անուղղակի հարկերը՝ ժողովը գական մասսաների գործածութեան պիտոյքներից վերցնեող, այլ ուղղակի հարկերը՝ որոնք ծանրանում են նրանց վրայ, որոնցից վերցնվում են այդ հարկերը: Նրանց մէջ էլ առաջին աեղը բանում է եկամուտային հարկը: Այսպէս՝ Անդիայում ամենն մի քաղաքացի վճարում է 8—20 կոպէկ հարկ իւրաքանչիւր 10 ըուբլու համար, ըստ որում հարկի չափն էլ աճում է եկամուտի մեծանալու հետ: Ով տարէնը 1000 ըուբլուց զակաս եկամուտ ունի, նա ազատում է և հարկից: Մօտաւորապէս այդպէս է սահմանած եկամը տային հարկը նաև իտալիայում և Գերմանիայում: Բազմանդամ ընտանիք ունեցողները վճա-

րում են այստեղ աւելի քիչ հարկ, քան սակաւանդամ ընտանիքաւորները:

Նշանակում է ուրեմն, որ իրաւական պետքեան մէջ իրեն հիմնական հարկ հանդիսանում է եկամտային հարկը, որն և աճում է համաձայն եկամտի աճման՝ ամենտչքաւորներն էլ ազաւում են հարկաւութիւնից: Այսպիսով իրաւական պետքեան մէջ չբաւոր մարդիկ աշխատում են հարկաւութեան լուծը դնել հարուստների վզին, որոնք և պարտաւոր են իրենց ուսերի վրայ կրել այդ ծանրութիւնը, որովհետեւ ամենից շատ միջոցներ նրանք ունեն:

Միւս կողմից՝ իրաւական պետքեան մէջ ընդունւած է այսպէս կոչւած յատուկ հարկ, հարկաւութեան են ենթարկւում այն մարդիկ, որոնք առանձին շահ ունեն որևէ հանրօգուտ ձեռնարկութիւնների վրայ արւող ծախսերից: Օրինակ՝ քաղաքային խորհուրդը փողոցները լաւ սալայատակում է, ծառել է տնկում, էլեքտրական լուսավառութիւն է սկսում, մի խօսքով անպէտք փողոցը լաւացնում է, որից և այդ փողոցի վրայ գտնւող տների բնակարանները թանգանում են և աճում է տնատէրերի եկամուտը: Վերջիններս ուրեմն առանձին շահ սահցան վերոյիշեալ հանրօգուտ ձեռնարկութիւնից, զբա համար էլ արդարացի է նրանց վրայ յատուկ հարկ դնել, որպէսզի փողոցի բարեկարգու-

թեան համար ծախսած փողերի գոնէ մի մասը յետ ստացւի: Որովհետեւ քաղաքային խորհրդի եկամուտներն էլ գոյանում են բոլոր քաղաքացիների կողմից վճարւող հարկերից, այդ պատճառով էլ մասնակի կամ յատուկ հարկաւութիւնը նարաւորութեան է տալիս խեղճերին դարձեալ հարկաւութեան բեռը իրենց նիჩար ուսերի վրայից հարուստների ուսի վրայ գնել: Յատուկ հարկաւութիւնից շահ ունեն գլխաւորապէս քաղաքի բանւորները:

Ժողովրդական ներկայացուցիչները հաստատելով պետական եկամուտների ցուցակը, ամենաճշգրիտ կերպով որոշում են նաև, թէ ինչ բանի վրայ պիտի ծախսւի ժողովրդական փողերի ամեն մի գրոշը, Փինանսների մինիստրն էլ իրաւունք չունի նախահաշւից մի քայլ իսկ շեղւելու: Այդ բանին հետևում է ժողովրդից յատուկ ընտրւած պետական վերահսկիչը: Վերահսկողութիւնը լինում է երկու կերպ: Մինիստրին փող տալուց առաջ պետական վերահսկիչը ստուգում է, թէ յիրաւի մինիստրը իրաւունք ունի այդ ծախսն անելու. այդ անելուց յետոյ միայն նա տալիս է նրան փողը: Սա է նախնական վերահսկողութիւն: Դրանից յետոյ էլ մինիստրը պարտաւոր է նրան ներկայացնել հաստատղ փաստաթղթեր, թէ նա յիրաւի ծախսել է փողերը ժողովրդական ներկայացուցիչների կողմից

հաստատած բաների վրայ։ Առ է յետագայ վերա-  
հսկողութիւն։

Աճող եկամտային հարկ, յատուկ հարկանա-  
նութիւն և խկական վերահսկողութիւն պետա-  
կան բոլոր ծախսերի վրայ, — ահա իրաւական  
պետութեան կառավարչական անտեսութեան  
առանձնայտկութիւնները։

### 18. ՏԵՂԱԿԱՆ ԻՆՔՆԱՎԱՐՈՒԹԻՒՆ

Բացի համաժողովրդական և համագետական  
կարիքներից, որոնք յատուկ են բոլոր քաղաքա-  
ցիներին, պետութեան իրաքանչիւր մասի բնա-  
կիչներ ունեն իրենց տեղական կարիքները, ո-  
րոնք ամենից լաւ կերպով բաւարարութիւն կը-  
ստանան տեղական ոյժերով և միջոցներով։ Եթէ  
ներկայացուցչական բարձրագոյն իշխանութեան  
ձեռքում կենարոնանայ քաղաքացիների առեն  
տեսակ պահանջներին գոհացում տալը, այդ գէպ-  
քում ժողովրդական ներկայացուցչները կը ծան-  
րարենւեն այնչափ շատ անկարեսը, զուտ տե-  
ղական գործերով, որ ժամանակ էլ չեն ունենայ  
վճռելու համապետական կարիքներ և հնգսեր։  
Ապա՝ ժողովրդական ներկայացուցչները չափա-  
գանց հեռու են գանւում առանձին վայրերից,  
և չեն կարող տեղական կարիքները և հարցերը

այնոյէս հասկանալ, ինչպէս տեղացի մարդիկ։  
Ամեն մի քաղաքաբնակ անձն աւելի լաւ է ծա-  
նօթ իր քաղաքի կարիքներին, քան մայրաքա-  
ղաքում ազգող ժողովրդական ներկայացուցիչը։  
Նմանապէս ամեն մի գիւղացի տեսի լաւ է ի-  
մանում իր գիւղի, դիւղաշրջանի, գաւառի և  
նահանգի կարիքները։

Այս պատճառով անկարելի է ամբողջ ժողո-  
վրդի կեսնիքը կառավարել մէկ վայրեց, մէկ  
կառավարութեան ձեռքով։ Մի խօսքով՝ բացի  
համապետական կառավարութիւնից անհրաժեշտ  
է նաև տեղական ինքնավարութիւն։ Եւ յիշաւի,  
սովոր երկրներում էլ կան զեմստուծներ և քա-  
ղաքներ՝ իրրե տեղական ինքնավարութեան օր-  
դաններ։ Ժողովրդական ներկայացուցիչները քա-  
ղաքների զեմստուծների իրաւասութիւննց հա-  
նում են իրենց ենթակայ գործերի մի որոշ շըր-  
ջան և ապա նրանց են վերապահում կատարեալ  
ինքնուրուցնութիւն՝ տեղական գործերը վճռելու  
և տեղական կարիքներին գոհացում տալու համար։  
Եթէ այդ կարիքներին տեղական միջոցները գոհա-  
ցում չառն՝ այդ գէպքում ժողովրդական ներկա-  
յացուցչները պետական գանձարանից են օգնում  
տեղական ինքնավարութեան մարմիններին։

Իրաւական պետութեան մէջ քաղաքային  
խորհուրդները և զեմսկի ժողովները նման ապէս  
ներկայացուցչական հիմնարկութիւններ են։ Ամե-

նից լաւը այն է, որ իրաւասուներն էլ ընտրւեն ընդհանուր, հաւասար, ուղղակի, գաղտնի և համեմատական (պրոպրցիոնալ) ձայնուութեամբ։ Կարևոր է, որ թէ քաղաքները և թէ զեմսաւոները գոհացում տան ամենից առաջ ժողովրդական կարիքներին։ Քաղաքի բնակիչների մեծամասնութիւնը, ի հարկէ, բանուրներ են, զաւաներում էլ՝ զիւղացիներ։ Աւրեմն, թէ բանտըները և թէ զիւղացիները պէտք է ապահովեն իրենց համար։ Ներկայացուցիչների մեծամասնութիւնը ոչ միայն ազգային բարձրագոյն ժողովում, այլ նաև զեմսաւօներում և քաղաքային խորհուրդներում։ Քաղաքի և զեմսաւօյի եկամուաների գլխաւոր ազթիւրն են կազմում հողից, տներից, գործարաններից, զաւոդներից և առևտրական ձեռնարկութիւններից վերցնուող տեղական հարկերը, իսկ նորագոյն ժամանակում՝ նաև հանրօգուտ ձեռնարկութիւններից առանձին օգուտ ունեցող մարդկանցից վերցնող հարկը, որի մասին վերև խօսք եղաւ։

Տեղական ներկայացուցչութիւնը կազմում է մի լաւ լրացուցիչ մասն համաժողովրդական ներկայացուցչութեան։

### 19. ԺՈՂՈՎՐԴԱԿԱՆ ԼՈՒՌԱԿՈՐՈՒԹԻՒՆ

Իրաւական պետութեան մէջ ժողովրդական լուսաւորութիւնը ներկայացուցիչների և կառավարութեան զիսաւոր հոգմն են կազմում։ Այդ բանի վրայ ծախսում են շատ միջոցներ։ Կառավարութիւնը հսկում է բարձրագոյն ուսումնական հաստատութիւնների վրայ, լինեն նրանք հանրակրթական, թէ մամնագիտական։ Միջնակարգ գպրոցական հաստատութիւնները և ժողովրդական ստորին զպրոցները գտնում են զեմսաւուների և քաղաքների ձեռքում։ Կառավարութիւնը միայն օդնում է տեղական ինքնավարութեան մարմիններին՝ այդ ուսումնարանները պահելու համար։

Իրաւական պետութեան մէջ բոլոր բնակիչները գրագէտ են, որովհետև ստորին ժողովրդական ուսումնարդիք է ամենքի համար, — իւրաքանչիւր երեխայ 7—14 տարեկան հասակը պարտաւոր է ուսումնարան երթալ սովորելու։ Երեխաներին սովորել խանգարող կամ դպրոց յաճախել արգելող ծնողները գատարանով պատժի են ենթարկում։ Ստորին ժողովրդական ուսումը իրաւական պետութեան մէջ ձբի է։ Այս հանգամանքը հնարաւորութիւն է տալիս բոլոր չքառոր ծնողներին կտարելու պարտագիր ուսման օրէնքը։ Մի քանի իրաւական պետութիւն-

ներում բացի դրանից, երեխաները ձրիաբար ստանում են ուսումնարանում տաք կերակուր և բոլոր անհրաժեշտ ուսումնական պիտույքները: Ծնորհիւ ընդհանուր, պարագրիր և ձրի ուսուցման՝ ժողովուրդը արագօրէն ստվորում է կարդալ օգտակար զրքեր, հետաքրքրում է իր երկրի հոգեսր և քաղաքական կեանքով, գիտակցորէն է վերաբերում իր և ուրիշների իրաւունքներին և պարտականութիւններին: Իրաւական պետութեան մէջ, շնորհիւ ժողովոդական կըրթութեան լայն տարածման, քիչ կան դատարկապորտ և հարբեցող մարդիկ, սակաւ, են պատահում ամենատեսակ յանցագործութիւններ, մարդկանց՝ իրար հետ ունեցած յարաբերութեան մէջ քիչ կայ կոսպութիւն և անտաշութիւն, քան ուստիկան պետութեան մէջ: Աչ ոք թոյլ չի տայ, որ իրեն վիրաւորեն, զրա հետ նաև իրաքանչիւր ոք մեծ յարգանքով է վերաբերում ուրիշ մարդու անձնաւորութեանը: Յատկապէս կարեսր է իրաւական պետութեան մէջ ուսման հանրամատչելիութիւնը հասարակ, աշխատաւոր մարդկանց հոմար, որովհետև դիտութիւնը և միութիւնը դրանք միակ ոյժերն են, որոնց օգնութեամբ աշխատաւոր դասակարգը կուել կարող է լաւագոյն ապագայի համար՝ կալածատէրերի և արդիւնաբերողների բանակը կազմող իր զօրաւոր հակառակորդների հետ:

Դիտութիւնը, — միայն նա կարող է հասկացնել ուշխատաւորին, թէ ում հետ, թէ ինչն, բնչութիւնը և թէ ինչ բանի համար պէտք է կուել: Աստիկանական պետութեան կառավարութիւնը տգէտ և խաւոր ժողովրդի ականջից բռնած տարել է, ուր քէփն ուզել է, ժողովուրդն էլ կարծել է, թէ կառավարութիւնը իր բարերարն է: Խոկ իրաւական պետութեան մէջ ամեն մէկը հասկանում է, որ միայն այն կառավարութիւնն է լաւ, որը պատասխանատու է ժողովրդի առաջ հաշիւ է տալիս նրան: Աւ այս բանը հասկանալ է տալիս՝ ժողովրդական լուսաւորութիւնը:

Ծնդհանուր և պարտադիր ուսումը 7-ից մինչև 14 տարեկան հասակը՝ ունի և մի ուրիշ լաւ կողմ. շնորհիւ այդ օրէնքի՝ ծնողները հնարաւորութիւն չունեն այդ ժամանակամիջոցում իրենց երեխաներին գործարաններ և գաւողներ ուղարկելու: Այդպիսով երեխայի մարմանական ոյժերը չեն ջլաւում հէնց ամենաքնքոյց հասակում, երբ մարդու կազմւածքը դեռ չէ ամրապնդւած: Եւ թէսէտ ծնողները յանուի իրենց երեխաներին ուժաւագու անող աշխատանքներ են անել տալիս ոչ թէ անզթութիւնից, այլ դառն կարիքից ստիպւած, բայց յամենայն դէպս այս օրէնքը օրհնաբեր է նաև ծնողների համար, որովհետեւ, երբ հնարաւորութիւն չկայ չափահան մարդու փոխարէն երեխայի աշխատանքից օգտա-

ւելու, այդ բանը մեծացնում է նաև մեծերի աշխատանքի քանակը ու աշխատավարձն էլ բարձրանում է։ Մի խօսքով՝ ծնողներն իրենք են սկսում աւելի աշխատավարձ ստանալ. իսկ այդ աւելի լաւ է, քան կարիքը լրացնել երեխայի աշխատանքով։

Այսպէս ուրեմն, իրաւական պետութեան մէջ ամենքը գրագէտ են, այստեղ կայ ընդհանուր, պարապիր և ձրի ժողովրդական ստորին դպրոց։ Այդ դպրոցում թագաւորում է ուսուցման ազատութիւն։ ոչ թէ կառավարութիւնն է ցոյց տալիս ուսուցիչներին, թէ ինչպէս պէտք է սովորեցնել երեխաներին, այլ իրենք ուսուցիչներն են մշակում երեխաների ուսման և դաստիարակութեան ծրագիր։ Ուսուցման այս ազատութիւնն էլ ունենում է ամենալաւ հետևանքները. ուսուցիչ են դառնում այն մարդիկ, որոնք աճող տերունքը դաստիարակելու կոչնում են զգում իրենց մէջ, և ոչ թէ շինուալիկները, ինչպէս՝ ոստիկանական պետութեան մէջ։

## 20. ԱԶԳԱՅԻՆ ՀԱՐՑԸ ԻՐԱՒԱԿԱՆ ՊԵՏԱԿԹՆԱՆ Մէջ

Ժամանակակից պետութիւններից շատերը կազմւել են նւաճումների ճանապարհով. համե-

մատաբար աւելի զօրեղ մի ժողովուրդ տիրում է ուրիշներին և նրանց երկիրը իր պետութեանը միացնում։ Յաղթւած ժողովուրդները ստիպւած են լինում հպատակւել. սակայն նրանց մէջ միշտ էլ կենդանի է մնում յիշողութիւնը այն ժամանակայ մասին, երբ նրանք ինքնուրոյն և անկախ են եղել։ Այս յաղթւած ժողովուրդները զանազանում են յաղթող ժողովրդից թէ լեզուվ և թէ կրօնով։ Ոստիկանական պետութեան մէջ յաղթող-ժողովրդի կառավարութիւնը միշտ աշխատել է ամեն տեսակ հալածանքների և բռնութեան միջոցով ստիպել յաղթւած ժողովրդներին՝ փոխել իրենց կրօնը և լեզուն։ Իսկ այդ ամեն տեղ սնկարելի է եղել, որովհետև ամեն մի ժողովուրդ հաստատ է մնում իր հաւատին և մայրենի լեզվին։

Իրաւական պետութեան մէջ ժողովրդական ներկայացուցիչները հասկացել են այդ բանը, այդ պատճառով էլ նրանք հրաժարւում են որևէ կերպ բռնութեան դիմելուց՝ այլակրօններին իշխող կրօնի հետևող դարձնելու և օտար լեզուներն էլ իշխող լեզով փոխարինելու մտքից։ Իրաւական պետութեան մէջ այլազգիների համար զայութիւն չունի ոչ մի տեսակ սահմանափակում։ Իւրաքանչիւր քաղաքացի, ինչ ազգի ուղում է պատկանի, — լեհ, հրեայ, գերմանացի, հայ, սկամորթ նեղը և այն, — բոլորն էլ ունեն

նոյն իրաւունքները և նոյն պարտականութիւնները, ինչ որ երկրում իշխող ազգութեան քաղաքացիները, իրաւուկան պետութեան մէջ ու մենքը լաւ հասկանում են, որ իւրաքանչիւր ու ամենից առաջ այնպիսի մարդ է, ինչպէս միւսները, և ապա թէ միայն նա ուարերեւում է միւսներից որիէ բաննվ: Եթէ մէկը մի պետութեան քաղաքացի է, ապա ուրեմն նա միւսների հետ հաւասար չափով պիտի օգտուի մարդկանց պետական համախմբութիւնից:

Պէտք է յիշել նաև այն, որ բոլոր այն փորձերը, որոնք նպատակ ունեն բռնի միջոցով արժանախիլ անելու մի ժողովուրդ, հասցնում են միայն ազգերի փոխադարձ երկարակութեան և միանգամայն անհնարին են գարձնում ժողովրդի համար մի գործ կատարել: Օքնակի համար վերցնենք այժմեան Աստրօ-Ռևուրիան: Անտեղ կուռում են գերմանացիները ու աւստրիացիների դէմ, ունգարացիները լեհների դէմ, ռուսիները մէկի և միւսի դէմ: Գերմանացիները ուզում են ամենքին գերմանացի գարձնել, ունգարացիները ուզում են ամենքին ունգարացի գարձնել: Ամեն մի ժողովրդի ներկայացուցիչներն ել փախանակ գլուղացիների և բանւորների համաց օգտակած օրէնքները հրատարակելու, պայքար են մզում իրար դէմ: Իշխանութիւնը ձեռք բերելու համար Թագաւորը օգտառում է ազգերի այս գժառութիւ-

նից և ձգտում է ժողովրդական ներկայացուցչութեամբ սահմանափակւում իր իշխանութիւնը ամրապնդել մինխոտքների միջոցով նպաստելով այդ գժառ թիւններին:

Այս, թէ ինչ բանի է հասցնում մի ժողովրդի միւսներ արմատախիլ անելու ձգտումը: Միտյն ոյ ելը կայ ոյդ բանից—բաժանուել, մաս-մաս լինել: Թող ամեն մի ժողովուրդ, որը համարում է իրոն ճնշւած, հիմէ ինքնուրոյն և անկախ պետութիւն, ինչպէս որ այդ արխնորւէգացիները, բաժանելով շւեկացիներից: Աւատքո-Անգարիան էլ անշոշակած կրածանի Աւատրիայի և Աւագարիայի, զուցէ և մի շարք մանր պետութիւնների: Իսկ այն երկիրներում, ուր ազգութիւնները իրար հետ ապրում են բոլորովին խառը, այդ գէպքում բանը այնքան էլ հեշտ չէ: Սյդ գէպքում հարկաւոր է, որ ամենքը, անկախ իրենց ազգութիւնից, ունենան նոյն իրաւունքները՝ որքի բաղադրցիները Ազգութիւնների այսախի հաւատարութիւնն զոյւթիւն ունի իրաւուկան պետութիւններում: Եւ որովհետեւ ժողովրդական ներկայացուցիչները ոչ մի շահ չունեն, մի ժողովուրդ միւսի դէմ զրգուելու մէջ, ինչպէս որ անում է սատիկանական պետութեան կառավորութիւնը, այդ պատճառով էլ զանազան ազգութիւններ խաղաղ կերպով ապրում են կողք-կողքի: «Բաժանից բոլորին, որ ափրես»,

առում էին դեռ հոռվմէական կայսրները, և ուրիշ թագաւորներ էլ միայն նմանւել են նրանց այդ բանում: «Քաղաքացիներ, միացէք իրար նետ առանց կրօնի. և ազգի խարութեան», — ահա նոր ժամանակի պահանջը, որովհետև քաղաքացիների միութիւնը զօրութիւն է, որ ապահովում է պետութեան մէջ հաստատուն խաղաղութիւն և կարգ ու կանոն, հիմնւած ամենքի հաւասարութեան՝ օրէնքի առաջ:

Այսպէս ուրեմն, ազգութիւնների հաւասարութիւնը նաև հանդիսանում է իրքեւ մէկը իրաւական պետութեան սիններից:

## 21. ՊՄՁ ԵՒ ԲՈՐԴ ԳԵՑՈՒԹԻՒՆՆԵՐ. ՕՐԻՆԱԿԱԿԱՆ ԵՐԿՐՈՒԹՅՈՒՆ ՊԱԼՈՍՏՆԵՐ

Պատահում է, որ մի պետութեան մէջ ընակւում է միայն մի ազգի ժողովուրդ: Դա պարզ պետութիւն է, և նա ունենում է մէկ ներկայացուցչական ժողով: Երբեմն էլ պետութիւնը բաղկացած է լինում մի քանի աղքութիւններից: Այս գէպքում, իւրաքանչիւր ազգութիւն կազմում է առանձին պետութիւն, իսկ նրանք բոլորը միասին կազմում են դաշնակցական պետութիւն: Օրինակ՝ Շւէյցարիայի հասարակապետութիւնը բաղկացած է առանձին-առանձին կազմում է առանձին պետութիւն:

առններից — (պետութիւններից) — ֆրանսիական, գերմանական և իտալական: Իւրաքանչիւր կանանոն ունի իր ներկայացուցչական պալատը՝ կանանի պետական գործերը վճռելու համար. իսկ բոլոր կանաններն էլ միասին բացի այդ ունեն մի ընդհանուր ներկայացուցչական պալատ՝ ամբողջ գաղնակցութեան՝ բոլոր պետութիւնների համար կարեւոր համարւող գործերը վճռելու համար:

Այս կարգը անխուսափելի է, երբ մի քանի ինքնուրոյն պետութիւններ միանում և կազմում են մի ամբողջութիւն:

Սակայն մի քանի պարզ պետութիւններում էլ, ինչպէս են օրինակ Ֆրանսիան և Անգլիան, գոյութիւն ունեն ժողովրդական ներկայացուցչական երկերկու պալատ. Անգլիայում՝ վերին (լորդերի) և ստորին (համայնքների) պալատներ, իսկ Ֆրանսիայում՝ գեպուտատների պալատ և անսատ: Ինչու համար այդ երկրներում էլ գոյութիւն ունեն երկերկու պալատներ, թէ և զբակարիքը ամեննեխն չկայ: Մենք կհասկանանք բանը, եթէ տեսնենք, թէ վերին կամ լորդների պալատը Անգլիայում ինչ մարդկանցից է բաղկացած:

Ո՞վեր են այդ լորդերը. — խոշոր կալւածատէրեր: Դարձեալ նվիրեր են անգամ լորդերի պալատի. — եպիսկոպոսները, հոգեորականութեան ներկայացուցիչները: Այս նշանակում է, որ այդ

հաստատութիւնը այն երկու դասակարգերի ներկայացուցիչների պալատն է, որոնք իրենց ձեռքում էին կենտրոնացրել իշխանութիւնը դեռ ոստիկանական պետութեան մէջ:

Անգլիայի հասարակ ժողովրդի համար, նաև ուրիշ երկիրներում, ուր գոյութիւն ունի երկրորդ պալատ, նա հանդիսանում է իրքն մի ոչ ցանկալի հաստատութիւն, որովհետև երկրորդ պալատի ընտրութիւնները այնչափ սահմանափակումների մէջ են դրւած, որ գիւղացիներին և բանւորներին չէ յաջողւում անցկացնել այնաեղ իրենց ներկայացուցիչներին։ Բացի դրանից, այս երկրորդ պալատը, որը Պրուսիայում լաւ բնորոշւելով (ոտէրերի) պալատէ կոչւում, սահմանած է այն բանի համար, որ ամեն կերպ դժւարացնի ստորին պալատում յօդուտ աշխատաւոր ժողովրդի օրէնքներ, հրատարակելը։ Երկրորդ, տիրական պալատը, ուր մտնում են միայն հարուստ և բարձրաստիճան մարդիկ, հէնց սրանց ձեռքով էլ ստեղծւել է այն բանի համար, որ թուլացնի առաջին պալատի նշանակութիւնը, որը բաղկանում է ժողովրդի բոլոր դասակարգերի ներկայացուցիչներից՝ ընարւած ընդհանուր, զաղտնի, ուղղակի և հաւասար ձայնաւութեամբ։ Մի խօսքնի երկրորդ պալատը ամեն տեղ էլ վնասակար է և աւելորդ, ժողովրդական կարիքները ուղղութեամբ ամեն կերպ կանդնեցրել են ժողովրդական պաշտպանները ամեն կերպ կանդնեցրել են ժողովրդական կամաց համար ամեն

տեղ աւելի նպատակայարմար է համարւել մէկ պալատ միայն, մանաւանդ երբ ընդհանուր, հաւասար, ուղղակի և զաղտնի ձայնաւութեան հետ լինեն նաև համեմատական (պրոպրցիոնալ) ընտրութիւններ, այսինքն՝ ազգաբնակութեան թէ մեծամասնութեան և թէ փոքրամասնութեան կողմից։

## 22. ՔԱՂԱՔԱԿԱՆ ԿՈՒՍԱԿՑՈՒԹԻՒՆՆԵՐ

Այս անգամ, երբ մի երկրում մտցրւել է ժողովրդական ներկայացուցչութիւն, սատիկանական պետութեան պաշտպանները — որից օգտւել են զիսաւորապէս կալածատէրերի, չինովնիկների, հոգևորականների և Շառևորա-արդիւնաբերազների դասակարգերը, — սովորաբար հակառակ են եղել ժողովրդական ներկայացուցչութեանը, յենւելով ժողովրդի տգիտութեան վրայ։ «Ի՞նչպէս կարող է պետութիւն կասավարել խաւար գիւղացին կամ տէկտ բանւորը» — բացականչել են նրանք. ախր ինչ են հասկանում նրանք պետութեան գործերից. միթէ կարող են այդ մարդիկ իրենց համար ներկայացուցիչ ընտրել։ Միւս կողմից էլ ոստիկանական պետութեան այս պաշտպանները ամեն կերպ կանդնեցրել են ժողովրդական կրթութեան գործը և դրա-

նոր դատապարտել ժողովուրդը յաւելանական  
տգիտութեանն

Ակների բան է, որ այս պայմաններում  
ժողովուրդը երբէք չէր կարող ձեռք բերել կա-  
ռավարութեան ներկայացուցչական եղանակ, ե-  
թէ նա հին կարգերին կոխւ չյայտարարէք, ո-  
րից դուրս եկաւ իրեր յաղթող: Եւ ահա, չնա-  
յած իր տգիտութեան, ժողովուրդը ոչ միայն  
ոյժով ստիպեց ճանաչել իր՝ իրեր ժարդու և  
քաղաքացու իրաւունքները, այլ նաև յաջողու-  
թեամբ լուծեց իր մասնակցութեան հարցը պե-  
տութիւնը կառավարելում: Ի՞նչպէս եղաւ այս  
բանը: Ի՞նչպէս կարող է զիւղացին իր արօրից  
կամ բանւորը իր գաղգահից բաժանւել և պե-  
տական գործերով զբաղւել սկսել:

Բանն այն է, որ ժողովրդի տգիտութեան  
վրայ ուշադրութիւն դարձնողները, որոնք այդ  
համարում էին արգելափթ հանգամանք ժողո-  
վրդական ներկայացուցչութիւն մտցնելու համար,  
մոռանում էին, որ երկրում գոյութիւն ունեն  
քաղաքական կուսակցութիւններ, որոնք պաշտ-  
պանում են ժողովրդական շահերը: Գիւղացին  
կարիք չունի բնաւ թողնելու իր արօրը, կամ  
բանւորը իր գաղգահը՝ ներկայացուցչական ժո-  
ղովը երթաւու և այնտեղ բազմելու համար: Թէ  
զիւղացին և թէ բանւորը գոհ կլինեն, իրենց շա-  
հերը ապահովելու համար, որ իրենց իր ներ-

կայացուցիչ ընտրեն պիւղացիական կամ բանւո-  
րական կուսակցութեան մի անդամի: այդ գէպ-  
քում նրանց շահերը կպաշտպանեն այնչափ լաւ,  
որչափ որ եթէ նրանք իրենք պալատի անդամ  
լինէին: Ճիշտ է, զիւղացիները և բանւորները  
երբեմն, տգիտութեան շնորհիւ, ընտրել են իրենց  
ներկայացուցիչ կաւածատիրոջ կամ գործարանա-  
տիրոջ, բայց դառը փորձը կարձ ժամանակում  
ցոյց աւաւ նրանց, թէ որչափ վտանգաւոր բան  
է սեփական գործերի համար միջնորդ ունենալ  
հակընդդէմ շահեր ունեցող մի մարզու: Մի քա-  
նի անգամ, տգիտութեան շնորհիւ, այս սխան  
անելով, զիւղացիները և բանւորները սկսեցին  
իրենց համար ներկայացուցիչ ընտրել միմիայն  
ժողովրդական քաղաքական կուսակցութիւննե-  
րից: Եւ եթէ նոյնիսկ ընդունենք, որ անզար-  
գացած զիւղացու կամ բանւորի համար դժւար  
է կամ միանգամայն անհնար՝ լաւ պաշտպանելու  
իր շահերը ներկայացուցչական ժողովում, ապա  
զիւղացիական կամ բանւորական կուսակցու-  
թեան կրթւած անդամի համար դժւար չէ կա-  
ռավարել երկիրը կամ իրեն ընտրողների շահերը  
պաշտպանել:

Յամենայն գէպս մի բան անկասկած է: —  
իրաւական պետութիւն ձեռք բերած բոլոր ժո-  
ղովուրդների փորձը ցոյց է տալիս, որ չուսա-  
ւորւած բանւորութեան և զիւղացիութեան կող-

մից իրըն ժողովրդական ներկայացուցիչ ընտրած և որոշ քաղաքական կուսակցութիւնների պատկանող անդամներն աւելի ընդունակ են եղել պետութիւնը կառավարելում, քան սստիկանական պետութեան շինովնիկները։ Եւ հէնց սստիկանական պետութեան պաշտպանները իրենք, որոնք գէմ են եղել ներկայացուցչութեան՝ ժողովրդի տգիտութիւնը պատճառ թերիով, իրենք իրենց շեն հաւատացել և ժողովրդի աշքին միայն թող են փշել։ Այս բանը պարզ երեւած է հէնց նրանից, որ ամենուրենք, ուր իշխանութիւնը նրանց ձեռքամ է եղել, շեն տւել ժողովրդին ոչ ընդհանուր, ուղղակի, հաւատար և գաղտնի ընտրական իրաւունք, ոչ ել համեմատական ընտրութիւններ, ժողովրդի վիճն էլ փաթաթել են «աէքերի» երկրորդ պարա:

Պարզ է, «որ ժողովրդի տգիտութեան երկիւը չէ եղել պատճառ, որ նրանց կնիւ է մղել տւել կառավարութեան ներկայացուցչական եղանակի գէմ և ամեն կերպ սահմանափակել տւել ժողովրդի շուստուրեած մասի ընտրունների թիւը, — այլ այն երկիւը, որ իրենք ժողովրդական ներկայացուցչութեան կանոնառ կազմի մէջ չկորցնեն այն բոլոր արտօնութիւնները, որոնցով օգտւել են սստիկանական պետութեան մէջ։ Նրանց կողմից արւող միւս առարկութիւնն է եղել. «Տգէտ ընտրուններին հեշտ է կաշառել

կամ երկիւղ տալ», — այս են ասել սստիկանական պետութեան պաշտպանները։ Էապէս սա ճիշտ է. բայց երկիւղի դէմ միջոց կայ, այն է՝ զաղանի ընտրութիւններ։ Ինչ վերաբերում է կաշառելուն, այն պիտի ասել, թէ ով է եղել երբեկցէ ընտրուններին կաշառողը, եթէ ոչ հէնց այն հարուստ մարդիկ, որոնց ձեռքին է գտնւել սստիկանական պետութեան կառավարութիւնը։ Իւրաքանչիւր պետութեան մէջ ապրող շինովնիկները, կալւածատէրերը, վաճառականները և արդիւնաբերողները կազմել են ազգաբնակութեան փոքրամասնութիւնը. և երբ մտցրւել է ժողովրդական ներկայացուցչութիւն, նրան սկըսել են կաշառել նաև ընտրուններին, — միայն թէ ժողովրդական ներկայացուցչների մեծամասնութիւնը իրենց կողմը լինի։ Բայց, ինչպէս ցոյց է տալիս զարձեալ փորձը, սստիկանական պետութեան պաշտպաններին շատ էլ չի յաջողութեամ կաշառելը, որովհետև ուր կայ մամուլի ազատութիւն, այնտեղ էլ զժւար է հասարակութիւնից բան ծածկել։ Իրաւական պետութեան մէջ կաշառելու փորձերը կաշառողներից շատ շուտով զատապարտեաների նստարանի մօտ են քաշ տալիս։

Մենք գիտենք այժմ, թէ ինչ դեր են խաղում քաղաքական կուսակցութիւնները ընտրութիւնների ժամանակի. Իսկ ընդհանրապէս ինչ են

ներկալայնում այդ կուսակցութիւնները, ի՞նչ-պէս են կազմակերպւում. ի՞նչ մարդկանցից են բաղկացած լինում, նաև՝ ի՞նչ քաղաքական կուսակցութիւններ գոյութիւն ունեն:

Եւրոպական «պոլիտիկա» բառը նշանակում է՝ պետութիւնը կառավարելու արևոտ: Իւրաքանչիւր պետութեան մէջ գոյութիւն ունեն ազգաբնակութեան տարբեր դասակարգեր, յաճախ հակընդդէմ շահերով: Այսպէս՝ գիւղացիների շահերը հակառակ են կալածատէրերի շահերին, բանւորների շահերը հակառակ են գործարանատէրերի շահերին, գործակատարների շահերը հակառակ են վաճառականների շահերին: Հոգեռորականութիւնը ունի իր շահերը, չինովնիկները՝ իրենց:

Ժողովրդի մեծամասնութիւնը կազմող չքառոր մարդկանց շահերը հակառակ են ունեորների շահերին, որոնք ժողովրդի փոքրամասնութիւնն են կազմում, որովհետև ունեորները ապրում են չունեօրների աշխատանքի հաշվին: Առանձին անհատները ոյժ չունեն իրենց շահերի համար կըռւելու. այդ պատճառով էլ միատեսակ հասարակական դիրք ունեցող բոլոր մարդիկ, որոնք ունեն եկամուտի նոյնատեսակ աղբիւր, դրանք բոլորը միացնում են իրենց ցրւած ոյժերը՝ գոյութեան կոիւր ընդհանուր ոյժերով առաջ տանելու համար:

Այսպէս են ծագում մարդկային ընկերակցութիւնները՝ տնտեսական շահերը պաշտպանելու համար: Եթէ այդպիսի մի, ասենք բանւորական, միութիւն չէ սահմանափակում իր գործունէութիւնը միայն տնտեսական կուով, այլ ձգտում է նաև որոշ մասնակցութիւն ունենալու պետութեան կառավարութեան մէջ, այդ դէպքում այդ միութիւնը գառնում է քաղաքական: Ամբողջ երկրում գոյութիւն ունեցող առանձինառանձին քաղաքական ընկերակցութիւնները և միութիւնները կարող են կապ հաստաել իրարհետ, միատեսակ պահանջներ դնել և միատեսակ միջոցներով կռւել այդ պահանջների համար: Այս դէպքում ահա կլինի կազմակերպւած բաղաքական կուսակցութիւն, այսինքն՝ ընդհանուր կարիքներ, այդ կարիքներն առաջ բերող պատճառների մասին միատեսակ հասկացողութիւն ունեցող և այդ կարիքների դէմ կռւելու համար միատեսակ միջոցներով զեկավարող մարդկանց միութիւն:

Իւրաքանչիւր քաղաքական կուսակցութիւն ունի իր ծրագրով, այսինքն այն նպատակների ամբողջութիւնը, որոնց նա ձգտում է: Իւրաքանչիւր քաղաքական կուսակցութիւն ունի իր տակտիկան կամ գործելակերպը, այսինքն գոյութեան կուի համար մշակւած միջոցներ և ձեեր, որոնցով առաջնորդում է կուսակցութիւնը:

Կուսակցութեան անդամ դառնալ կարող է դատարանով չարատաւորւած ամեն մի քաղաքացի, որ համաձայն է նրա ծրագրին և տակտիկային։ Այս է պատճառը ահա, որ ժողովրդական շահերը պաշտպանող բոլոր կուսակցութիւնների մէջ մենք տեսնում ենք ոչ միայն գիւղացիներ և բանւորներ, այլ նաև շատ կրթւած մարդիկ՝ հասարակութեան ուրիշ դասակարգերից։ Այս մարդիկ իրենց գիւղութեամբ և ժողովրդի համար ունեցած անձնւիրութեամբ շատ են օգնում վերջինս իր շահերը պաշտպանելու համար։ Ճիշտ է, ժողովրդական ներկայացուցիչների թւում երբեմն լինում են նաև անմիջապէս գութանի կամ դազգեանի մօտից եկած մարդիկ. այսպիսի մէկն էր, օրինակ, Գերմանիայի բանւորական կուսակցութեան անդամ, ժողովրդական ներկայացուցիչ Աւգուստ Բերելը, որ առաջ եղել էր մի հասարակ ջուհակ, իսկ յետոյ՝ Գերմանիայի ամենալաւ հոեաորը և գերմանացի բանւորների ղեկավարը։ Սակայն այդպիսի դէպքեր, դժբախտաբար, մինչև օրս շատ սակաւ են եղել. դըժւար է բանւորի և կամ գիւղացու համար չնշին աշխատավարձով ձեռք բերել կարևոր կրթութիւն, մանաւանդ որ նա թիչ ժամանակ ունի այդ բանի համար՝ երկարատև բանւորական օրւայ պատճառով։ Բայց բանւորները և գիւղացիները ոչինչ չեն կորցնում, որ նրանց ներկա-

յացուցիչներ հանդիսանում են յաճախ ազատ զբաղմունքների տէր մարդիկ—գիտնականներ, գրողներ, փաստաբաններ, ուսուցիչներ, և այլն։ Իւրաքանչիւր իրաւական պետութեան մէջ գոյութիւն ունեն մի քանի քաղաքական կուսակցութիւններ։ Այսպէս՝ ըսնուրական կուսակցութիւն, որ պաշտպանում է բանւորների, գործակատարների և ընդհանապէս բոլոր մանր վարձու աշխատաւորների շահերը. գիւղացիական կուսակցութիւնը պաշտպանում է գիւղացի-հողագործների շահերը։

Եթէ մի երկրում չկայ առանձին գիւղացիական կուսակցութիւն, այդ դէպքում աշխատաւորների շահերի պաշտպանութիւնը կլինի ոչ գիւղացիական և ոչ էլ բանւորական, այլ աշխատաւորական կուսակցութիւն։

Կալւածատիրական կուսակցութիւնը պաշտպանում է խոշոր կալւածատէրերի շահերը, կղերական կուսակցութիւնը՝ հոգեորականութեան շահեր, կառավարականը՝ չինովնիկների շահերը։ Այս երեք կուսակցութիւնները երբեմն միանում են և միասին կազմում պահպանողական կուսակցութիւն, որովհետև նա ձգտում է պահպանել հասարակութեան տյդ երեք դասակարգերի արտօնութիւնները։

Երբեմն պահպանողական կուսակցութիւնը փոխուում, դառնում է ուշակցիներ կամ յետա-

դիմական, այսինքն այնպիսի կուսակցութիւն, որ ուգում է կեանքի անիւը շուռ տալ դէպի ետև և ժողովրդին զրկել իւր իրաւունքերից:

Սուետրա—արդիւնաբերական դասակարգը կազմակերպում է ազգային-լիբերալ կուսակցութիւն, այսինքն այնպիսին, որ պահանջում է նոր նուածութիւն՝ շուկան ընդարձակելու, ապրանքները արտահանելու նպատակով՝ որ չէ ցանկանում տէրութեան միջամտութիւնը բանւորների և կապիտալիստների յարաբերութեան մէջ։ Վերջապէս, ազատ զբազմունքների տէր մարդիկ, մասք սեփականատէրեր—արհեստաւորներ, որոնք ապրում են քաղաքներում, միանում են և կազմում ազատամիտ կուսակցութիւն։ Այս կուսակցութիւնը պաշտպանում է գլխաւորապէս ամբողջ ժողովրդի հոգեկան շահերը և ժողովրդական իրաւունքներն ու ազատութիւնները։

Ժողովրդական իրաւունքներն ու ազատութիւնը, ժողովրդի վեհապետութիւնը ամենից աւելի լիակատար կերպով պաշտպանում է սոցիալիստական կամ ընկերութական կուսակցութիւնը, որը պահանջում է արմատական փոփոխութիւն մտցնել հասարակութեան տնտեսական կազմի մէջ, մինչդեռ ազատամիտները այդ չեն պահանջում։ Սոցիալիստական կուսակցութիւնը պահանջում է, որ հողը, գործարանները, զաւոդները և մեքենաները (արդիւնաբերութեան միջոց-

ները) պատկանեն ամբողջ ժողովրդին, և ոչ թէ առանձին անհատներին, որովհետեւ քանի դեռ հողը, գործարանները և մեքենաները ունենորների մասնաւոր սեփականութիւն են կազմում, չունենորները չեն կարող ազատուել ակամայ աշխատանքից նրանցով։ Սակայն դժւար է միանգամբից հողը, գործարանները և մեքենաները գարձնել հասարակական սեփականութիւն։ Այդ պատճառով էլ այդ անցումը նախապատրաստելու և աշխատաւորների վիճակը թեթևացնելու համար սոցիալիստական, այսինքն իսկական ժողովրդական կուսակցութիւնը ամենից առաջ պահանջում է ամբողջ հողը դարձնել ամբողջ ժողովրդի սեփականութիւն, որի կարգադրութիւնն էլ յանձնել տեղական միութիւնների քաղաքային և զիւղական համայնքների խորհրդին։ Այս խորհուրդները, որոնք ընտրւում են ընդհանուր, հաւասար, գաղտնի և ուղղակի ձայնաւութեամբ, կրաժանեն և հողը աշխատաւորների համայնքների և ընկերութիւնների մէջ այն պայմանով, որ նրանից օգտւեն հաւասարապէս և համայնապէս՝ առանց կողմնակի մարդկանց կապալի<sup>\*)</sup>։ Դրանից դատ սոցիալիստա-

\*) Այս եւ, օրինակ, Ռուսաստանի սոցիալիստականութիւնը, ինչպէս նաև Հ. Յ. Դաշնակչութեան պահանջները, Այս կուսակցութիւնները պաշտպանում են թէ բանւորների և թէ զիւղացիների շահերը,

կան կուսակցութիւնը պահանջում է 8-ժամեայ բանւորական օր գործարանում, զաւոդներում և արհեստանոցներում. պահանջում է գործադրութիւն և բանւորական միութիւնների ազատութիւն, բանւորական ընտրեալների ներկայացուցութիւն, գործարանական վերահսկիչներ, պարտադիր ապահովագրութիւն՝ մահւան, հիւանդութեան, պատահարների և աշխատազրկութեան դէմ, պետութեան և գործատէրերի հաշվին։ Սոցիալիստական կուսակցութիւնը պահանջում է նմանապէս աճող (պըոգրեսիւ) եկամըտային հարկի ներմուծում, անուղղակի հարկերի կատարեալ վերացում, նաև անհրաժեշտ պիտոյքների՝ օրինակ նաւթի, լուցկու, շաքարի, թէյի վրայ գրւող մաքսի վերացում։ Անուղղակի հարկերը, ինչպէս մենք գիտենք, չափազանց թագցնում են կեանքը սակաւ ուներների և չուներների համար։

Ան այն քաղաքական կուսակցութիւնները, որոնք կուռմ են իրար դէմ՝ իրաւական պետութեան մէջ։ Նրանց կոիւն էլ հէսց կազմում է այն, ինչ կոչում են երկրի քաղաքական կետնք։

Քաղաքական կուին մասնակցութիւն են ցոյց տալիս բոլոր գիտակից քաղաքացիները։ Սակայն այս կոիւը իրաւական պետութեան մէջ յենում է առանց արիւնեղութգան։ Ազատ

խօսք, ազատ կարծէքները և համոզմունքներ, նաև ազատ մամուլ, — ահա այդ կուի միջոցները և գէնքերը։

### 23. ԻՐԱԿՈՒՆՔԻ ՏԻՐԱՊԵՏՈՒԹԻՒՆ

Մինչև այժմ, գրքիս առաջին մասում, մենք ծանօթացանք իրաւական պետութեան այն առանձնայատկութեան նետ, որ կոչում է ժողովրդի վեհապետութիւն կամ ժողովրդի ինքնակալութիւն։ Մենք տեսանք արդէն, որ ժողովուրդը իրագործում է իր բարձրագոյն իշխանութիւնը՝ օրէնքներ հրատարակող ներկայացուցական ժողովի միջոցով։

Սակայն իրաւական պետութիւնը այսպէս է կոչում ոչ միայն նրա համար, որ այնտեղ բարձրագոյն իշխանութիւնը գտնվում է ժողովրդի ձեռքին, այլ նաև նրա համար, որ այնտեղ բոլոր քաղաքացիները հաւասար են դատարանի և օրէնքի առջև։ Հաւասար են ամենքը նրա համար, որ հիմնական օրէնքներով ճանաչւած են անխտիր բոլորի վերաբերմանը այսպէս կոչւած մարդու սրբազան և անկապտելի իրաւունքները։ Այդ իրաւունքներն են — խղճի, հաւատի և գիտական համոզմունքների ազատութիւն, խօսքի և մամուլի, ժողովումների և միութիւնների ա-

զատութիւն, անձի, բնակարանի և պոստային յարաբերութիւնների անձեռնմխելիութիւն:

Այս իրաւունքները սրբազան են կոչւում այն պատճառով, որ մարդկային հոգին, մարդկային անձնաւորութիւնը այդ ազատութիւնների կարիքը ունի, ինչպէս սրբութիւն։ Ազատութիւնն այնպէս է հարկաւոր մարդու, ինչպէս որ օղը՝ շնչելու համար։ Այդ ազատութիւնները կոչւում են անկապտելի կամ անձեռնմխելի։ Այս նշանակում է, թէ ոչ մի պետութիւն, նոյնիսկ աշխարհիս ամենալաւ պետութիւնը իրաւունք չունի խլելու այդ ազատութիւնները քաղաքացիներից, զրկելու մարդկանց իրենց անկախութիւնից և ազատութիւնից։

Իրաւունքի տիրապետութիւնը հէնց նրանով էլ արտայայտում է, որ պետական իշխանութիւնը ներկայացուցչական պետութեան մէջ հանդիպում է միայն մի սահմանափակման, որ է սահմանափակումն քաղաքացիների իրաւունքներով։ Ժողովրդական ներկայացուցիչները կարող են հրատարակել ինչ օրէնք որ պէտք է, միայն թէ ոչ այնպիսի մի օրէնք, որ զբկէր քաղաքացիներին իրենց ազատութիւններից և իրաւունքներից։

Իրաւական պետութեան բոլոր բնակիչները հաւասար իրաւունքներ ունեն իրեն քաղաքացիներ, անկախ այն քանից, թէ նրանք ինչ հասա-

րակական դիրքի տէր մարդիկ են։ Պետութեան նախագահը, մինիստրը, մի բանւոր թէ գիւղացի, — բոլորն էլ միատեսակ կերպով պարտաւոր են օրէնքին հնագանդւել և յարգել ուրիշ մարդկանց իրաւունքները։

Օրէնքի ոյժը պահպանելու և խախտւած իրաւունքները վերականգնելու համար գոյութիւն ունեն քաղաքացիների կողմից ընտրւած գատաւորներ։ Բայց հէնց «քաղաքացի» կոչումը հասկանալի է միայն իրաւական պետութեան մէջ։ Ո՞վ է կոչւում քաղաքացի։ այն մարդը, որ տէր է անկապտելի իրաւունքների՝ ճանաչւած երկրի հիմնական օրէնքներով, և որոնց պահպանութիւնը դատարանի ձեռքին է։ Ոստիկանական պետութեան մէջ չկան քաղաքացիներ, այնտեղ կան սոսկ բնակիչներ, հաւասարիմ հրատարակիչներ, — մի խօսքով՝ իրաւագուրկ մարդիկ։ Այս իրաւազուրկ մարդիկ առարկայ են գառնում ամեն տեսակ իշխանաւորական կամայականութեան, որի դէմ նրանք անզօր են այնչափ ժամանակ, քանի դեռ կունք ձեռք չեն բերել իրենց իրաւունքը։

Մի անգամ արդէն երկրի հիմնական օրէնքներով պետութեան բնակիչները ճանաչել տալով իրենց իրաւունքները և ազատութիւնները՝ իրաւունք են սահմանում պաշտպանել նրանց թէկուդ ոյժի միջոցով։ Այսպէս անզլիական քաղաքացի-

Ները ✓իրաւունք են համարում նոյնիսկ ժողովրդական ապստամբութեան միջոցով պաշտպանել իրենց սրբազն իրաւունքները ամեն տեսակ ոտնձգութիւնների դէմ՝ պետական իշխանութեան կողմից։ Անգլիայի ժողովուրդը նրա համար չէ կուել հարիւրաւոր տարիներ շարունակ յանուն այդ իրաւունքների, որ դուրս գայ մէկը և խի նրանցից այդ էրաւունքները։ Իրաւական պետութեան մէջ էլ ժողովրդական ներկայացուցիչները չեն մոռանում իրենց օրէնսդրական գործունէութեան ընթացքում յարգանքով վերաբերել դէպի քաղաքացիների իրաւունքները, որ թւած են երկրի հիմնական օրէնքների մէջ։ Այս պատճառով էլ ներկայացուցչական ժողովի միայն այն որոշումն է օրէնք կոչւում, քաղաքացիների համար պարտադիր, որը չէ հակասում հիմնական օրէնքներին։ Նախագահի միայն այն հրամանագիրը և մինիստրի միայն այն կարգադրութիւնն է համարում պարտադիր, որը չէ խախտում քաղաքացիների իրաւունքները և չէ անցնում այն իշխանութեան սահմաններից դուրս, որ վերապահւած է նրանց ժողովրդական ներկայացուցիչների կողմից։ Ուրիշ խօսքով՝ կառավարչական հրամանագրերը իրաւական պետութեան մէջ միայն այն ժամանակ են համարում իրագործելի, երբ համաձայն են երկրի հիմնական օրէնքներին և ժողովրդական ներկայացու-

ցիչների կողմից հրատարակւող սովորական օրէնքներին։

Տեսնենք այժմ, թէ ինչ նշանակութիւն ունեն առանձին-առանձին ազատութիւնները իրաւական պետութեան քաղաքացիների կեանքում։

#### 24. ԽՂՃԻ ԱԶԱՏՈՒԹԻՒՆ

Խղճի ազատութիւն ասելով հասկացւում է մտածելու, զգալու և ցանկանալու ազատութիւնը այնպէս, ինչպէս որ թելազրում է մարդու իր խիղճը, վակուց արդէն յայտնի է, որ «ոչ միայն հացիւ կեցցէ մարդ», այսինքն՝ մարդու համար գոյութիւն չունի ստամբուի հարց միայն, այլ նաև մտաւոր հարցեր և բարոյական պահանջներ։ Այս տեսակէտով էլ մարդու տարբերում է անասունից, որը միայն ուժում է, խմում և բազմանում։

Մարդու չէ ապրում սոսկ բուսական կեանքով, նա իր շուրջը նոր կեանք էլ էստեղծագործում։ Մարդկային հոգին—ահա մարդկային բոլորատեսակ հոգենը և նիւթական նւաճումների միակ և անվերջ աղբիւրը։ Իսկ ամեն մի ստեղծագործութիւն երևակայել չէ էլ կարելի առանց ազատութեան։ Արտաքին ստեղողութիւնը սպանում է մարդկացին հոգին։

Ահա թէ ինչ է ասում այդ մասին մի յայտնի գիտնական (իերինդ): «Զգալ ինքն իրեն արարիչ՝ թէկուզ ամենափոքր աշխարհի, արտացոլել՝ իրենից առաջ գեռ չեղած և միայն իրենով գոյութիւն ստացած սեփական ստեղծագործութեան մէջ,—ահա թէ ինչն է մարդուս ներշնչում իր արժանաւորութեան ինքնագիտակցութիւն, և զգացում՝ որ նա նմանում է Աստծուն: Մարդուս բարձրագոյն իրաւունքն է զարգացնել այդ ստեղծագործական գործունէութիւնը, որն և անհրաժեշտ միջոց է բարոյական ինքնակըրթութեան: Այս բանի համար արդէն խսկ ենթագրում է ազատութիւն, որովհետև մեր սեփական ստեղծագործութիւնը համարել կարող ենք միայն այն, ինչ որ ազատօրէն բղխում է մեր անձնաւորութիւնից: Ստիպել մարդուս, որ նա բարի և խելացի բան կատարի, —այդ արդէն յանցանք է նրա կոչման դէմ, որովհետև հէնց այդ ստիպողութեամբ նրանից խլում է սեփական բերմամբ բարի գործելու հնարաւորութիւնը»:

Սրանից արդէն պարզ է, թէ ինչ ահազին նշանակութիւն ունի խղճի աղատութիւնը մի ժողովրդի հոգեկան կեանքի համար: Խղճի աղատութիւն ասելով իրաւական պետութեան մէջ հասկացւում է, որ կառավարութիւնը իրաւունք չունի ոչ ոքի հետեւելու, հալածելու նրան իր

մաքերի, իր հաւատի համար, իր գիտական համոզմունքների և այս կամ այն քաղաքական կուսակցութեանը պատկանելու համար: Այսպիսի հալածանքն առանց այդ էլ անմիտ բան է. չէ՞ որ ճշմարտութիւնը երեսն է գալիս մտքերի ազատ փոխանակութիւնից, կարծիքների ազատ մրցումից: Իւրաքանչիւր ոք այնպէս է կարծում, թէ ինքը ճշմարիտ է մտածում, թէ իր հաւատն է ճշմարիտը, թէ առենալաւը այն լուսակցութիւնն է, որին ինքն է պատկանում: Եւ թող ամենքն էլ վիճեն և կուեն իրար հետ խօսքով և համոզմունքով,—ժամանակը ցոյց կտայ, թէ ով է եղել արդարը, որի կողմն է եղել ճշմարտութիւնը, ով է բարի գործ կատարել, և ով է քարոզել չարութիւն:

Երբ երկրի հիմնական օրէնքները ընդունում են խղճի, կրօնի և գիտական համոզմունքների աղատութիւն, այդ նշանակում է, որ չեն կարող սահմանափակւել ոչ մի քաղաքացու իրաւունքները իր ունեցած հաւատի կամ մտքերի համար, թէկուզ նրանք անհաճոյ լինեն կառավարութեան կամ ժողովրդի մեծամասնութեան համար:

Խղճի աղատութիւնից բղխում է խօսքի և մամուլի ազատութեան իրաւունքը:

## 25. ԽՕՍՔԻ ԵՒ ՄԱՄՈՒԼԻ ԱԶԱՏՈՒԹԻՒՆ

Երբ մարդ մի բանով ուրախ է, շտապում է ուրիշներին էլ հաղորդակից անել իր ուրախութեանը, որպէսզի աւելի մեծ լինի իր սեփական ուրախութիւնը։ Երբ մարդ վիշտ ունի, շտապում է այդ վշտից մասն հանել ուրիշնն, որ սիրու թեթևանայ։ Եւ երբ մարդ նոր բան է մտածում, երբ խելօք, լաւ բան է միտք անում, բաժին է հանում դրանից նաև ուրիշնն, որպէսզի այդ միտքը ծառայի ընդհանրութեան օգտին։ Պահել իր մէջ մտքերը, չքարոզել նրանց, չհամոզել ուրիշ մարդկանց, — այդ նշանակում է ժլատ մարդու նմանւել։

Եւ ահա՝ խօսքի և մամուլի ազատութիւնը հնարաւորութիւն է տալիս իւրաքանչիւր քաղաքացու բաժանել համաքաղաքացիների հետ իր մտքի և սրտի հարստութիւնը։ Ազատ, համարձակ խօսքը, ջերմ զգացումը հանգիստ չեն մնում մարդու լեզվի վրայ, ուզում են բերնից դուրս թռչել, որովհետև իւրաքանչիւր մարդ ձգտում է հանդէս ըերել իր անձնաւորութիւնը, իր հոգին, — ինչով որ կարող է։

Խօսքի և մամուլի ազատութեան կաշկանդումը ոստիկանական պետութեան մէջ կանդնեցրել է ժողովրդի հոգեկան և տնտեսական զարգացումը։ Ցենզորական իշխանութիւնը ար-

գելում էր ասել և խօսել հասարակ ժողովրդի տառապանքների և կարիքների մասին, չէր թոյլ տրւում մերկացնել կաշառակերութիւնը, պետական փողերի յափշտակումը, իշխանութիւնների բռնութիւնները ազգաբնակութեան վրայ, չէր կարելի երևան հանել խարեբայութիւնը և անձառութիւնը, ժողովրդին ճշմարիտ խօսք առել անկարելի էր։ Սակայն վերացաւ ոստիկանական պետութիւնը, դրա հետ միասին և չքացաւ ցենզուրան։

Նրա փոխարէն հանդէս եկաւ մամուլի ազատութիւն, այսինքն՝ ժողովրդի շահերը պաշտպանելու և ոչնչով չկաշկանդւող իրաւունքը — զրքերի, լրագիրների և ժուրնալների միջոցով։ Իւրաքանչիւր քաղաքացի իրաւունք ձեռք բերեց կարծիք յայտնելու իրեն յուզող բոլոր հարցերի մասին։ Իրաւական պետութեան մէջ կեանքը աւելի բարդ է, քան ոստիկանական պետութեան մէջ։ իսկ առանց խօսքի, ուսուցման և մամուլի ազատութեան՝ ժողովուրդը կնմանէր խաւարի մէջ խարխափող մէկին, չիմանալով ինչ անել, ինչի հաւատալ։

Մամուլի ազատութիւն — դա կեանքի խաւարը փարատող արեգակն է։

Մամուլի ազատութիւն — դա այն ամենազօրեղ խոզովակն է, որով բարութիւն կարելի է հոսեցնել կեանքի մէջ, իսկ մարդկանց գլխի մէջ՝

գիտակցութիւն։ Աղատ մամուլը մերկայնում է ամեն տեսակ չարիք և կռւում է նրա զէմ։ Մերկացնելով կառավարութեան կամայականութիւնները՝ նա հանդիսանում է իբրև լաւագոյն միջոց քաղաքացիական իրաւունքները պաշտպանելու համար։

Խղճի և խօսքի ազատութիւնը պահանջում է նմանապէս ժողովումների և միութիւնների ազատութիւն։

## 26. ԺՈՂՈՎՈՒՄՆԵՐԻ ԵՒ ՄԻՌԻԹԻՒՆՆԵՐԻ ԱԶԱՏՈՒԹԻՒՆ

Մարդ կարող է իր մտքերը և զգացումները արտայայտել բերանացի կամ գրաւոր կերպով։ Եւ եթէ մի պետութեան մէջ ճանաչւած է, որ քաղաքացին ունի խօսքի ազատութիւն, այսինքն՝ իր մտքերը և զգացումները բերանացի արտայայտելու իրաւունքը, — ապա ուրեմն պէտք է նաև ընդունել որ քաղաքացիները իրաւունք ունեն ազատ կերպով հաւաքւելու միասին իրենց մտքերը և կարծիքները փոխանակելու համար։ Իրաւական պետութեան մէջ իւրաքանչիւր իրաւատէր քաղաքացի աւելի կամ պակաս չափով մասնակցութիւն ունի պետութիւնը կառավարելու գործում, ապա ուրեմն և նա պէտք է ունե-

նայ որևէ միջոց իր համախոների հետ խորհրդակցութեան առարկայ դարձնելու համար պետական գործերը և իր դասակարգի շահերը։

Այդպիսի միջոց է ժողովումների ազատութիւնը։ Իրաւական պետութեան մէջ իւրաքանչիւր քաղաքացի իրաւունք ունի առանց որևէ էթոյլատութեան հրաւիրելու իր համաքաղաքացիներին հասարակական ժողովի և այնտեղ նրանց հետ քննելու այն գործերը և կարիքները, որ իրենք կարեսը կհամարեն։ Բացի դրանից այդպիսի ժողովումները իրաւունք ունեն որոշումներ անելու՝ իրքն ցանկութիւն, կարող են այս կամ այն բանին ձեռնարկել ժողովրդի համար, ու այդ որոշումները յանձնել կառավարութեանը կամ ժողովրդական ներկայացուցիչներին։ Յոյպիսով վերջիններս մի աւելորդ անդամ էլ կիմանան, թէ ինչ կարիքներ ունի ժողովուրդը։ Նմանապէս ազատորէն, առանց կառավարութեան թոյլատութեան, տեղի են ունենում մշտական ընաւորութիւն կրող հասարակական ժողովները, — օրինակ քաղաքացին վարչութիւնների, գեմսուօնների նիստերը, արդիւնաբերական և գիտական ընկերակցութիւնների, բանուորական միութիւնների ժողովները, զիւղացիական համագումարները և այլն։

Վերը մենք ասացինք, որ ժամանակակից հսկայական պետութիւններում միայն նա է զո-

բեղ, ով կուռում է ոչ թէ միայնակ, այլ վիճակակից ընկերների և համախոհների հետ:

Միութիւնների ազատութիւնն էլ հէնց տալիս է իրաւական պետութեան քաղաքացիներին հնարաւորութիւն։ Իրենց շահերի համար միասնական կոիւ մղելու համար։

Վերոյիշեալ քաղաքական կուսակցութիւնները հանդիսանում են իբրև մի տեսակ միութիւններ։ Բացի քաղաքական միութիւններից և ընկերակցութիւններից, որոնք զբաղում են պետութեան ներքին կառավարութեան վերաբերեալ հարցերով, — իրաւական պետութեան մէջ գոյութիւն ունեն եկեղեցական, դիտական, արդինաբերական և այլ տեսակի շատ ընկերակցութիւններ։ Այդ բոլոր ընկերակցութիւնները հիմնում են ծանուցման եղանակով (յաօчնութեան պօրագոմ), այսինքն՝ ծանուցում է ի գիտութիւն կառավարութեան, թէ այս ինչ մարդը հիմնում է այս ինչ ընկերակցութիւնը կամ միութիւնը, և դրանով էլ բանը վերջանում է — ընկերակցութիւնը կամ միութիւնը համարւում են, այդ անելուց յետոյ, օրէնքով գոյութիւն ունեցող։

Բացի քաղաքական կուսակցութիւններից, այսինքն այնպիսի միութիւններից, որոնց մէջ միանում են պետութիւնը կառավարելու հարցերը միասնակ ըմբռնող մարդիկ, առանձին

ոյժ են ներկայացնում իրաւական պետութեան մէջ բանւորական արհեստակցական (սլովֆէսոփոնալ) միութիւնները։ Սրանց գլխաւոր նպատակն է միացնել բանւորներին գործարանատէրերի գէմ՝ կոիւ մղելու համար տնտեսական պահանջներով։ Այդ միութիւնների անդամ բանւորները որոշ տնդամավճար են տալիս միութեան կասսային, որպէսզի գործադուլի ժամանակ նրանից նպաստ ստանան։

Գործադուլը լաւագոյն միջոցն է գործարանատէրերի գէմ առօրեայ կոիւ մղելու համար՝ աշխատավարձը բարձրացնելու և աշխատանքի օրը կրամատելու համար։ Իրաւական պետութեան մէջ բանւորները և գործակատարները վայելում են գործադուլների ազատութիւն։ Սակայն գործադուլի միջոցով միայն այն ժամանակ կարելի է մի բան ձեռք բերել գործարանատիրոջից, եթք բանւորները ապրելու միջոց ունենան գործադուլի ժամանակ, որը, եթէ գործարանատէրերը չգիշեն, կարող է երկար տեել։ Այսպէս՝ կալւածատէր Պետրինի քարահանքում (Անգլիա) աշխատող քարտաշները գործադուլ արին 2 տարի և 6 ամիս անընդհատ։ Եթէ քարտաշ բանւորների միութիւնը կասսայում հարիւր հազարներ չունենար, բանւորների մշտական վճարներից գոյացած, այդ գէպքում բանւորները չէին կա-

ըող ունենայ այդքան երկար ժամանակ շարունակել կռիւը իրենց տէրերի դէմ:

Այս բանից պարզ է, որ մեծ նշանակութիւն չունի գործադուլների իրաւունքը առանց բանւորական միութիւնների ազատութեան: Բանւորական միութիւնները բանւորների գրաւական են գործադուլների յաջող ելքի համար: Իրաւական պետութեան մէջ բանւորական միութիւնները հաշուում են իրենց մէջ միվի՛ոնաւոր անդամներ և տասնեակ միվի՛ոնների կարողութիւն իրենց կասայում՝ դրանով էլ նրանք ներկայացնում են, մի թէպէտ խաղաղ, բայց ազդեցիկ ոյժ:

Միութիւնների միւս տեսակներից ուշադրութեան արժանի են սպառողական ընկերութիւններ՝ մեծաքանակ չափով ապրանքներ միասին էժան գնելու համար: Նրանց անդամ են լինում գլխաւորապէս բանւորներ, զիւղացիներ և արհեստաւորներ:

Բացի դրանից գոյութիւն ունեն նաև արտադրական ընկերութիւններ (проверительные общество), այսինքն աշխատաւորական այնպիսի միութիւններ, որոնք միասին վարում են որևէ ձեռնարկութիւն: Սակայն որովհետեւ դրանց հիմնելը դժւար բան է, այդ պատճառով էլ քիչ կան այդպիսի ընկերութիւններ: Կապիտալով հարուստ մասնաւոր և խոշոր արդիւնաբերական

ձեռնարկութիւնների հետ ունեցած մրցման մէջ մանր արտադրական ընկերութեան համար դժուար է գոյութիւն պահպանել այդ պատճառով էլ այդպիսին յաճախ կործանւում է, չդիմանալով մրցման:

Իրաքանչիւր եկեղեցի էլ հանդիսանում է նմանապէս իրեկ միատեսակ հաւատացող մարդկանց մի միութիւն: Իրաւական պետութեան մէջ եկեղեցին միանգամայն անջատած է պետութիւնից, այսինքն պետութիւնը ոչ մի, ոչ տիրող և ոչ էլ սակաւ նշանակութիւն ունեցող եկեղեցական ընկերակցութեան չէ տալիս ոչ մի կոպէկ, ոչ մի արտօնութիւն:

Ամեն մի եկեղեցի, լինի նա քրիստոնէական, մահմեդական թէ հրէական, հաւասար իրաւունք ունի հրապարակական աստուածպաշտութեան և իր կրօնական զաւանանքը հրապարակով քարողելու: Ամեն մի քաղաքացի էլ լիակատար իրաւունք ունի գուրս գալու մի եկեղեցուց և մանելու մի ուրիշի մէջ, մի խօսքով՝ կարող է փոխել հաւատը: Կարող է նաև ամենեին չհաւատալ Աստծուն և պատկանել անհաւատների որևէ ընկերակցութեան: Կառավարութիւնը և ժողովրդական ներկայացուցիչները ոչ մի գործ չունին, թէ ինչպէս են հաւատում քաղաքացիները, կամ բնաւ իսկ չեն հաւատում: Զի՞ որ, եթէ մէկը չի ուզում, զագանակով չեն

կարող նրան արքայութիւն քշել: Աստուած ինքն էլ արքայութիւն չի ընդունի մի մարդու, որը նրան հաւատում է ոստիկանական բռնութեան շնորհիւ միայն: Աստուած լաւ է տեսնում, որ այդպիսի մարդու հաւատը կեղծաւորութիւն է միայն, որ նա հաւատում է երկիւղից դրդւած: Այս պատճառով՝ ոչ մի օգուա բերել չեն կարող մարդիկ, որոնք բռնութեան միջոցներով են մարդկանց հաւատ ներշնչել ուզում, որ. իրաւունքներից զրկելով կամ սահմանափակելով այդ իրաւունքները, աքսորով կամ բանտարգելութեամբ: Կրօնական համբերատարութիւնը առաջին օրէնքն է ձշմարիտ հոգեոր կեանքի: Ցիսու Քրիստոս մարդկանց դադանակով չէր ձգում դէպի ինքը, այլ հեզ և քնքոյշ խօսքերով:

Յիշատակենք նաև այն, որ իրաւական պետութեան մէջ բոլոր քաղաքացիները ունեն թափօրներ սարքելու, այսինքն փողոցով երթալու և իրենց կարիքների կամ որևէ է մէկի կողմից խախտւած իրաւունքների մասին բարձրածայն աղդաբարելու իրաւունք: Միակ սահմանափակումը, որին հանդիպում են քաղաքացիները իրենց այս իրաւունքը իրագործելու համար, այն է, որ նրանք դրանով չպէտք է խանգարեն փողոցի երթևեկութիւնը: Ոստիկանական պետութեան մէջ այդ իրաւունքից օգտւում է միայն զկեղեցին, երբ նա կրօնական թափօրներ է սար-

քում: Իրաւական պետութեան մէջ կրօնական թափօրներն էլ չպէտք է խանգարեն փողոցի երթևեկութիւնը:

27. ԱՆՁԻ, ԲՆԱԿԱՐԱՆԻ ԵՒ ՅԱՐԱԲԵՐՈՒԹԻՒՆՆԵՐԻ (ՊՈՅՏԱՑԻՆ ԳԱՂՏՆԻՔ) ԱՆՁԵՌՆՄԽԵԼԻ ՈՒԹԻՒՆ

Այս վերնագրում յիշւող երեք իրաւունքի ժագումը և կարևոր նշանակութիւնը աւելի լաւ հասկանալու համ'ար վերադառնոր կրկին այն էին, անցանկալի ժամանակին, երբ գեռ ոստիկանական պետութիւնը կանգուն էր:

Վերը տսացինք, որ ոստիկանական պետութեան մէջ տիրում էր կատարեալ կամայականութիւն՝ ամենքը հաւասարապէս իրաւադուրկ էին, միայն սակաւաթիւ մարդիկ, շնորհիւ իրենց ծագման և հարստութեան, աէր էին պետութեան մէջ, որոնց հետ թագաւորը բաժանում էր իր իշխանութիւնը:

Կառավարութիւնը, չինովիկները, ոստիկանութիւնը և հարուստները ճնշում և քայլքայում էին ժողովրդին: Ամենաաղքատները վճարում էին ամենից շատ հարկեր և տուքեր: Այս բոլոր կամայականութիւնները առաջ էին բերում խուլ անրաւականութիւն, որ բանկում

էր մերթ այստեղ, մերթ այնտեղ դուրսք՝ ժողովրդական ըմբուտացումների ձեռվ։ Կառավարութիւնը ամեն կերպ աշխատում էր իր յանցանքը ուրիշի վրայ զցել. երբ ժողովուրդը աղքատութիւնից մեռնում եր, կառավարութիւնը ամեն բան անբերրութեան վրայ էր Շպցում, և կամ ասում էր, թէ ամեն բանում յանցաւոր են նրէաները կամ ուրիշ այլազգիներ, իսկ նէնց որ դուրս էր գալիս մի համարձակ մարդ, որ ուզում էր հասկացնել ժողովրդին, թէ կառավարութիւնը խաբում է նրան, թէ ժողովրդի ամբողջ թշուառութիւնը վատ կառավարութիւնիցն է, թէ ժողովուրդը քայլայւում է անտանելի ծանր լծի տակ, որ դրւած է աշխատաւորների ուսի վրայ, — այդ գէպքում կառավարութիւնը այդպիսի ժարդուն յայտարարում էր իրրե դաւաճան, բռնում և առանց որևէ դատաստանի բանտ էր նստեցնում երկար տարիներով։

Հէնց որ մէկը խօսում էր ժողովրդի իրաւագրկութեան մասին համարնելով այդ բանը նրա զժբախտութեան հիմնական պատճռոր, նէնց որ մէկը ցոյց էր տալիս ժողովրդին, թէ ինչպէս և ում զէմ պէտք է կռուել ու լաւտզոյն դրութիւն ստեղծել — իսկոյն յայտնի կամ գաղտնի ոստիկանութիւնը բռնում էր նրան և տանջում։

Այդ բոլորից յետոյ կառավարութիւնը նըրանց, որոնք չէին կարող անտարբեր վերաբեր-

մունք ցոյց տալ հարազատ ժողովրդի տանջանքներին, այդպիսիներին աքսորում էր տաժանակիր աշխատանքի կամ կախել էր տալիս, նայած թէ նրան որչափ վտանգաւոր էին համարում ոստիկանական պետութեան աչքում։

Վերջապէս՝ շատ երկրներում բանն այնտեղ հասաւ, որ սկսեցին մարդկանց բռնել ոսոկ կասկածելով վրան, երբեմն նոյնիսկ առանց կառակածի, համարեա ամեն մի պատահող մարդու Ոստիկանութիւնը և ժանդարմերիան ամեն տեղ ցոյց էին տալիս իրենց եռանդը։ Գողերի և աւազակների նման նրանք զիշերով մտնում էին ուրիշի բնակարանը, խուզարկում էին ամենքին, ամեն բան տակն ու վրայ էին անում և բռնում մի քանի մարդու։ Նետեեալ զիշեր մտնում էին մի ուրիշ տուն և կրկնում էին այնտեղ իրենց արարքը։

Զարմանալի չէ, որ զժգոնների թիւը աւելի ու աւելի էր բազմանում։ Մարդ քնելիս վստահ չէր, թէ նրան զիշերը հանգիստ կը թողնեն։ Բազմաթիւ անմեղ մարդիկ վտում էին բանտերում։ Ամիսներ և տարիներ էին անցնում և ոչ ոք նրանց չէր ասում, թէ ինչ բանում և ինչ հիմունքներով են նրան մեղադրում։ Մի մարդու ուրիշին գրած նամակը բաց էին անում այսպէս կոչւած «ու կապինետներում» և կառավարութեան պաշտօնեաները այդ եղանակով աշխար-

տում էին ոստիկանական պետութեան համար վտանգաւոր մտքերի ապացոյցներ գտնել:

Ահա այս բոլոր բաների համար էր, որ ոստիկանական պետութիւնը իրենց վրայից թօթափող ժողովուրդները թագաւորական իշխանութեան ներկայացրած հիմնական պահանջների մէջ զնում են անձի, բնակարանի և մարդկանց իրար հետ ունեցած յարաբերութիւնների անձեռնմխելութիւն, այսինքն՝ կամայական ձերբակալութեան և ուրիշների նամակները բանալու արգելումն: Եւ յիրաւի, ժամանակակից իրաւական պետութեան մէջ իշխում է պոստային կատարեալ գաղտնապահութիւն և անձի ու բնակարանի կատարեալ անձեռնմխելութիւն կառավարութեան կամայականութիւնից: Այս բանի համար գոյութիւն ունեն մի շարք օրէնքներ, որոնց հետ և անմիջապէս կը ծանօթանանք:

Նախ՝ իրաւական պետութեան մէջ ոչ ոքի չի կարելի խուզարկել և ձերբակալել, հիմնելով միմիայն կասկածի վրայ և առանց որևէ հիմքի: Եւ եթէ նոյնիսկ այս բանի համար լինեն պատճառներ, յամենայն դէպս խուզարկութիւն կամ ձերբակալութիւն կարելի է անել միմիայն հիմնելով քննիչի կամ դատաւորի ստորագրութիւնը կրող արքունական թղթի վրայ: Իսկ ինքը ոստիկանութիւնը մէկին ձերբակալել կարող է միմիայն այն դէպսում, երբ նրան բռնի յանցագոր

ժութեան վայրում. և միայն մի դէպսում նա կարող է առանց հրամանի մտնել մասնաւոր բնակարան, այն է՛ երբ յանցագործը նրա աշխատավորում է այնտեղ:

Ամեն մէկը, որ իրեն համարում է անարդար տեղը կամ անհիմն ձերբակալւած, իրաւունք ունի պահանջելու, որ 24 ժամւայ ընթացքում իրեն դատաւորի մօտ բերեն, որն և պարտաւոր է յայտնել նրան մեղադրանը կամ ազատել նրան: Եթէ որևէ մէկը մեղադրում է օրէնքի աննշան խախտման՝ զանցառութեան մէջ, այդ դէպսում դատաւորը պարտաւոր է կարգադրութիւն անել, որ նրան ազատեն բանտարգելութիւնից: Իսկ եթէ մէկը մեղադրում է օրէնքի ծանր խախտման մէջ, այդ դէպսում դատաւորից է կախւած այս կամ այն միջոցը ձեռք առնել: Դատաւորը կարող է կամ ազատել նրան երաշխաւորութեամբ, կամ թէ չէ ստորագրութիւն առնելով պարտաւորեցնել նրան, որ չի հեռանայ իր բնակավայրից:

Վերջապէս, եթէ մէկը դատի ազատելով կալանաւորւած է մնում օրէնքի սահմանւած ժամանակից աւելի երկար, այդ ժամանակամիջոցը անցնելուց յետոյ իրաւունք ունի պահանջելու, որ կամ անմիջապէս դատ անեն և կամ իսկոյն ազատեն նրան: Բայց դրանից՝ կալանաւորւածի ամեն մի ազգական և ծանօթ, երբ նա

կասկածում է, թէ կալանաւորւածը որ և է պատճառով հնարաւորութիւն չունի իր դատը շտապեցնելու, և կամ չգիտէ որ իրաւունք ունի այսպէս վարւելու, նա իրաւունք ունի նրա փոխարէն պահանջելու, որ անմիջապէս յայտնեն մեղադրանքները կամ ազատեն իրան:

Ահա այն օրէնքները, որոնք անմիջապէս պաշտպանում են քաղաքացիներին կառավարութեան և ոստիկանութեան կամայականութիւնից: Եւ որպէսզի այդ օրէնքները մեռած տառ չմնան անհիմն կերպով ազատութիւնից զրկող կամ անտեղի խուզարկութեան ենթարկող քաղաքացիների համար, կայ երկու միջոց. այդպիսիները կարող են պաշտօնեային կամ ոստիկանական ծառայողին գատական պատասխանատութեան ենթարկել և դատարանով պատժել տալ, կամ տուգանքի ենթարկել յօդուտ տուժողի, և կամ յօդուտ միաժամանակ թէ մէկի և թէ միւսի:

Պաշտօնեան և ոստիկանական ծառայողը ենթակայ են քաղաքացիական պատասխանատութեան միայն այն ժամանակ, երբ նրանք կատարել են աննշան խախտումն քաղաքացու իրաւունքների, օրինակ երբ վիրաւորել են (խօսքով) նրան: Իսկ երբ նրանք ցոյց են տւել քաղաքացու իրաւունքների բիրտ խախտումն, օրինակ ապօրինի կերպով կալանաւորել են նրան, այդ

դէպքում բացի այն, որ նրանցից մեծ գումար կառնւի յօդուտ տուժողի, նրանք կենթարկւեն նաև քրէական պատասխանատութեան՝ պաշտօնից հեռացւելով կամ բանտարկւելով: Զարմանալի չէ ուրեմն, որ շնորհիւ այսպիսի խիստ օրէնքների՝ որոնցով կամայականութեան հեղինակները պատասխանատութեան են ենթարկում, իրաւական պետութեան մէջ ադմինիստրացիայի և ոստիկանութեան մարդկանց մէջ քչերը կլինեն, որոնք կխախտեն քաղաքացիների իրաւունքները: Կամայականութեան դէպքերը չափազանց քիչ են:

Նրան պէտք է աւելացնել և այն, որ իրաւական պետութեան մէջ՝ գաղափար անգամ չունեն այսպէս կոչւած քաղաքական յանցանքների և քաղաքական յանցագործերի մասին, քանի որ խղճի, խօսքի և մամուլի ազատութիւնը հնարաւորութիւն է տալիս իւրաքանչիւրին՝ դատել և քննադատել կառավարութեան, չինովմիկների և ոստիկանների գործունէութիւնը՝ ինչպէս որ նա է ուզում: Յիշեալ ազատութիւնները, նրանց հետ նաև միութիւնների ազատութիւնը հնարաւորութիւն են տալիս ամեն մէկին միանալ իր ուզած քաղաքական կուսակցութեան հետ, դաւանել իր ուզած քաղաքական համոզ նունքները: Իրաւական պետութիւնը աներնակայելի բան է՝

առանց քաղաքական կեանքի և քաղաքական կուրի:

Իրաւական պետութեան նպատակն է՝ մարդկանց խաղաղ համայնակեցութիւնը. նրան հասնելու միջոցն է՝ կոիւր. Սակայն իրաւական պետութեան մէջ դասակարգերի և քաղաքական կուսակցութիւնների կողմից մզւող կոիւր չէ լինում ապստամբութեան միջոցով՝ ոստիկանական և զինուրական իշխանութիւնների գէմ, այլ խաղաղ միջոցներով, ազատ համոզմունքով և ներկայացուցչական ժողովի մեծամասնութեան որոշումներով:

Իրաւական պետութիւնը պետական համայնակեցութեան ամենալաւ տեսակն է, որ առաջ է բերել երբեք ժողովրդի՝ ստեղծագործութիւնը: Սակայն ժողովրդական ստեղծագործող ոյժը չէ նւազում, իրաւական պետութիւն ձեռք բերելուց յետոյ եկող հերթական հարցը ամեն տեղ էլ նոյնն է — ժողովրդի անտեսական կեանքի կառուցումը հիմնել բոլոր աշխատաւորների հաւասարութեան և եղբայրութեան սկզբունքների վրայ. կամ, ուրիշ խօսքով, պէտք է վերացնել այն ամենամեծ կախումը, որ հիմնած է ոմանց անտեսական զօրութեան և ուրիշների տնտեսական ճնշման վրայ: Պէտք է վերացնել կամաւոր վարձու աշխատանքը, հողը և կապիտալը դարձնելով համար: Մարդկային յարաբերութեան զարգացման համար:

ահա այն մեծ հարցը, որ դրւում է ազատ պետութիւնների ազատ քաղաքացիների առջի:

## ԱՄՓՈՓՈՒՄ

Ոստիկանական պետութիւնը ընկաւ բոլոր ժողովուրդների մէջ շնորհիւ մարդկային ոգու ըմբռատացման ընդդէմ այն խնամակալութեան, որը աքնում էր մարդու բոլոր հինգ զգայարաներին գոհացում տալու համար հոգալ: Մարդու ստեղծագործական գործունէութիւնը հոգեկան և տնտեսական գործունէութեան սահմանում՝ չէ կարսող զարգանալ ոստիկանական պետութեան մէջ, որը կաշկանդում է բոլոր բնակիչների ամեն մի քայլը ստիպողական պատւէրներով և ոստիկանական տրգելուներով, — ճիշտ այնպէս, ինչպէս որ սառուցն է կապում ջուրը: Իրաւունք, օրէնք, ազատութիւններ և ինքնուրոյնութիւն — ահա թէ ինչ են եղել նոր և ազատ պետական կառուցւածքի հիմքը, որով և ստեղծւել են բարեյածող պայմաններ՝ մարդկութեան յետագայ զարգացման համար: Մարդկային յարաբերութեան զարգացման ծայրն էլ չի երկում:

Գերյիշենք համառօտակի իրաւական պետութեան այն հիմնական առանձնայատկութիւնները, որոնք ներկայումս հանգէս են բերում ժողովրդական կեանքի ծաղկումը: Իրաւական

պետութեան մէջ բարձրագոյն իշխանութիւնը գտնուում է ժողովուրդ—վեհապետի ձեռքուում։ Սա իրագործում է իր իշխանութիւնը ընտրւած ներկայացուցիչների, նրանց առջև պատասխանատու մինիստրութեան և ընտրւած դատարանի միջոցով։

Ժողովրդական ներկայացուցչութիւնը հիմնուում է ընդհանուր, ուղղակի, գաղտնի, հաւասար և համեմատական ընտրական իրաւունքի վրայ, որով ապահովուում է ազգաբնակութեան մեծամասնութեան և փոքրամասնութեան շահերի ներկայացուցչութիւնը։ Օրէնքի և դատարանի առաջ հաւասար են բոլոր քաղաքացիները։ Օրէնքները ծոռայում են ժողովրդի կարիքներին կոհացում տալուն, դատարանումն էլ թագաւորում է ճշմարտութիւնը և արդարութիւնը։

Պետական տնտեսութեան հիմքը կազմում է ամենքին ըստ եկամուտի հարկատւութեան և նժառիկելը։ Իւրաքանչիւր ոք կըում է մէջքին հարկի ծանրութիւն։

Տեղական կարիքների մասին հոգալու համար զոյտութիւն ունի տեղական յատուկ ներկայացուցչութիւն՝ նոյն հիմունքներով, ինչպէս ժողովրդական բարձրագոյն ներկայացուցչութիւնը։

Ժողովրդական կրթութիւնը մատչելի է ընդ-

հանրութեան, պարտադիր է և ձրի. գոյութիւն ունի ուսուցման ազատութիւն։

Տարբեր ազգութիւնների իրար հետ ունենալիք յարաբերութիւնների հարցը վճռուում է նրանով, որ պետութիւնը բաժանւում է ինքնուրոյն երկրամասերի՝ տեղական ժողովրդական ներկայացուցչութեամբ։ Երկրամաս-պետութիւնները, կատարեալ ինքնավարութիւն ունենալով, միասին կազմում են դաշնակցական պետութիւն (ֆեղերատիւ հասարակապետութիւն), ունենալով ժողովրդական ներկայացուցիչների բարձրագոյն պալատ՝ բոլոր ժողովուրդների վերաբերող ընդհանուր գործերը վճռելու համար։ Բացի ժողովուրդ—վեհապետից, պետութեան իսկական գլուխին կայ նաև պատաւոր գլուխ—նախագահ, կամ թագաւոր, ինչպէս որ է Անդիայում։

Ժողովուրդը բաժանւում է զանազան քաղաքական կուսակցութիւնների, որոնք կորւ են մղում իրար գէմ։

Իրենց ոյժով և միութեամբ առանձին ուշագրութիւն են դարձնել առաջի իրենց վրայ ժողովրդական—սոցիալական կուսակցութիւնները, որոնք պաշտպանում են գիշացի-հողագործների և քաղաքացին ու գիւղական բանուօրների շահերը։

Առանձնապէս կարիքութիւն ունեցող խընդիւնների համար տեղի է ունենում բոլոր ընտրուցների անմիջական հարցում—ուժիքերենդում։

Ինիցիատիւի իրաւունքը օրէնսդրական նախաձեռնութիւնը—պատկանում է ամենամի ընտրողի, եթէ այդ նախաձեռնութիւնը կազատպանեն օրէնքով սահմանւած որոշ թիւ կազմող քաղաքացիներ։

Ժողովրդի բարձրագոյն իշխանութիւնը սահմանափակում է քաղաքացիների սրբազն, անձեռնմխելի իրաւունքներով, այսինքն՝ խղճի, հօտատի, գիտական համոզմունքների, խօսքի, մամուլի, ժողովրդական միութիւնների և թափօրների աղաւութեամբ, անձի, բնակարանի և յարաբերութիւնների (պոստային գաղտնիք) անձեռնմխելիութեամբ:

Մարդկային անձնաւորութեան իրաւունքները և մարդկային արժանապատութիւնը ադմինիստրացիայի և ոստիկանութեան կամացականութիւնից պաշտպանում են դատարանով. նրանց խախտել իսկ ցանկացող ամեն մի չինովնիկ, ոստիկանական ծառայող կամ մասնաւոր անձն ենթակայ է քաղաքացիական և քրէական պատասխանատութեան:

Ժողովրդական ներկայացուցիչներից բաղկացած Սահմանադիր ժողովը լաւագոյն միջոցն է իրաւական պետութիւն ստեղծելու համար:

Ծանր, արիւնահեղ կոհիւներով են քաղաքացիները ոստիկանական պետութիւնից իրաւական պետութիւն գարձել. այժմ էլ, իրաւական պետութեան մէջ, մզւում է կուսակցութիւնների կոիւր, բայց այդ կոիւր մզւում է խաղաղ ձանապարհով, հիմնած համոզմունքի և ներկայացուցչական ժողովի մեծամասնութեան որոշումների վրայ:



ԼՈՅԱՆ ՏԵՍԱԿԱՆ

- № 62. Հ. Յ. Դաշնակցութեան հոյ. ճրադիր 20 կ.  
 № 63. «ոյնը ուսուելին» . . . . . 20 կ.  
 № 64. Հ. Յ. Դաշնակցութեան ճրադիր հայեր. 10 կ.  
 № 65. նոյնը ուսուելին . . . . . 10 կ.  
 № 66. « վրացերէն » . . . . . 10 կ.  
 № 67. 1917 թ. ապրիլի 6-12 Հ. Յ. Դ.  
     Խայտական ժաղովի ոզուռութեանը 15 կ.  
 № 68. նոյնը ուսուելին . . . . . 15 կ.  
 № 69. Ա. Արևիկան. Ի՞նչ է իրաւուկան  
     ովտութիւնը (Խ ճրատարակութիւն). 70 կ.  
 № 70. Ա. Արևիկան. Ժաղավագավար  
     քուրութիւններ. Խ ճրատ. 1 ռ.  
 № 71. Գ. Խ. Աղջոյին նորց. Աւտոնա-  
     մբա և Ֆեդերացիա, Խ ճրատ. 25 կ.  
 № 72. Ձ. Լուսուր. Ամէ անոպրութեան  
     էակնոն մտախ. Խ ճրատ. 50 կ.

ТИФЛИСЪ

Պահելուր՝ Լեռնուցեան, Խ 12, Վիբլուտեկա  
 «Արած»

ՀՀ Ազգային գրադարան



NL0189391

